

„Droschak“

ORGANE

de la Fédération

Révolut. Arménienne.

ԴՐՈՇԱԿ

Adresse:

RÉDACTION DU JOURNAL

„Droschak“

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՋՆԱԿՑՈՒԹԵԱՆ“ ՕՐԳԱՆ

ՏԱՐՐԱՆՈՒԾՈՒՄ ԵՒ ՄԻՈՒԹԵԱՆ ՃԻԳ

„Սօցիալ-դեմոկրատ կուսակցութեան այդ կազմալոյծ վիճակի մէջ ես տեսնում եմ գլխաւոր պատճառը այն իրողութեան, որ բանւորական շարժումը Ռուսաստանում այնքան դանդաղ է կազդուրւում ռեակսիօնի հարւածներէր: Յեղափոխութեան պարտութիւնը խել է պրօլետարիատից նրա ինքնավստահութիւնը, նրա հաւատը դէպի իր դատը, իր կուսակցութիւնը, սօցիալ-դեմոկրատիան: Եւ ո՞րտեղից առնէ նա այդ հաւատն ու վստահութիւնը, երբ ս.՝դ. կուսակցութիւնը պառակտւել է, բաժանւել բազմաթիւ հատւածների, որոնցից իւրաքանչիւրը ուրիշ ոչինչ չի քարոզում պրօլետարիատին, բայց եթէ միայն անվստահութիւն դէպի միւս հատւածները: Ինչպէ՞ս կարող է այդ պրօլետարիատը ձեռնարկել որեւէ գործի, որեւէ քայլի, երբ ամեն մի ֆրակսիօնի հաւանած քայլը պէտք է հանդիպի միւս հատւածների մերժումին ու արգելքներին:

„Քանի դեռ սօցիալ-դեմոկրատիան կը գտնւի ներքին տարրալուծման և թշնամութեան այդ վիճակում—նա ուղղակի խօչընդոտ է աշխատատեղերէն և անգլախառն երի գործունէութեան. և այդ խոչընդոտը այնքան աւելի մեծ կը լինի, որքան աւելի ուժով է պահպանւել կուսակցութեան ազդեցութիւնը:

Ձանազան հատւածների միութիւնը ընդհանուր ձեռնարկներէ համար՝ նախանկատ պայմանն է ամեն մի աջող քայլի և նա հանդիսանում է մեր ռուս ընկերների գործնական ամենածանրակշիռ խնդիրը *):

„Ռուսական սօցիալիզմի հատւածների ժամանակակից վիճակում, „ինչ անելու“ հարցը շատ աւելի նւազ կարեւորութիւն ունի, քան թէ այն, որ անելիք գործողութիւնները կատարւէին ընդհանուր, միացած ուժերով: Որքան ես ինքս կարող եմ հետեւել, իսկական տարածայնութիւնները, որ բաժանում են ռուսական սօցիալիստների ահագին մեծամասնութիւնը, այնքան մեծ չեն,

որպէս զի արդարացին կազմակերպական պառակտումը և փոխադարձ հակամարտութիւնները: Բաժանողը աւելի շուտ անցեալի յիշողութիւններն են, քան թէ այժմեան աշխատութիւն հակասութիւնները: Թող ամեն մի հատւած ունենայ իր ձեռքերը, բայց ամենագեղեցիկ գործնական ոչինչ չ'արժէ, եթէ յարուցանում է հատուածային գոտարկութիւններ: Միւս կողմից, նոյնիսկ մի քայլ, մի ձեռնարկ, որ գոհացում չի տալիս ամեն մի բնագոտող աչքի, կարող է այնուամենայնիւ մեծ ազդեցութիւն գործել և կենդանութիւն մտցնել պրօլետարիատի մէջ, եթէ այդ քայլը կատարւում է բոլոր հապւածների ընդհանուր ձիգերով...:

„Եթէ աջողւի այդ մեծ գործը (ուժերի միութիւնը)՝ այն ժամանակ Ռուսաստանի պրօլետարիատն էլ վերստին կ'արթնանայ ու կը բարձրանայ, — և նրա ապագայ ըմբոստացումները, տարբեր ձևերով, արժանի կը լինին իր հերոսական անցեալին—նրանք կը լինին աւելի բեղուն և աւելի ուժեղ“...

Այս համոզիչ, զօրաւոր, փոքր ինչ ցասկոտ յորդորները չեն գալիս „Դաշնակցութիւնից“, այլ մարքսիստական ուղղափառութեան բրմապետից—կարլ Կառլսը *):

Այդ յորդորները բնաւ չեն հնանում ընդհակառակը: Եւ քանի աւելի են սաստկանում նրանք, քանի աւելի է աճում Եւրոպայի և Ռուսաստանի մէջ ցասումն ու զղանքը ռուս սօցիալ-դեմոկրատների ներքին պառակտման և անվերջ ու թունոտ բանակութիւնների առթիւ՝ այնքան աւելի են կարծրանում այդ կուսակցութեան վարիչները, այնքան աւելի է սաստկանում նրանց աղանդական տենդը: Ստորեւ զետեղւած շրջաբերականը մի նոր ապացոյց է այդ փաստաւոր տրամադրութեան:

„Դաշնակցութիւնը“, խոստովանում ենք, բաւական միամիտ էր, երբ, Վառնայի համագումարի մէջ, հրահանգում էր իր պատշաճ մարմիններին՝ աշխատել միութիւն կամ համերաշխութիւն առաջ բերելու ռուս յեղափոխական հատւածների մէջ: Այդ վեհափառ օրթօգօքսները, որ մարքսեան ֆօրմուլների անվերջ որոճալը գերադասում են—և միշտ էլ գերադասել են—կենդանի յեղափոխական աշխատանքից՝ արհամարհում են անգամ Կառլսը:

*) Ընդգծումները մերն են:

ԽՄԲ.:

*) Տ. Վիեննայի ռուսական „Պրավդա“ թերթը, No 23:

կինների և ծուռեսների յորդորները, ո՛ւր մնաց՝ մեք ըր...

Միութիւնը անհնարին է առաջ բերել՝ անգամ ամենամեծ, ամենաընդհանուր կէտերի շուրջը, ուստի սոցիալիստներին անկարելի է լինում համաձայնեցնել՝ անգամ վայրագ բռնութեան դէմ կռիւ մղելու ստիպողական գործի մէջ: Կառուցու հետ ամենքը գիտեն, որ սկզբունքի տարբերութիւնները բաւարար չեն, որ «ուստի սոցիալիստների ահաբեկի մեծամասնութիւնը բաժանող տարաձայնութիւնները այնքան մեծ չեն», որպէս զի խաթարեն միութեան գործը, կամ գէթ ժամանակաւոր համաձայնութիւնն ու գործակցութիւնը՝ դժբախտ երկրի ամենագոյնի դատի շուրջը...

Այդ իրողութիւնը շեշտում էին «Դաշնակցութեան» պատկերակները Կոպենհագի համառուական միջկուսակցային խորհրդաժողովում:

Այդ իրողութեան վրայ ակնարկում էր և ծուռես, նոյն Կոպենհագի Ինտերնացիոնալի համագումար նիստի մէջ. այդ նոյն հրաւերներն ու յորդորները մի քանի անգամ արել է նա և իր թերթում... յենած Ամատերգամի համագումարի հանդիսաւոր որոշման վրայ — մի որոշում, որ ուսնները բւեարկել էին միաձայն: Նոյն բաղձանքը — մասնաւորապէս Ռուսաստանի սոցիալիստական հատուածների միութեան առթիւ — բւեարկեցին ուստի սոցիալիստներն ու սոցիալիստները Կոպենհագում, բւեարկեցին դարձեալ միաձայն, առանց կուսակցական խտրութեան, Պլէխանովից մինչև Նատանսոն և Լէնինից մինչև Չերնով:

Բոլորը ապարդիւն: Եւ ահա միանգամայն իրաւացի ցասումով Կառուցին է, որ գանգատում է, բողոքում: Նա կուգէր միացած տեսնել սոցիալիստական ամբողջ բանակը Ռուսաստանում: Եւ նա անողոք ապտակներ է ուղղում իր համախոհ սոցիալ-դեմոկրատիային: Որովհետեւ այդ կողմն է չարիքը: Որովհետեւ այդ կողմն է գլխաւորապէս պառակտիչ ոգին, հատուածամուր և դաւաժող ոգին...

«Դրոշակ»ի նախանցեալ համարի մէջ հրատարակեցինք Միջազգային Սոց. Բիւրօի կողմից մեզ ուղղած շրջաբերականը, ուր, որպէս պայծառ մի հայելու մէջ, երևան էր գալիս Ռուսաստանի սոցիալ-դեմոկրատիայի այդ ախտաւոր պատկերը, նրա ներքին անմաքուր մըրցումներն ու կռիւները: Ահա դարձեալ մի փաստագիր, որ նոյն Բիւրօն խնդրում է հրատարակել «Դրոշակ» ուստի: Ծանր, սպանիչ տպաւորութիւն են գործում այդ փոխադարձ մտրակումները մի մեծ երկրի յեղափոխական բանակի մէջ, այդ փոխադարձ և մահացու ամբաստանութիւնները... և այն երբ... Լէնայի կատաստրօֆի վաղորդայնին և Չորրորդ Դումայի նախօրեակին, երբ ահաբեկ կայսրութիւնը դեռ տնքում է մեծ ու փոքր Դումաձէներէ մտրակի տակ, երբ պատասխանատու մինիստրները — Մակարովից մինչև Շչեպուլով — ցինիկօրէն հեգնում են ու ոտնահարում ժողովրդի արիւնն ու արդարու-

թեան հիմքերը, երբ թագաւորը ընդունելով Սև Դումայի աշխատաւար տնդամեններին՝ յայտնում է նրանց, թէ «գոհ չէ նրանց աշխատանքից» և թէ յուսով է, որ գալ Դուման, Չորրորդ Դուման աւելի ևս սև կը լինի, աւելի «հնազանդ», քան նախորդը...

«Դրոշակ»ի խմբագրութեան

Սիրելի քաղաքացի,

Միջազգային Ընկերակարական Բիւրօն ստացել է Լէնինից, ի պատասխան մեր հրատարակած շրջաբերականի, սոյն փաստագիրը, որ կը խնդրենք յանձնել Ձեր մամուլին:

Եղբայրական ողջոյններով՝

Քարտուղար ԿԱՄԻԼԼ ՀԱՅՍՄԱՆՍ

Բրիւսէլ:

Սիրելի քաղաքացի,

Մի քանի արտասահմանեան խմբերի և երկու թերթի խմբագրութիւնների ընդունած որոշման առթիւ — որ յաւակնութիւն ունին պատկանել Ռուսաստանի Ս. Դ. Բ. կուսակցութեան — ես, այդ կուսակցութեան կենտրոնական կոմիտէի ներկայացուցիչս, հաստատում եմ հետեւեալը.

1. Մի քանի տարի շարունակ չեն կարողացել ոչ գումարել որևէ խորհրդաժողով ուսական կազմակերպութիւնների, ոչ էլ ստեղծել կամ վերահաստատել մի կենտրոնական կոմիտէ, որ կանոդանար կապել այդ կազմակերպութիւնները. — իսկ կուսակցութեան այն խորհրդաժողովը, որ նոր տեղի ունեցաւ, աջողեց համախմբել կուսակցութեան 23 կազմակերպութիւններ, որ գործում են Ռուսաստանում: Նրանց մեծամասնութեանը ղրկած տեղեկագիրը խորհրդաժողովի մասին՝ ամենուրեք շատ ջերմ ընդունելութիւն է գտել և այդ բոլոր կազմակերպութիւնները յայտնել են, որ պէտք է թե տան խորհրդաժողովի ընտրած կենտրոնական կոմիտէին... Հետեւապէս, մենք չենք կարող որևէ կարևորութիւն տալ արտասահմանեան փոքրիկ խմբերի բողոքին, որոնք չեն յենած ոչ մի կազմակերպութեան վրայ, Ռուսաստանում գտնուող:

2. Ռուսաստանում գործող կուսակցութեան մարտիկների այդ խորհրդաժողովը, որի դէմ բողոքում են արտասահմանի այդ փոքրիկ խմբակները, զբաղել է առանձին ուշադրութեամբ վերջինների կազմալուծող գործունէութեամբ և այն շփոթ ու բաօսով, որ նրանք յաճախ մտնում են կուսակցութեան աշխատանքի մէջ, Ռուսաստանում Այդ խմբերը, որ կապ չունին երկրի ոչ մի կազմակերպութեան հետ, օգտւում են իրենց կատարեալ անպատասխանատուութիւնից և թոյլ են տալիս իրենց՝ խօսելու կուսակցութեան անունից: Դա մի չարիք է, որ կրծում է մեր կուսակցութիւնը վաղուց ի վեր, շնորհիւ Ռուսաստանի քաղաքական ռեժիմի, որը մի կողմից ստիպում է մեզ գաղտնի գոյութիւն պահ-

պանել, և միւս կողմից ստիպում է մեծաբանակ մարտիկներին՝ դուրս գալով և ապրել արտասահմանում: Խորհրդաժողովը խստիւ դատապարտել է այդ խմբերի տարրալուծող աշխատանքը... Ուստի և կուսակցութիւնը չի կարող զարմանալ, այն հայհոյեանքների վրայ, որոնցով այդ բոլոր խմբերը ձգտում են վարկաբեկել խորհրդաժողովը:

3. Բողոքի Ռեզոլյուսիօնն ստորագրողների շարքում մենք տեսնում ենք «Գօլոս Սօց.-Դեմոկրատ» ի խումբը: Այդ ստորագրութիւնն արդէն շատ բան է ասում. նա մեզ պարզում է ճշմարիտ իմաստը այն ատելութեան արշաւանքի, որ մղում է խորհրդաժողովի դէմ, թէ երկրում, լիկվիդատօրների մամուլի մէջ, թէ բուրժուական թերթերի և թէ նոյնիսկ արտասահմանեան մամուլի յայտնի օրգանների մէջ: Իրողութիւնն այն է, որ կօնֆէրանսը (խորհրդաժողովը) մի ուղղութիւնի մէջ — ուր ամփոփւած է մեր կուսակցական ներքին ուղղութիւնների ամբողջ պայքարը վերջին 4 տարւայ ընթացքում — առանձնապէս շեշտել և դատապարտել է վերոյիշեալ թերթի պաշտպանած ուղղութիւնը...

Այս բողոքից յետոյ միանգամայն պարզ է, որ այստեղ խօսք չի կարող լինել «յափշտակման» *) (usurpation) կամ «պառակտման» մասին: Ռուսաստանի Ս. Դ. Բ. կուսակցութիւնը դատապարտել է մի ուղղութիւն, որը իր:ք և վաղուց արդէն խզել էր կատարելապէս իր կապերը կուսակցութեան աշխատանքի հետ, որը բոլոր ուժով ընդգրկանում էր կենտրոնական կօմիտէի վերատեսչական և որը դարձնում է կուսակցութեան մէջ մնացած վերջին հաստատութիւնը (կենտրոնական կօմիտէի արտասահմանեան Բիւրօն) մի զէնք այն մարդկանց ձեռքում, որոնք կուղէին վերջ տալ կուսակցութեանը, լիկվիտացիայի ենթարկել այն» (խօսքերն են Պլեխանովի, որ կողմնակից չէ խորհրդաժողովի):

4. Ինչ վերաբերում է ազգային կազմակերպութիւններին, ես պէտք է հաստատեմ, որ Ռուսաստանի Ս. Դ. Բ. կուսակցութիւնը, իբրեւ այդպիսին, գոյութիւն է ունեցել դեռ 1906-ից, աւելի ճիշտ՝ 1907 թւից առաջ, — մի թւական, երբ ազգային կազմակերպութիւնները մտել են մեր կուսակցութեան մէջ: «Բունդը» հեռացել էր կուսակցութիւնից 1903-ին և նորէն մտել էր նրա շարքերը 1907-ին: Ուստի նրանք բացակայ լինելով խորհրդաժողովից, կուսակցութիւնը յանձնարարել է իր կենտրոնական կօմիտէին՝ սկսել բանակցութիւնները ազգային կազմակերպութիւնների հետ, վերահաստատելու համար նրանց հետ նորմալ յարաբերութիւններ:

Ն. Լէնին

*) «Խենչելիները», ինչպէս յայտնի է, մեղադրում են Լէնինի հատուած՝ կուսակցութեան դրօշը և դրամները յափշտակելու մէջ:

Ն Ո Ր «Յ Ե Ր Զ Ի Ա Ժ»

Դարձեալ ռուս յեղափոխական բանակի մէջ... «Ամեն բան հոսում է» — հոսում է նաև Ռուսաստանի կուսակցական «իդէօլոգիան», գաղափարները, նշանաբանները, կազմակերպութիւնը, տակտիկը... Ոչինչ չի մնում կայուն, յարատեւ. երէկ «այնպէս էր», այսօր՝ «այսպէս»: Դաւանանքի և տակտիկի ամենահիմնական կէտերն իսկ ենթարկւում են անողոք խոշտանգումների: Եւ... այդ բոլորի համար պատասխանատու են հռչակում սովորաբար «նշովեալ իրականութիւնը», ցարիզմը... Անհերք է, սակայն, որ գլխաւոր պատասխանատուն, ամենագլխաւոր պատճառը այդ յաւերժական շփոթի, այդ անվերջ ծրագրային «այլափոխումների» ինքը յեղափոխական բանակն է, նրա ներքին անբուժելի ակարութիւնը, նրա կորովի ու դիմացկունութեան անզարմանելի պակասը...

Կուսակցութիւնների անդամահատումը շարունակւում է: Եւ նրա հետ զուգընթացաբար — պայքարը, բանակուիլը՝ միշտ պառակտիչ և տարրալուծող: Բանակուի արեւստի մէջ՝ ռուս յեղափոխականները խփել են արդէն համաշխարհային record-ը, այդ ասպարէզում՝ ոչ մի ուրիշ երկիր չի կարող գերազանցել նրանց: Եւ — ուշագրաւ է — բանակուի այդ յարաճուն աղբիւրների մէջ միշտ աւելի հարստանում է ռուս սօցիալիստ-դեմօկրատների և սօցիալիստ-յեղափոխականների առանձնաշատուկ ժարգօնը, նա յօրինում է միշտ նոր բառեր ու ինքնատիպ դարձեալներ — բօլշեւիզմ, մենշեւիզմ, օտզօվիզմ, մաքսիմալիզմ, լիկվիդատօր և այլն: Եւ դրա հետ միասին՝ մի անսպառ պաշար ամեն տեսակ ընդհանրացումների, վերացական դատողութիւնների և կնճաւոր ու թեւաւոր ֆրազների, «դիաֆնօզների» ու «պրօֆնօզների», «ուժերի ուժալ յարաբերութիւնների», «պօտենցիալ և «կինետիկ էներգիաների»... համեմաւած սրախօսութիւններով ու բարձրաթուիչ ոտանաւորներով, որոնք շատ լաւ ապացուցանում են գրողների ուժն ու գիտունութիւնը, սակայն, աւա՜ղ, չեն համոզում ընթերցողին, չեն սասանեցնում այն կարծիքը՝ որ այդ հմուտ վիճարկեստը, այդ գեղեցիկ և թեւաւոր պառնաւաբանութիւնը, այդ ահագին և հրաբխային բառափոխաբանութիւնը, այդ կարող շարժել տեղից ռուսական Յեղափոխութեան կտրատաւ, անդամալոյծ սայլը և որ այդ բոլոր սքանչելի պօլեմիստներն ու գիտուն հրապարակագիրները այնքա՛ն յիշեցնում են Պրիլօվեան Վվարտէտի անձար երաժիշտներին...

Ապահովաբար, ոչ մի ուրիշ երկրի մէջ, ոչ մի սօցիալիստ կամ պարզապէս յեղափոխական կուսակցութիւն չի մշակել վիճարկեստի (էրիստիկ) այդքան նուրբ ու պերճ ձևեր, չի հասցրել արտայայտութեան եղանակը այդ աստիճան վերացականութեան, սեթեւեթութեան ու այլազանութեան... Ռուս սօցիալիստը, օրինակ, չի ասի

երբեք պարզ, անպաճոյճ, մատչելի ձևով, թէ Ռուսաստանի յեղափոխական բանակի մէջ չկայ ոչ զէնք, ոչ զինավարժ մարդիկ ու խմբեր, ոչ էլ կռուելու տրամադրութիւն, որ այդ պատճառով ռուս ժողովուրդը անընդունակ է ապստամբելու և ազատագրելու... Այդ բոլորը նա կ'ստէ ձեզ՝ մի գերաբարակտ, ամպային ընդհանրացումով. նա կը փաստէ, որ «ներկայ ծանր վիճակի հիմնապատճառը գտնուում է բաղադրական կամքի ճնշածութեան և փոշիացման մէջ», կամ որ «մասսաների պատենցեալ կորուլը» չի վերածուում «չինեալքական կորուլի»...

Ի՞նչ անել, որպէս զի՝ «վերածել»... Ի՞նչ միջոցներով կարելի է սթափեցնել մեծ Դիակը, ապստամբական ոգի և ուժ ներշնչել նրան, կամ — ռուս սոցիալիստի բառառով — ինչպէ՞ս «կազմակերպել մասսաների և մտաւորականութեան բաղադրական կամեցողութիւնը»...

Ահա այդ հիմնական, ամենահիմնական և ամենատանջալի խնդրի շուրջն է, որ շարունակ աղմկում է ռուս կուսակցութիւնների տետր միջնորդութեան, նրա շուրջն է, որ յեղափոխական բանակը կտրատուում է, կուսակցութիւնները պառակտուում են և աղանդները սրում իրենց ամբարշտութեան սրերը:

Ահա դարձեալ մի օրգան — որ թարգման է մի նոր ֆրակցիոնի, հատաճի: Անունը — «Պօչին», «Կոստանտինովսկի»... Ընդհանրապէս նախապէս չենք կարող ուժեր — Ավկսենտիեփ, Բունակով, Նեչետնի և այլն: Օրգան բանական — ընդդէմ «Չնամեա Յրուգա»-ի, կուսակցութեան պաշտօնաթերթի: «Կարծիքների բաղադրումը գուրս է ժայթքում ճշմարտութիւնը» — ասում է ֆրանսիական առածը: Սակայն, այստեղ, այս դժբախտ միջավայրում, ճշմարտութիւնը երբեք էլ չի ժայթքում, կարծիքները այնքա՞ն են տարբեր և հաւատամբներն ու խառնածոները այնքա՞ն ալլաղան: Ճշմարտութեան տեղ... Ժայթքում է շփոթ, մի անվերջանալի և ալլանդակ բառ: Ոչ մի մերձեցում, ոչ մի հաշտութիւն, ոչ մի սինթեզ: Բանակը անդամայութեամբ է, փոշիանում. ամենակենսական ցաւերը ի վերջոյ մարում են, խլանում բանակաւորների և վիճարկեստի մշտաբորբոք հնոցի մէջ... Եւ բռնապետութիւնը ուրախութեան ու յաղթանակի ծափ է զարկում:

«Պօչինը» գալիս է իր նոր «լուծումը» առաջագրելու: Նա գալիս է ազդարարելու, որ սխալ է տրւած կուսակցութեան բաղադրականութիւնը և որ պէտք է հիմնականապէս յեղաշրջել այն: Նա էլ իր հերթին վերսկսում է ինքնամարտականութիւնը: Նա էլ դառնապէս խոստովանում է, որ ռուսական կուսակցութիւնները մօտիկ անցելու են անփորձ են եղել, չեն գտնել յեղափոխիչ գործունի բարձրութեան վրայ, չեն կարողացել օգտուել իրենց ժամանակաւոր յաղթանակներից, չեն եղել յարձակողական, այլ եղել են գրեթէ միշտ

պաշտպանողական գիրքի մէջ, չեն կարողացել քանդելու յետոյ վերաշինել, ստեղծագործել...

Քննադատութեան ու ինքնամտրական մէջ՝ նոր օրգանը գրեթէ համաձայնում է հռչակաւոր «Ալեխի» խմբագիրների հետ, որոնք գրեթէ նոյն պատճառներին էին վերագրում ռուսական Յեղափոխութեան վիժումը, խօսում էին ռուս սոցիալիստների ու սոցիալ-դեմոկրատների անփորձութեան, անկիրթութեան և ցնորականութեան (ուսուպիզմի) մասին:

Ո՞րն է առաջադրւած «լուծումը»: Պէտք է ձեռք վերցնել դաւադրական գործունէութիւնից — ասում են նրանք — կուսակցութիւնը արդէն իսկ կազմալուծւած է, լիկվիդացիայի ենթարկւած... Պէտք է հրաժարել տերրորական ձեռնարկներից ևս, պէտք է նետել մեծ ճանապարհը, լայն աշխատաւոր մասսաների մէջ, կազմակերպել կօպերատիւներ, արհեստակցական միութիւններ, պէտք է մասնակցել և բազմաթիւ կրթական հիմնարկութիւնների մէջ, վերջապէս — նաև Պետական Դոկումէնտի մէջ, Պէտք է, մի խօսքով — ասենք դարձեալ ռուս սոցիալիստի տերմինօլոգիայով — «պէտք է օգտագործել բոլոր լէգալ հնարաւորութիւնները»...

Դաւադրութիւններով ու տերրորներով չպիտի տապալի բռնապետութիւնը — ասում են էսերիզմի «կուլտուրականները» — անհրաժեշտ է ձուլել մեծ զանգւածների հետ, զբաղել բացառապէս օրինական ձեռնարկներով, թէպէտ և ռեակցիայի ալիքը տորոում է առհասարակ յաճախ նոյնիսկ ամենամեծ ձեռնարկները... Այդպիսի գործունէութեամբ է՝ որ սուրահան հերձակոյնները երազում են մի օր — ե՞րբ, Ալլահը գիտէ — բռնկեցնել ընդհանուր զինւած ապստամբութեան հրդեհը...

Երկարաձիգ և «գիտնական» յօդածների մէջ նոր օրգանը փաստում է իր տեսակէտներն ու թեզիսները, որոնց մասին դեռ կը խօսենք առաջիկայ համարի մէջ: Ցխուր է և չափազանց վհատեցուցիչ...

Ցխրալի է ոչ թէ կուլտուրական և օրինական ձեռնարկների անհրաժեշտութեան գիտակցութիւնը — այդ մենք ևս խորապէս գիտակցում ենք, «մասսային» խաղաղ ձեռնարկների այդ հրատապ անհրաժեշտութիւնը մեր կովկասեան հօրիզոններում ևս շեշտում է հրամայօրէն — տխրալի է այդ յուսահատ հրաժարումը գաղտնի, «ստորերկրեայ» գործունէութեան ձևերից, վհատեցուցիչ է այդ անօրինակ լքումը նախկին կատաղի ըմբոստների շարքերում, որոնք ի տեղի վերակազմելու ստւերի մէջ յեղափոխական կազմակերպութեան ճարտարած շրջանակները, հռչակում են այն՝ անդարմանելիօրէն կազմալուծւած և ապաւինում են լէգալիզմին, օրինականութեան...

այս բոլորը ամիսներ շարունակ. կառավարութիւնը անգիտակ, ժողովուրդը բէխաբար. և օրին մէկը, արհեստանոցի մի այլ վարպետ ընկեր՝ Սեդանին դուած ռուսները պայթում է... զո՛հ են գնում տան երեխան և մեր զինուոր Ռուսները:

Տիրանը և ընկերները ազատում են, դուրսը գտնելով: Խումբը, այնուամենայնիւ, չի կորցնում իր պաշարներն ու թիւերը. հարկւրաւոր զէնքեր, գործիքներ, ռուսներ պահելով գաղտնի պահարանի մէջ, վերաւոր և մահացած ընկերների հետ օրը ցերեկով քաշում է Այգեստանի մի այլ թաղ:

Այդտեղ ևս ազմուկ է ընկնում: Կառավարութիւնը լսում է: Ամենքը գիտէին, որ ռուսը է պայթել: Բայց թէ ո՛ր՝ ոչ ոք գիտէր, որովհետեւ ոչ ոք կը կասկածէր «Ճօճ Աղայի» տանը արհեստանոց լինելը. վերջապէս, տանը մնացած միակ պառաւ կինը միամտաբար խոստովանում է գրացի հայ փօլիսին, խուզարկում են և հետքեր գտնում, առանց մեծ բան տանելու: Մի քանի օրից՝ փոխար Գետին է գլորում: Մի քանի ամիս դադար. նոր արհեստանոցի համար տեղ պէտք է գտնել. սարսափը ընկել է քաղաքը. ամենամտերիմ և հաւատարիմ տներն անգամ մերժում են տեղ տալու ռուսի գործարանի համար... Խնդիրը ձգձգւում է և ահա յանկարծ Դաւօի սեւ գաւառանութեան օրը:

Անբաժան ընկերները իրար հետ են, խուզարկում է դրացու տունը. մեզնից թողլուութիւն են խնդրում, աղաչում, պաղատում, որ թող տանք կրակելու. իրողութիւնը ինձ անյայտ է, չեմ գիտեր ի՞նչ է անցնում մեր շուրջը. խումբը ոտքի հանելուց և հարկաւոր կարգադրութիւնը կարօն անելուց յետոյ, մեկնում եմ ընկերները գտնելու և հաւաքական խորհրդակցութեամբ մի բան անելու: Իրողութիւնը հասկանում ենք կէսօրին: Վճռում ենք, որ մի խմբակ թափանցի զօրքի մէջ և Դաւօին տերօրի ենթարկի: Ո՛վ կարող է առաջ գալ մի այդպիսի դերի համար. ամենքն են ուզում, բայց նախապատուութիւնը այդպիսի քայլերի համար տրւում է փոքրիկ խմբակին: Ցիրան և ընկերներ չեն յաջողում այն օրը:

Գիշերը վրայ է հասնում, զինուորական ընդհանուր ժողով-խորհուրդ ունինք, ի՞նչ անենքը ցցած մեր առաջ. ամբողջ գիշերւայ խորհրդակցութիւնից յետոյ որոշում է յաջորդ օրը խմբերը տեղաւորել այն դիրքերում, ո՛ւր որ զէնք կայ, մի քանի կասկածելի տեղերից արդէն զէնքերը հանել էինք, խումբը պիտի սպասէր, որ Դաւօն զօրքերի հետ խուզարկութեան գար, տեղնուտեղը սպանելու համար:

Մեր հաշիւների մէջ սխալում ենք. բոլորովին հակառակ կողմն է խուզարկում, յուսահատութիւնը պաշարում է ժողովրդին. զէնքերը օր ցերեկով տանում են, հարկ է դիմադրել:

Խմբերը ցերեկով տեղերնին փոխում են և բռնում են այն ճամբան, որով Դաւօն պիտի անցնէր: Կարեւոր ընկերները բռնում են Սահակ-բէյի յայտնի դիրքը. հոն է խմբակը, որի մէջ և «Հայրիկը»: Պայմանը այս է. երբ Դաւօն փողոց ենի, լաւ նշան զարկողները պէտք է կրակեն: Զօրքը ելնում է. ընկերները նշան են առնում, սակայն մոլորում են, որովհետեւ դաւաճանը աչքի ցաւ ունենալով, աչքը կապած էր: Մեր նշանն այդ էր: Զարագործը մեր բոլոր ձեւերին ծանօթ լինելով, հագել էր զինուորի հագուստ և իր ձեռով շատերի աչքը կապել տւել: Ահա մերներէն մէկը տեսնելով առաջին աչքը կապած մի զինուոր, զարկում է: Զինուորն ընկնում է, աչքը կապած մի զինուոր, զարկում է: Զինուորն ընկնում է, իսկ Դաւօն ճողպրում, քաշելով փողոցի տներից մէկը: Իսկ Դաւօն ճողպրում, քաշելով փողոցի տներից մէկը: Իսկ Դաւօն ճողպրում, քաշելով փողոցի տներից մէկը: Իսկ Դաւօն ճողպրում, քաշելով փողոցի տներից մէկը:

Խմբերը և տեղական կամաւորները կռւի վայրը. Դաւօն զօրքով շրջապատւած է. իրենից առաջ մի կառք է զէնքերով, ռուսներով, զինամիտի մեծ արկղերով և 20,000-ի չափ փամփուշտով, թողնում ու փախչում են: Մեր և նրանց շղթայի հեռաւորութիւնը 30—40 քայլ է. թիւրքերը փորձում են կառքը բռնել, մերոնք կրակում են կառքի ձիերի վրայ, կառքը անշարժեցնելու համար թիւրքերը և զօրքը տեղի չեն տալիս, հարկ է լինում իջնել ուղղակի փողոց:

Յիշում եմ հազարաւոր կրակներ մեր և թշնամու կողմից, փողոցը դատարկ՝ մի կիլոմետր երկարութեամբ. Տիրանը չորքած է կառքի մի ծայրը, Զոհրաբը միւս, մնացածները գնդակների տակ զէնքերը և փամփուշտներն են կրում: Այսպէս 1—2 ժամ գնդակի կրակում չի թուլացնում անտէր, անապաւէն կռուողներին. Հայրիկը գոռում է. — «գէթ մերոնց յայտնեցէք, որ մեզ վրայ չկրակեն, հեռու են, չեն ճանաչում մեզ»: Մերոնց գնդակէն մի ընկեր թեւից վիրաւորւում է: Կառքը համարեա դատարկ է, տղաները յոգնել են, վերեւից կանչում են. քրտինքի, ցեխի և վառօդի մուրի մէջ խեղդւած... ստի վրայ կանգնել չի լինում... Թիւրքերը նորից փորձում են մօտենալ կառքին, մերոնց համազարկը նորից կանգնեցնում է նրանց: Համազարկի որոտը դեռ չմարած՝ լսում է մի հսկայական պայթում: Մենք կարծում ենք, թէ թնդանօթ են արձակում. մեր գլխաւոր դիրքը — Սահակ-բէյի տան մի պատը խորտակում է, փողոցի բոլոր պատուհանները ջարդւում:

Ահագին պայթումից յետոյ՝ խեղդող լուռութիւն... Մենք սպասում ենք երկրորդ պայթումին, բայց չկայ: Յանկարծ նկատում ենք, որ թշնամին գիմացի դիրքերը — փողոցը — մաքրում ու փախչում է դէպի թիւրքական թաղերի խորքերը: Յետոյ հասկանում ենք, որ կառքի մէջ եղած ուժաւորակի ցինկի տուպն է պայթել և սոսկումն առաջացրել ամբողջ քաղաքի մէջ:

Զօրքերը իսկոյն քաշւում են զօրանոցները: Մնում է մեր շղթայի մէջ եղած վաշտը, Դաւիթի հետ: Պաշարած զօրքը օգնութիւն է աղաղակում տուրուբաններով, բայց պատասխանը զօրանոցներից բացասական է, իրենց էլ հրաւիրում են վերադառնալ... Վերջապէս, մութը վրայ գալով, զօրքը կարողանում է խուսափել, օգտւելով նրանից, որ պայթումի պատճառով Սահակ-բէյի դիրքից մեր ընկերները քաշել էին արդէն:

Վրայ է հասնում ճնշող գիշերը. երկու ժամ չ'անցած՝ իմաց են տալիս, որ հրդեհ է սկսել Սահակ-բէյի տնից. յետոյ իմացանք, որ կառավարութիւնը դիմամբ վառել էր տւել այդ ահագին տունը, որ 1896-ին ևս դիրք էր ծառայել և վառւել: Վերաշինել էր, նորէն վառեցին և տեղը մեզ հետ բանտ նստեցրին, տան ամբողջ հարստութիւնն էլ վրայ տալով:

Այս անակնկալ դիմադրութիւնը կառավարութեան յանկարծակիի բերաւ: Նա հասկացաւ, որ դեռ պէտք է դիմադրենք. արդէն Դաւօի գաւառանութեամբ մեր ուժերի մասին գաղափար ունէր, այժմ՝ իրենց տւած 40—45 զոհը սարսափեցրեց: Որոշում են — անբաւարար համարելով քաղաքում եղած 5000 զօրքը — նոր զօրք պահանջել կարիւնէն:

Զինադադար 40 օր: Հայկական թաղերը մերն են. ոստիկաններ, պաշտօնեաներ, թիւրք ժողովուրդ քշւած այնտեղից: Հուկան գոց է:

Հետեւանք յայտնի է, մի անյայտ պատանի, որի գոյութեան մասին շատերը գաղափար չունէին — Տ ա ճ ա տ ր ւ:

օրը ցերեկով, զօրքի բթի տակ, գետին է գլորում դաւաճանին: Մատնութիւններն ու դաւաճանութիւնները սկսում են մասսայական բնոյթ ստանալ. խմբերը քաշւում են լեռնային գաւառները:

Նոր զօրքը հասնում է Կարինէն ու Մուշէն. ասում էին, որ 20,000 էր հաւաքել: Սկսում է Վանի յայտնի գրաման. ամենքը լքում են. մնում է քաջների մի խմբակ, որ թափառում է լեռների մէջ անօթի և անապատան:

Ընկերներից մէկը պատմում է, որ մի անգամ լեռը ելնելիս, Հայրիկը ուշացել էր խմբից. ամենքը կարծում էին, որ կրծքի թուլութեան պատճառով էր. խումբը նստում է հանգստանալու և Հայրիկին սպասելու Նա գալիս է. պատմող ընկերը նկատում է, որ Տիրանը չի կարող ոտքերը գետին դնել: Երբ նա նստում է, ամեն ինչ պարզւում է. կոշիկները և գուլքանները պատռւում են, Տիրանը քարշ է գալիս ամբողջ օրեր, բութիկ ոտներով փշերի ու մացառների վրայով, անարտունջ և անվհատ:

Սահմանագրութիւնը հռչակւում է. Տիրանը Վան է, կարկունած սօլերով, պատառոտած շորերով և կարմրած թշերով. անողորմ հիւանդութիւնը արգէն բոյն էր դրել...

Դրամ չունինք, չենք կարող ամենքի համար զգեստ գնել. զինւորներին տուն ենք զրկում:

Տիրանը հեռացաւ Վանէն — չարաբախտ Վանէն — նոյն կարկատուն սօլերով, նոյն ծւառւած շորերով, գրպանը դատարկ. խմբակը գնաց Պարսկաստան: Յետոյ լսեցինք, որ Տիրանը այնտեղի կռիւների մէջ է:

Բայց թոյնը լափում էր ներսից: Ընկերները սափպում են նրան տուն դառնալ: Մնացածը յայտնի է:

Երիտասարդ, վառվռուն գաւալը վերագառնում է հայրենի աղքատ տնակը, արգէն մէջքը ծռած, անընդունակ աշխատանքի:

Ընկերով մասնաւոր աջակցութեամբ Տիրանը գնում է բժշկւելու մի կլինիկ, ուսկից մահւան գոյժը տէին մեզ:

Այժմ էլ դեռ լաւ յիշում եմ այդ սիրելի դէմքը. յիշում եմ, թէ ինչպէս երեկոները, երբ հանգիստ քաղաքացիները իրենց զգեստները հանելով անկողին կը մտնէին, մեր դժբախտ ընկերները պէտք է պատրօնտաշները ամրացնէին՝ տեղափոխւելու կամ գիշերւայ անակնկալներին դիմագրաւելու համար:

Յիշում եմ, թէ ինչպէս մեր Տիրանը, որպէս զի տղատի պատրօնդաշի սոսկալի ճնշումից իր թոյլ կուրծքը, իր հնամաշ ու կեղտից սեցած երեսօրբիչը խնամքով ծալած դնում էր կրծքի վրայ շապիկի տակ, պաղ և մայրական գուրգուրանքի կարօտ սիրտը տաքացնելու համար:

Յիշում եմ, թէ ինչպէս գիշերները, երբ պահապան էր, ճրագը վար դրած, լոյսը վար իջեցրած և ինքը երեսի վրայ ընկած, կարդում էր «Յառաջի գրադարանի գրքերը»:

Յիշում եմ, թէ որպիսի ջերմեռանդութեամբ պաշտպանում էր նա բնկերվարական սկզբունքները ընդդէմ մոլեռանդ և բուրբոսնած «ազգասիրութեան»...

Ես միշտ գարմանում էի, թէ ինչպէս է այդ վտիտ մարմինը կարողացել այդքան գիտելիքներ հաւաքել, այդքան դառն օրերի մէջ և այդ գործնական ու տաժանելի աշխատանքների ընթացքում:

Մի անգամ իմ կատակ-հարցումին.

— Տիրան, Դաշնակցութեան մէջ ի՞նչը կը սիրես. — Պատասխանում է.

— Նախ անոր գաղափարները կը սիրեմ, ապա Քրիստաֆօրը: Մեռաւ և թաղւեց ո՛չ հեռու իր երկրպագութեան առաքելից...

Թող Քրիստաֆօրը իր մեծ, իր տաք սրտի մէջ ջերմացնէ քեզ, իմ խեղճ, իմ բազմատանջ Տիրան... մինչև որ կը ծնւի և հայերի մէջ այն մեծ արձանագործը, որը կը կերտէ «անյայտներիդ» արձանը, այս տողերով.

«Այստեղ կանգնի՛ր ու խոնարհւի՛ր, ո՛վ անցորդ, որովհետև այստեղ են բոլոր նրանք, որ հիւսեցին ձեր սիրուն երազները»...


Իսկ մինչ այդ՝ դու և բոլոր անյայտներիդ կ'ապրէք այն սրտերի մէջ, որոնց հետ ապրել էք և տառապել էք:

Անյայտ զինւորներ ժողովրդական ազատութեան, դուք մեր փառքն էք և անմահ էք...

Ա Ր Ա Մ

Ն Ի Կ Օ Լ

Սպանւեց Եփրեմի հետ: Ղարաբաղի Վարանգա գաւառի Աշան գիւղից է, 27—30 տարեկան: Հայ-թիւրքական ընդհարումների ժամանակ գործել է Բագուում, Հիւսիսային Կովկասում և Ղարաբաղում: Եփրեմի զօրաբաժնի մէջ, նրա խմբապետներից մէկն էր:



Ն Ի Կ Օ

Այսքանը: Այս հակիրճ տողերն են գրում մեզ երկրի ընկերները «Դաշնակցութեան» այդ նոր նահատակի մասին: Քի՛չ բան է... Ոչ իսկ ազգանունը գիտենք այդ պարզ, համեստ զինւորի, որ ընկաւ զօրավարի հետ իր փառաւոր դերքի վրայ, պարտականութեան դաշտի մէջ: Շա՛տ բիշ է... Ընկերների պարտքն է՝ փոքր ինչ աւելի ուշադիր վերաբերմունք ցոյց տալ դէպի մեր կտրիճ մարտիկները, որ մանում են «երկիր», իբրև «վաղորօք զոհածներ», իբրև մահւան առաջնակարգ թեկնածուներ... Փոքր ինչ աւելի ուշադրութիւն՝ որ-

պէս զի կատարած լինենք ընկերական մեր պարտքը, տւած լինենք իւրաքանչիւրին իր արժանի տեղը՝ յեղափոխական արժէքների երկայնաձիգ սանդուխի վրայ... Փոքր ինչ աւելի ուշադրութիւն՝ որպէս զի այդ խիզախ դէմքերի — և անգամ ամենապարզ, ամենամանջուք նահատակների — գործերը, նրանց առաջին բայլերն իսկ, նրանց ըմբոստ, երիտասարդական խոհերը արձանագրւին խնամքով, ընծայւին սերունդներին, հարստացնեն Հայկական Վերածնունդի թանգարանը, յուշերի և ապրումների յեղափոխական մատենաները...



Եփրեմի վերջին նկարը (մտնից մէկ ամիս առաջ)

ԱՆՑԵԱԼԻ ԱՐՇԻՎՆԵՐՈՒՄ

ԳՈՒՐԳԷՆԻ ՆԻ ԻՐ ԸՆԿԵՐՆԵՐԻ ՆԱՀԱՏԱԿՈՒԹԻՒՆԸ

(Նամակ Տարօնէն)

Գուրգէն և իր 6 ընկերները, ծնած այլևայլ միջավայրեր—Ռուսաստան, Տարօն, Պուլանը—սակայն համախմբւած հայ ժողովրդի դատը պաշտպանող Գաշնակցութեան դրօշին շուրջը, իբր հաւատարիմ՝ առաքելներ կը պտտէին Տարօն, Սասուն, Պիթլիս՝ տարածելու համար Գաղափարը և խտացնելու կուսակցութեան շարքերը:

1898-ի ապրիլ 17-ին, Գուրգէն՝ Մուշէն 6 ժամ

հեռաւորութեան վրայ գտնուող Տրօնք գիւղ կուգայ խմբով: Խումբը կանցնի Օղտնքի մէջէն, Տեղւոյն յեղափոխական գործիչ Մխիթարի ընկերներէն (?) կը տեսնէ ու անմիջապէս լուր կուտայ Երանեան Մկրտիչ անուն դաւաճանին, որի հետ վաղուց այսպիսի մատնութեան մը համար խորհրդակցած էին: Մկրտիչը առանց վայրկեան մը կորսնցնելու, իրողութիւնը կուսակալին կը հաղորդէ հեռագրով մը: Վերջինս խմբի հետապնդութիւնը կ'արտօնէ Ալայի բէկին ու մշեցի Հաճի Ալիեան Տալիպին, որ այդ ատեն կուսակալութեան գնացած էր, պաշտօն մը ձեռք բերելու: Տալիպը աւելի մեծ հացի մը (պաշտօնի) տէր դառնալու նպատակաւ հետն առած Ալայի բէկն ու ժանտարմների խումբ մը և 1000-ի չափ զօրք, կը պաշարէ Տարօնի Տրօնք գիւղը: Կը հաւաքէ գիւղապետն ու իշխանները, կէս ժամ ժամանակամիջոց կուտայ, որ ստուգեն Փէդայիների տեղն ու իրենց յայտնեն. գիւղապետ Սլօն ու իշխանները կարճ ժողովէ մը վերջ, կուգան ու կը յայտնեն Համիդի զօլամներին Գուրգէնի տեղը:

Խումբը կը պաշարւի զօրքերով ու հոգ հասած աշիրներն մեծ բազմութիւնով: Մինչ այդ, տեղի ընկերները իրողութիւնը կը հաղորդեն խմբապետին, որը անվրդով կըսէ. «Գիւղ կամ հետերնին նաւթ ունի՞ն թէ ոչ». ոչ կ'ըսեն. «ուրեմն քանի մը ժամայ կուէ վերջ կանցնինք կերթանք», կ'ըսէ: Խումբանը որս գըտնելուն չափազանց ուրախ, կը յարձակի, բայց առաջին առթիւ իրենց յարձակումն ապարդիւն կը լինի, թիւրք ղեկավարներն հաւատացած լինելով, որ առանց նաւթի, իրենք ոչինչ ընելու բախա չպիտի ունենան ու բէնամուս պիտի վերադառնան: Մօտակայ Շէյխուսուֆ գիւղէն նաւթ կը բերեն կը վառեն մարագը ու կըսկսին կռիւը: Սակայն յեղափոխականները կրակի ու ծուխի մէջէն կըսկսին պատասխանել թշնամու հազարաւոր գնդակներին. «Կեցցէ՛ Գաշնակցութիւն, կեցցէ՛ Գաղափարը աղաղակելով», յետ 4—5 ժամայ կուէ մը, նահատակ կ'իյնան, թշնամույն թողլով հետեւալ կորուստը. կըսպանեն Տալիպ էֆէնտին, անոր բրոջ տղան և 13—15-ի չափ զօրք և բիրդեր: Այս գէպին նահատակ կ'իյնան ռուսաստանցի Գուրգէն, Պարսանդ, տարօնցի Ռուբէն, աղջանցի, Մշոյ Ս. Մարինէ թաղեցի Տիգրան, Կարապետ, Նշան և պուլանըքցի Մկրտիչ, որը կը յաջողի վառւած մարագէն դուրս գալ, կը կուէ մինչև վերջին փամփուշտը և կը նահատակւի չարաչար:

Թիւրք խումբանը չափազանց սմարդաբար վարւած էր անշնչացած գիւղացիների հետը, անոնցմէ ոմանց (Գուրգէնի) գլուխը կտրած ու մարմինը յօշոտած էին: Մէկ օրէ վերջ նահատակները Մուշ փոխադրւեցան. կառավարութիւնը յանձնեց հայ առաջնորդարանին ասոնց թաղումը, բայց անշուք ու անպատանք: Թաղման հետեւալ գիւղերը Տիգրանի մայրը կերթայ մօմ մը վա-

ուելու իր յեղափոխական տղուն ու անոր ընկերներու անշուք գերեզմանին վրայ, կ'երթայ՝ հոն թափելու իր դարտն, հոն յայտնելու իր զայրոյթն ու կսկիծը... Դաւթեան (կառավարական գիշերապահներէն) ու ժողովուրդը կը նկատեն պլպլացող այդ լոյսը ու կըսկսին ենթադրել, թէ լոյս է իջած Փէդայիների վրայ, կամ հայերը զանոնք հանած, պատանգած ու թաղած են: Առաւօտուն կառավարութիւնը կը բանայ գերեզմանները ու կը տեսնէ, որ իր յանձնարարութիւնը անպատանք թաղելու, ճշտութեամբ կատարած է և դիակները իրենց տեղն են, նորէն կը ծածկէ:

Այսպէս անշուք կը հանգչին այդ նահատակները, Մշոյ Սուրբ Մարինէի գերեզմանոցի արեւմուտքը ու այս սահմանադրութեան մէջ իսկ հայերը ապերախտաբար կը վարւին անոնց շիրիմներու հետ ու արժանի չեն տեսներ գէթ մէկ-մէկ քարով ծածկել անոնց շիրիմները...

Գ Ե Ղ Զ Ո Ւ Կ

1912 թ. մարտ 26.

ՊԱՏՄԱՓԻԼԻՍՈՓԱՅԱԿԱՆ

ԼԱՎՐՈՎԻ ՊԱՏՄԱՓԻԼՍՈՓԱՅՈՒԹԻՒՆԸ

II

ՊԱՏՄԱԿԱՆ ԱՆՀԱՏԸ ԵՒ ԴԵՏԵՐՄԻՆԱՄԸ

(Գաղութ. № 4-ի)

Մարդու բոլոր գործողութիւնները, որ նրա կամային մղումների հետեւնքներն են ըստ ինքեան, սակայն նրա սուբ'եկտիվ աշխարհին են պատկանում: Նպատակներ դնող, մտածող և զգացող անհատի համար այնչափ ազատութիւն կարող է լինել, որքան որ նա գործում է իր ներքին մղումներով և որքան որ նա իր սեփական իդէալների ու գաղափարների իրականացման է ձգտում: Այդ ազատութիւնը պատկանում է, ուրեմն, մարդու գիտակցութեան շրջանին, այդ պատճառով էլ սուբ'եկտիվ է, ենթակոյական է: Մարդանհատը իր զգացողութիւններով, գործողութիւններով և մտքերով ոչ միայն մի ներքին, ազատ աշխարհ է կազմում դրսի, օբ'եկտիվ աշխարհի մէջ, այլ և մի աշխարհ, որ կանգնած է օբ'եկտիվ աշխարհի (բնութեան, տիեզերքի) կոյր դետերմինիզմի դէմ: Քանի որ մարդանհատը՝ ուր էլ որ լինի, միշտ մօտիվներով, շարժառիթներով է ղեկավարւում, ապա պարզ է, որ եթէ մերժենք իսկ այդ մօտիվների ազատ ընտրութեան հնարաւորութիւնը, ինչպէս որ անում են ծայրայեղ դետերմինիստները, դա դեռ չի նշանակի, թէ այդ մօտիվների մէջ անկարող է լինել մի որոշ տեսչենց, կանոնաչափութիւն, մի որոշ ուղղութիւն:

Լավրովը այդ կանոնաչափութեան համար մի խոշոր հիմք է գտնում, մատնանշելով, որ մարդկային գործո-

ղութիւնները նպատակաւոր և նպատակայարմար բնոյթ ունին: Նպատակայարմար, գիտակցական գործողութիւնը, ասում է նա մի տեղ, կազմում է այն կենտրոնակէտը, որի շուրջը դասաւորում են մարդկային գործունէութեան մնացած երևոյթները: Ամէն մտածողութիւն, ամէն գործողութիւն ի նկատի ունի որոշ նպատակներ և այդ նպատակներին հասնելու համար միջոցների ընտրութիւն—միշտ „հաճելի“ և „օգտակար“ չափանիշների համեմատ: Այդպիսով բնականօրէն մարդկային գործողութեան և մտածողութեան պայմաններից մէկն է դառնում պատճառականութիւնը: մի սերտ շաղկապում կամեցածի և հետեւածի, ձգտածի և վստակածի միջև: Սակայն այդ պատճառականութիւնը նման է բնագիտութեան մեքանիկ պատճառականութեան, քանի որ նպատակների և միջոցների աշխարհում երբէ'ք միևնոյն երևոյթը չէ գտնւում միևնոյն պայմանների մէջ: Միևս կողմից, թէ ինքը նպատակադրութիւնը և թէ միջոցների ընտրութիւնը սուբ'եկտիվ, ենթակայական աղբիւրից են ծագում. և հէնց այդ պատճառով էլ երկուսը իրենց արժէքն ու գոյութիւնն ունին ոչ թէ իրենց համար, այլ մեզ, մարդանհատներին համար:

Պատճառականութիւնն ևս, ուրեմն, իրայատուկ նշանակութիւն է ստանում գործողութիւնների և մտածումների աշխարհում: Սեփական կամքի նախաձեռնութեամբ, կամային շարժառիթներով գործող մարդը՝ իր աչքում անհրաժեշտ գործողութիւնը կատարելուց յետոյ, ստեղծում է մի որոշ անհրաժեշտականութեան նպատակայարմարութիւնը: Գործելու այդ անհրաժեշտութեանը—ժառանգւած անասնական նախատիպարներից—մարդը տւել է մի ուրոյն գոյն նրանով, որ կապել է այն՝ ոչ թէ սոսկ բնազդների ու սովորութիւնների, այլ միջոցների և նպատակների միջավայրի հետ: Նպատակաւոր և նպատակայարմար գործողութիւնը, կամքի որոշ, յարաբերական ազատութեամբ կատարւելուց յետոյ՝ մարդը ինքն է ենթարկւում այդ գործողութեան հետեւնքին, նրա ազդեցութեան: Նա կը լինէր իր կատարածի, ուրեմն և ամբողջ պատմութեան սարուկը, եթէ այդ գործողութիւնները չբղխէին անհրաժեշտաբար նրա բնութիւնից, եթէ նրանք չլինէին կամային մղումներ հետեւնք: Եթէ ասենք իսկ, թէ մարդը իր գործողութեան, իր արարքների „ստրուկն“ է, ապա յամենայն դէպս, նա յօժարակամ ստրուկ է, նպատակայարմարութեան ստրուկ է, քանի որ գործողութեան նախապայմանը—նպատակը—կրկին իրենից է սկզբնաւորւում:

Յայտնի է ականաւոր մտածողներից մէկի արտայայտութիւնը, թէ մենք նւաճում ենք բնութիւնը, նրան հպատակւելով: Լավրովի մտքով կը խօսէինք, կարծում ենք, եթէ ասէինք՝ „մենք տիրապետում ենք մեր նպա-

տակաւոր և նպատակայարմար գործողութիւններ չե-
տեանքներին, կ'ամօժին նրանց ենթարկելով, որով-
հետեւ այդ գործողութիւնները իրենք, ինչպէս քանիցս
չեղանց, մեր իսկ հարազատ մարդկային բնութեան ար-
տայայտութիւններն են:

Լավրովի մտքերի այս ոչ մանրամասն ցուցադրումից
ընթերցողը կարող է դիւրաւ նկատել այն խոշոր վաս-
տակը, որ մտնում է ռուս մտածողը պատմափիլիսո-
փայութեան մէջ: Նրանից առաջ եղած հասարակագի-
տական գրականութեան մէջ զգաւոր է մատնանշել մի
երկ, իսկ նրանից յետոյ շատ քչերը, որ այնքան խոր և
արգասաւոր կերպով արծարծած և լուծած լինէին այդ
մեծ կնճիռները: Լավրով գծեց պատմափիլիսոփայութեան
հիմնական վեճի սահմանները, գծեց նաև այն ճանա-
պարհը, որի վրայ ուրիշ պիտի դնէ պատմափիլիսոփայա-
կան ամեն մի լուրջ փորձ: Եւ այսօր շատերն են գնում
այդ ճանապարհով, թէև անկախ Լավրովից: Հարկաւոր
է միայն թերթել գերմանական ներկայ մի շարք մտա-
ծողների պատմագիտական և պատմափիլիսոփայական
երկերը — Գեորգ Ջիմմելի, Թէօֆօր Լինտների, Բերն-
հայմի և այլն:

Տասնեակ տարիներ առաջ Լավրով յայտարարում է
փայլուն կերպով հիմնաւորում է այն բեղուն ճշմար-
տութիւնը, որ կամքի ազատութեան պրոբլեմը այնպէս,
ինչպէս փիլիսոփայութեան մէջ է ունեցել և գուցէ դեռ
կունենայ իր գոյութիւնը — իբրև ընդհանուր փիլիսո-
փայական մի խնդիր — ոչ մի անմիջական արժէք չունի
մտածող և կամեցող մարդ-անհատի գերագոյն հարցերի
լուծման շրջանում, որոնք իրենց տեսական ձևի մէջ
անգամ, ամենից առաջ գործնական նշանակութիւն ունին.
որ այդ պրոբլեմը, եթէ անգամ անլուծելի մնայ, պատ-
մափիլիսոփայութեան լինել-չլինելու խնդիրը չէ: Այս-
տեղ ևս, ինչպէս և զուտ փիլիսոփայական ըմբռնողու-
թեան հարցերում, Լավրով հաւատարիմ է մնում իր
այն սկզբունքին, որ մեզ համար անհրաժեշտ է ոչ թէ
մի «անպայման ճշմարիտ» ելակէտ, այլ մի այնպիսին, որ
աւելի է համապատասխանում մեր մտածողութեան և
ճանաչողութեան կազմին:

Տասնեակ տարիներ առաջ ռուսական պոզիտիվիստ
փիլիսոփան իրապաշտ մտածողութեամբ ցոյց է տալիս,
որ տիեզերական բացարձակ գետերմի-
նիզմի և անհատական կամեցողութեան
ինիցիատիվի ռիթմը անհեթեթութիւն
չէ, որ կարելի է և անհրաժեշտ, տիեզերական պրո-
ցեսի գետերմինիստական ըմբռնողութիւնը հաշտեցնել
սովորութիւնների, յոյզերի, շահերի և համոզումների
մղումների հետ, նպատակների և միջոցների աշխարհի հետ:

Որ Լավրով այստեղ ևս առանց նախորդների չէ —
ինչպէս որ այդ նախորդներն էլ առանց իրենց նա-
խորդների չեն — դա ինքնին հասկանալի է: Բաւական է

միայն մտաբերել կանտի «նպատակների աշխարհը»:
Բայց այստեղ, ինչպէս և առաջ, ինչպէս և յետոյ, մեր
նպատակից դուրս ենք համարում խնդրի այդ կողմը:
Գուցէ այդպիսով ամենից աւելի արդար կը լինին դէպի
Լավրովը: Չէ՞ որ նա է, որ «Պատմութեան ըմբռնողու-
թեան խնդիրները» վերնագրով նշանակալից աշխատու-
թեան նախաբանի մէջ գրել է. «ինձ համար ամենից
քիչ կարևոր էր այստեղ նորը և օրիգինալը զատել
նրանից, ինչ որ ես պարտ եմ իմ նախորդներին: Աւելի
կարևոր էր ընկել այն, ինչ որ ես ճիշտ եմ հա-
մարում, նրանից, ինչ որ ինձ համար կասկածելի
կամ սխալ է»: Մենք տալիս ենք այն, ինչ որ ճիշտ
է համարւել Լավրովի կողմից և ինչ որ նրա
ուսմունքի անբաժանելի մասը, այդ պատճառով էլ սե-
փականութիւնն է կազմում: Որ ուրիշներն ևս Լավրովից
առաջ կամ նրա ժամանակ այդ ճշմարտութիւններից
արտայայտած կը լինին, դա չի արգելում, որ Լավրով
այդ ճշմարտութիւնները իրայատուկ ըմբռնողութեամբ
ձուլէր իր սիստեմի մէջ և իր սեփականութիւնը դարձնէր:
Մտքերը ում էլ որ պատկանեն՝ սիստեմը նրանն է.
և այսօր մեր խօսքը այդ սիստեմի մասին է առաւելապէս:

III

Ս Ո Ւ Ր Ե Կ Տ Ի Վ Մ Ե Թ Օ Դ Ը

Այդ մեթոդի հիմնաւորումը եւ կիրառումը պատմութեան մէջ. — Երեւ
կարգի փաստեր՝ պատմական կեանքում. — Փաստերի դասաւորման կա-
րեւորութիւնը եւ դրանցից ծագած պատկեր. — Առարկայական (օբ'եկ-
տիվ) վերաբերումի արժէքը եւ սահմանները. — Հետազոտի ընդհանուր
զարգացումը եւ բարեխղճութիւնը՝ իբրեւ պայման. — Ենթակայական
(սուբ'եկտիվ) վերաբերումը անխուսափելի. — Մտածողութեան սուբ'եկ-
տիվ ձեւերի անհրաժեշտութիւնը՝ պատմական ըմբռնողութեան երեւ
խնդիրներում. — Երեւոյթների համեմատական գնահատման հարց. — Օրի-
ցակներ. — Առաջիկայի եւ ախտաբանականի ջոկման հարց. — Օրինակներ. —
Մէկից աւելի հմարաւորութեան հարց. — Օրինակներ. —

Պատճառների և հետեանքների կարգը նպատակների
և միջոցների փոխելով — աւելի ճիշտ՝ պատճառակցու-
թեան կարգի կողքին նպատակաբանութեան կարգը
զարգացնելով և դետերմինիզմի հարցը պատմափիլիսո-
փայութեան համար այդ հողի վրայ լուծելով, Լավրովը
ոչ միայն դիւրացնում է պատմական անձնաւորութեան
գերի պրոբլեմը, այլ և մի խոշոր մասով սպառում նաև
այդ պրոբլեմը, թէև միայն ձևական (ֆորմէլ) կողմից:

Այդ վերլուծումների ընթացքում, սակայն, յաճախ
շփումներ է ունենում նա մի մտաբանութեան հետ, որ
անբաժանելիորէն կապած է մեր մտածողի գիտական
անւան հետ: Այդտեղ արած գրաւումներն ևս նպաս-
տում են անհատի պրոբլեմի ըմբռնողական ըմբռնումին:

Դա սուբ'եկտիվ մեթոդի մտաշրջանն է՝ թէ՛ սօցիո-
լոգիայի և թէ՛ պատմագիտութեան մէջ: Որքան որ այդ
մեթոդը զուտ սօցիոլոգիային է վերաբերում, չենք շո-
շափի մենք այստեղ, իսկ պատմութեան մէջ այդ մեթոդի
կիրարկմանը անհրաժեշտ է ծանօթանալ գոնէ այնչափ,

ինչ չափ որ դա անհատի պրոբլեմի անմիջական սահմաններն է եզրուած:

«Պատմութեան ըմբռնողութեան խնդիրները» գրքի մէջ Նավրոյի հետեւեալ կերպով է հիմնաւորում սուբեկտիվ մեթոդի անխուսափելիութիւնն ու իրաւացիութիւնը՝ պատմութեան մէջ:

Պատմութեան միջոցով մեզ հաղորդող իրողութիւնների հսկայական շարքերը հանդէս են գալիս մասամբ, որպէս կուլտուրայի կրկնող փաստեր, որ ուսումնասիրելի երևոյթների հոգն են կազմում, մասամբ որպէս չկրկնող երևոյթներ, որոնք մտքի այս կամ այն շրջանում ծագելով, գործում են այդ հոգի վրայ և նրան փոփոխումների ենթարկում:

Այդ իրողութիւնները կամ անցեալի կենսական տարրերն են կազմում, կամ անցեալի վնասակար մնացորդները և կամ ապագայի սաղմերը: Դրանք բոլորը ամեն մի բարեխիղճ և գիտակցող հետազոտողից կողմից կարող են իւրացւել՝ որպէս պատմական ճանաչողութեան տարրեր: Բայց անկարելի է և աննպատակ այդ բոլորը փաստերը առանց ընտրութեան մի գիտական գիտելիքների մէջ առնել: Դրանով նրա գիտակցութիւնը կը տուժէր և անհնարին կը դառնար Պատմական պրոբլեմի գիտական ճանաչողութեան համար անհրաժեշտ է, որ այդ փաստերը դասաւորուէին էականի և պատահականի, գլխաւորի և երկրորդականի, առողջի և ախտաբանականի կատեգորիաների համեմատ: Այդպիսով է, որ հնարաւոր կը դառնար պատմական կտոր-կտոր ճանաչողութիւնների մշակումը՝ դէպի պատմութեան գիտական և ամբողջական ըմբռնողութիւնը:

Եւ հէնց այստեղ հետազոտողից արած և իրագործելի օբեկտիվ պահանջներին միանում են սուբեկտիվ պահանջները. այդ կարգի պահանջներին լիովին գոհացում տալը կախած է պատմաբանի ընդհանուր զարգացումից. դրանք նոյնքան գիտական են, որքան և առաջինները:

Օբեկտիվ են առհասարակ մտածողութեան այն բոլոր ձևերը, որոնք բաւականաչափ ճանաչողութեան և բարեխիղճութեան դէպքում ամեն մի հետազոտողի կողմից կարող են իւրացւել: Սա գիտական անպայման պահանջ է: Մտքի այս շրջանում չկայ ուէ վտանգ ո՛չ անձնական աֆեկտի, ո՛չ պատահական և քմահաճ կարծիքի տրամաբանական սուբեկտիվիզմից և ո՛չ էլ այն սուբեկտիվիզմից, որ ճանաչողութեան ու ճիշտ մտածողութեան պակասութեամբն է պայմանաւորած: Այս վերջին վերաբերումները գիտական չեն ոչ թէ այն պատճառով, որ սուբեկտիվ են, այլ որովհետեւ այդ սուբեկտիվիզմից կարող է խուսափել ամեն հետազոտող: հարկաւոր է միայն, որ նա բոլորին մատչելի մի որոշ քննադատութիւն և փաստերի մի որոշ տիրապետու-

թիւն ձեռք բերած լինի. հարկաւոր է, որ նա հետազոտողի բարեխիղճութիւնը պահպանէ:

Բայց որտեղ հարցը պատմական երևոյթների գնահատման, արժեքներին է վերաբերում, այնտեղ արդէն հետազոտողի բարեխիղճութիւնը բաւական չէ, չետազոտողի զարգացումը այստեղ գերակշռող է: Այլևս պէտք է փաստերի քննադատական հաստատում կամ մերժում. այստեղ պատմաբանին անհրաժեշտ է մի յաժառաշխատանք՝ իր անձնական, ընդհանուր զարգացման վրայ. հարկաւոր է անհատական մի պարփակում և կոռու աշխարհայեացքի մշակում. հարկաւոր է կենսական բարձր նպատակների իւրացում: Միայն սուբեկտիվ այս տարրերն են, որ պատմաբանին հնարաւորութիւն են ընծայում՝ տեւալ դարեշրջանը ամբողջական կերպով ըմբռնելու: Սուբեկտիվ վերաբերումը այս դէպքում այնքան անխուսափելի է, որ նրանից չի կարող և չպիտի հեռանայ ո՛չ պատմական-գեղարվեստագէտը, ո՛չ պատմաբան-մտածողը, ո՛չ բաղաբական պատմաբանը: Օբեկտիվիզմը, յաճախ պարտաւորեցուցիչ պատմագիտական երկի մի բաժնում, փոխարինում է նոյնքան ևս անխուսափելի սուբեկտիվիզմով՝ միւս բաժնի մէջ:

Գիտականի կոչմանը անպատւաբար կը լինէր՝ Մարքսի գրածները աղաւաղել, կամ «արիւնոտ շաբթի» բարբարոսութիւնները եղծել, կամ լռել դրանց մասին՝ փաստերը աղաւաղելու գիտաւորութեամբ: Բայց անկողմնապահ լինելու ոչ մի ջանք չի կարող արգիլել, որ պատմաբանը իրողութիւնների համեմատական կարեւորութեան սուբեկտիվ գնահատումով առաջնորդւի: Դա անխուսափելիութիւնն է:

Պատմութեան մէջ սուբեկտիվ մտածելակերպի կիրարկման անհրաժեշտութիւնը առանձնապէս պատմական ըմբռնողութեան երեք խնդիրներում՝ ակնբաղի է: Նախ՝ երբ կուլտուրայի, կամ որոշ դարեշրջանում մտքի աշխատանքի կամ միւս տարրի համեմատական գնահատման հարցն է դրւած: Ապա՝ երբ մի որոշ դարեշրջանում մի շարք տարրերի առողջ կամ հիւանդական լինելու հարցը պիտի որոշել: Երրորդ՝ երբ կարելի է ընդունել, որ եղելութիւնների և երևոյթների այս կամ այն խմբակցութիւնը ընդհանուր հնարաւորութիւն է ունեցել՝ տւած էպօխայում երևան գալու, չնայած որ հասարակական և ինտելեկտուել ուժերի պատահական իրական դասաւորութիւնը պոկել է եղած հնարաւորութիւնը:

Առաջին դէպքում մենք ունինք անհրաժեշտաբար մտածողութեան սուբեկտիվ պահանջներ: Եթէ այստեղ կամենանք օբեկտիվ տեսակետի վրայ մնալ և կարեւոր սեպել այն երևոյթները, որոնք աւելի անձնաւորութիւններ և սահմաններ են ընդգրկում, այն ժամանակ ստիպւած կը լինէինք մի տարափոխիկ հիւանդութեան

պատմական աւելի մեծ նշանակութիւն տալ, քան, օրինակ՝ Վիկտորի և Հուսի քարոզներին, բոսանտիզմին աւելի, քան Սպենսերի սիստեմին: Եթէ առաջնորդէինք ժամանակակիցների կարծիքներով, այն ժամանակ կը հարկադրէր Օգիւստ Կոնտի փիլիսոփայութիւնը աննշան երևոյթ համարել էկլէկտիզմի (ընտրականութեան) հետ համեմատած. Լիւդովիկոս 17-ի արշաւանքները Աֆրիկայում անհամեմատ աւելի մեծ նշանակութիւն կըստանային, քան նոյն էպոխայում խաչակիրների ձեռքով Պրովանսի քաղաքակրթութեան ոչնչացումը:

Այնքան է, որ այստեղ զուտ սուբ'եկտիվ չափն է գիտական, անխուսափելի և իրաւացի. և դա պիտի որոնել հետազոտողի անձնական զարգացման մէջ, նրա՝ մտքի, ճանաչողութեան և հաւատալիքների, նրա՝ անձնական և դասակարգային շահերի, նրա՝ կենսական պահանջների և բարոյական համոզումների շրջանում:

Պետական և կրօնական խորհրդապաշտը, քաղաքական ինքիֆերենդիսը (անտարբերը), ժողովրդական ֆանատիզմը, գեղարվեստագէտը և մտածողը, — սրանք բոլորը կարող են հաւասարաչափ գիտակցութիւն և բարեխղճութիւն ունենալ. բայց չնայած դրան, փաստերը ամեն մէկի ուղեղում տարբեր կերպով են դասաւորուում, տարբեր կերպով ձուլուում՝ անցեալի ընդհանուր պատկերի մէջ, տարբեր կերպով իրենց աստիճանաւորումների և համախմբումների մէջ մտնում:

Էականի և պատահականի, կարևորի և երկրորդականի ջոկումը, մտքի աշխատանքի հետեւանքները այս շրջանում նոյնքան աւելի գիտական են, որքան աւելի բարձր է հետազոտողի սուբ'եկտիվ զարգացումը:

Սուբ'եկտիվիզմի այդ պահանջը կայ նաև մտային ու կամային այն պրոցէսներում, ուր հարցը վերաբերում է երևոյթների առողջ կամ ախտաբանական լինելուն: Մի շարք հետազոտողներ առողջ են համարում միայն այն երևոյթները, որոնք հասարակական համերաշխութիւնն են ուժեղացնում: Ուրիշները նշանակութիւն են տալիս միայն անհատական մտքի և եռանդի ուժեղ արտայայտութիւններին: Սօցիալիզմի հակառակորդը փառաբանում է կապիտալիզմը: Սօցիալիստներից շատերը թէեւ դրամատիրական հասարակարգը համարում են հիւանդոտ, սակայն ապագայ հասարակաշէնքի կառուցման համար անհրաժեշտ մի նախապատրաստութիւն: Ուրիշները սօցիալիստ մտածողներից կապիտալիզմի տիրապետութիւնը սօցիալիզմի իրականացման անհրաժեշտ փուլը չեն համարում: Կրօնական նախկին համոզումներին դաւաճանելը մէկի կողմից գիտում է որպէս հիւանդագիտ, միւսի կողմից, որպէս բնականոն և առողջ պրոցէսի հետեւանք: Հարցրէք ֆրանսիացիներին՝ ո՞րտեղ է նօրմալ ֆրանսիան. ո՞ր ֆրանսիայի մէջ է ժողովրդական իսկական ոգին արտայայտուում: Մէկը կը մատնանշէ ձեզ

ancien regime-ի վրայ և ամենավառ գոյներով ձեր առջև կը հանէ Լուդովիկոս XIV-ը իր մոլի կաթօլիկականութեամբ իր Ռասիններով և Բուալօններով: Միւսը ցոյց կը տայ 1789-ի ֆրանսիան՝ իր «Մարդկային իրաւունքներով»: Երրորդը հաշի կառնէր միայն Ռօբէսպիէին կամ Բաբօֆին. չորրորդը ֆրանսիական կապալին կը փառաբանէր. մի ուրիշը — Լուի ֆիլիպպի պարլամենտարիզմի աղմկայոյժ շրջանը. իսկ մի վեցերորդը չէր քաշէ նոյնիսկ երկրորդ կայսրութեան հովանուտակ եղած «հանգստութեան, հարստութեան և փառքի» էպոխան մատնացոյց անելու: Բայց կը գտնուէին և այնպիսիները, որ կը հասնէին մինչև Ս. Լուդովիկոսի և հաւատաքնութեան դարեշրջանը:

Նոյն հարցը տեք ուռաներին, և Իվան Դաժանի Մօսկան, Պետրոս Մեծի էպոխան, Եկատերինա, Սպենսերի, 61, 63, 89 թւականներ և այլն և այլն, տարբեր գնահատողների կողմից մի խայտաբղէտ կայեցողութիւն մէջ ձեր առջև կը քաշին փոխ առ փոխ:

Ո՞ր է այստեղ օբեկտիվիզմը: Ինչպէս կարող է այստեղ մտածողութեան օբեկտիվ հետեւանքը գիտական արժէք ունենալ: Այս շրջանում ևս անթիւ են դէպքերը, երբ վճռականը գնահատողի սուբ'եկտիվ չափն է, նրա մտաւոր հօրիզոնների սահմանը, նրա անձնական զարգացման որակն ու քանակը: Այստեղ ևս վերաբերումը դառնում է գիտակցական այնչափ, ինչչափ որ հետազոտողը ընդառնալով է իր անձնական զարգացումից անհրաժեշտօրէն հրամայող զուտ սուբ'եկտիվիստական պահանջներին. և անելով այդ, աշխատում է փիլիսոփայական դետերմինիզմի ընդհանուր հոգի վրայ տեղի ունեցող պատմական եղելութիւնների և էպոխաների մասնական Երևոյթները այդ դետերմինիզմից անկախ գնահատել:

Նոյնն է և՛ երրորդ խնդրում:

Անշուշտ, այս շրջանում, ինչպէս և նախորդներում, կարող են լինել նաև մտքի օբեկտիվ հետեւանքների գործադրումներ: Բայց պատմական դէպքերի և էպոխաների գնահատման հարցը, նրանց գիտական ըմբռնողութիւնը այստեղ ևս անհնարին է, եթէ այս կամ այն տարրի բացակայութեան ժամանակ հրաժարւինք սուբ'եկտիվ վերաբերումից:

Հնարաւոր էր յունական աշխարհում քաղաքական դէպքերի տարբեր դասաւորում, քան բերաւ նախ մակեդոնացիների և ապա Հռոմի տիրապետութիւնը: Պլատոնի և Արիստոտելի մտքի անձնական կորովից անկախ, հնարաւոր էր յունական փիլիսոփայական մտքի էւօլյուսիոնի տարբեր ընթացում, քան այն, որ առաջ քաշեց այդ երկու մտածողների փիլիսոփայութիւնը, յետ մղելով Դեմոկրիտի և Էպիկուրի ինտելեկտուէլ աւանդութիւնները: Կարլոս Մեծի դարաշրջանում բիւրօկրատիական և ոստիկանական պետութեան խնդիրները կարող

էին բանական կերպով գոհացուցիչ լուծում ստանալու հնարաւոր էր բանւոր դասակարգի կազմակերպութեան հարցի լուծումը հին աշխարհի մէջ: Պապիտալի և աշխատանքի կուրի հողի վրայ կարող է մարդկային համերաշխութիւնը վերջնականորէն հաստատուել: Կարելի է այս դէպքում առաջացնել մի հասարակութիւն, որտեղ նիւթական-տնտեսական ցածր շահերը տեղի տալին բարոյական բարձր շահերին:

Այս և նման տասնեակ ուրիշ հարցերի լուծման մօտենալու համար շատ բան կարող է տալ այն բողոքի օբ'եկտիվ հետազոտութիւնը, ինչ որ տրամաբանական անհրաժեշտութիւն է եղել. անհրաժեշտորէն կատարւածը, որ եղել է աւած էպօխայի հասարակութեան մէջ, տնտեսական, քաղաքական և մտաւոր ուժերի իրական դասաւորման հասկանալուն կարող է նպաստել: Բայց մտքի այդ գործադրումները այս շրջանում, երբ ուրիշ հնարաւորութիւնների հարց կայ, մեծագոյն մասով անբաւարար են. և այն պատմաբանը, որ իր ընդհանուր զարգացման մէջ աւելի կամ պակաս չափով բարձր է կանգնած, այդ հարցերի այս կամ այն լուծմանը կը մօտենայ իր սոս. բ' ե կ տ ի վ ը մ բ ու ո ղ ու թ ե ա ն չ ա փ ա ն ի շ ն եր ո վ, չնայած ճանաչողութեան իր փաստական վիճակին և բարեխղճութեան չափին: Յաճախ միայն այդ սուբ'եկտիվ ըմբռնողութիւնը նրան կ'ասէր՝ ա'յս էր հնարաւորը անցեալի մէջ: Թէև տեղի չունեցաւ, ա'յս է հնարաւորը մօտիկ ապագայում. ա'յս պիտի ոչնչացնել պատմական հնարաւորութեան սահմաններին:

Սուբ'եկտիվիստական ըմբռնողութեան պրօբլեմը յաճախակի և ընդարձակօրէն վերլուծելով (մենք ուրազիծը տւինք միայն, գլխաւորապէս հեղինակի արտայայտութիւններով), Լավրովը յանգում է հետեւեալ վերջնականացութեան: Ամեն անգամ, երբ փաստերի ճանաչողութիւնն ու բարեխղճութիւնը բաւական է պատմական երևոյթները հասկանալու կամ նրանց ամբողջական պատկերը ստանալու համար, սուբ'եկտիվ վերաբերումները ոչ միայն աւելորդ են, այլ և անգիտական: Բայց չկրկնող երևոյթների հասարակական էությունի մէջ օբ'եկտիվ միջոցներով մենք չենք կարող լուծել ո'չ երևոյթների կարևորութեան հարցը, ո'չ առողջի և ախտաւորի հարցը և ո'չ էլ այն, թէ աւած էպօխայում զարգացման ինչ հնարաւորութիւններ են եղել: Այն ինչ՝ այդ հարցերի լուծման փորձից հրաժարւել, կը նշանակէր պատմական պրօցէսի գիտական, ամբողջական ըմբռնողութիւնից հրաժարւել:

Ս Ն Ա Ր

Հ Ա Ս Ա Ր Ա Կ Ա Գ Ի Տ Ա Կ Ա Ն

ՍՕՅԵԱԼԱԿԱՆ ՏԱՐՐԸ

ՌՈՒՍԱԼԱՅ ԳՐԱԿԱՆՈՒԹԵԱՆ ՄԷՋ

I

Ք Ա Ռ Ա Ս Ն Ա Կ Ա Ն Թ Ի Ա Կ Ա Ն Ն Ե Ր

Խ ա չ ա ու ռ Ա ք ո վ ե ա ճ

(Շարունակ.)

Ա զ դ ե ց ու թ իւն ն եր Բացի հասարակական այդ հինգ համախմբումներից — հոգեւորականութիւնից, մելիքութիւնից, վաճառականութիւնից, արհեստաւորութիւնից և գիւղացիութիւնից — որոնք, ինչպէս փորձեցինք ցոյց տալ, տարբեր կերպով էին ենթակայ պարսկական ռէժիմին — այնտեղ չկար ուրիշ, շատ թէ քիչ կարևոր, շատ թէ քիչ աչքի ընկնող խմբակցութիւն: Պարսկաստանի տիրապետութեան ներքոյ գոյութիւն չունէր մտաւորականութիւն այնպէս, ինչպէս այժմ ենք հասկանում: Այդտեղ մտաւորականութեան գաղափարը և էությունը լուծւած էր գլխաւորապէս հոգեւորականութեան մէջ: Մեր գրականութիւնը, մեր գպրոցները գրեթէ ամբողջովին պատկանում էին հոգեւորականութեան: Ժողովրդի մտայնութեան ներկայացուցիչը, ազգի մտաւոր կեանքի արտայայտիչը հոգեւորականութիւնն էր: Նա էր զեկավարում հասարակութեան տրամադրութիւնները, նա էր ուղղութիւն տալիս մեր ճակատագրին:

Այս երևոյթը ինքնայատուկ չէ միայն մեր կեանքին: Համաշխարհային պատմութեան մէջ չափազանց յստակ կերպով և բաւական երկար ժամանակ գործել է այդ իրողութիւնը: Հոգեւորականութեան և մտաւորականութեան նոյնութիւնը դարերի փաստ է, հնագոյն ժամանակների ժառանգութիւն է, որի մէջ այսօրւայ եւրոպան ապրել է իր կարգին:

Վրոնական աշխարհահայեացքի, կրօնական դարաշրջանի հասարակական արտայայտութիւնն է դա: Ինչպէս կրօնը — գիտական անկախ մտքից, բնագիտական աշխարհահայեցողութիւնից առաջ — եղել է հասարակական մտքի կաղապարը, այնպէս էլ կրօնաւորը, հոգեւորականը եղել է հասարակական կեանքի և հասարակական գաղափարների արտայայտիչը: Մեզանում գործում էր համաշխարհային երևոյթի արձագանքը: Միայն թէ մեր պայմանները, մեր քաղաքական, սօցիալական միջավայրը այնպէս էին, որ այդ երևոյթը շատ երկար ժամանակ կարողացաւ շարժւել և ազդել: Նա ապրում էր մեզանում դեռ ևս 19-րդ դարի առաջին քառորդում և բնու չէր կամենում պատմական արխիվն ընկնել: Եւրոպայում վաղուց արգէն տեղի էր ունեցել հոգեւորա-

կանութեան և մտաւորականութեան անջատումը: Սկիզբն էր առել և բաւական առաջ էր գնացել աշխարհիկ մտաւորական խմբակցութիւնը, մինչդեռ հայ աշխարհը, հայ ժողովրդի միտքը գտնուում էր տակաւին հոգեւորականութեան բացառիկ տիրապետութեան ներքոյ:

Պարսկական ռէժիմի համար յատկանշանական գիծ է այս իրողութիւնը: Այնտեղ, որտեղ գիւղացիութիւնը իբրեւ հասարակական իրաւական դասակարգ ոչ մի գործառնութիւն չունէր, որտեղ գիւղացիութիւնը արտադրում էր, մշակում էր միայն՝ առանց իրաւունքի ու առանց ազատութեան—չէր կարող իր միջից մտաւորական սերունդ արտադրել, չէր կարող իր մէջ մտաւորական հոսանք առաջացնել, գիւղացիութեան հաւաքական եռանդը, նրա ներքին ուժերը մտաւորապէս արտայայտելու, դրսևորելու համար պէտք է հոգեւորականի զգեստ հագնէին, պէտք է ձուլւէին հոգեւորականութեան մէջ: Այդպէս էր դարձ, այդպէս էր միջավայրը:

Աշխարհիկ մտաւորականութիւնը պիտի կաղմաւորւէր կեանքի ընդհանուր փոփոխութիւնից յետոյ, կրթական, դպրոցական գործը մէկ կողմից, դասակարգային յարաբերութիւնների զարգացումը միւս կողմից պիտի արտադրէին այսօրւայ մտաւորականութիւնը...

Ցարաբախտաբար, աւելի ընդարձակ և մանրամասն չենք կարող կանգ առնել պարսկական ռէժիմի նկարագրութեան վրայ: Մեր աշխատութեան նպատակը չէ փաստերի վերլուծումը, իրողութիւնների գնահատութիւնը: Մենք պիտի խօսենք հասարակական մտքի զարգացման մասին, այնպէս, ինչպէս նա արտայայտել է ռուսահայ գրականութեան մէջ: Բացի այդ՝ մաքի հիմքերը շօշափելի կերպով և յստակօրէն պատկերացնելու համար՝ կարևոր էր տեսնել կեանքի ընդհանուր ուղղութիւնը: Մեզ թւում է թէ նախընթաց էջերի մէջ այդ ուղղութեան մասին կարողացանք ասել այն, ինչ էական է և անհրաժեշտ:

Եւ այսպէս: Ամենից առաջ երևաց, որ հայերը պարսկական ռէժիմի մէջ՝ ենթակայ էին մի անբաղաժան կիւրծի, անիւրաւական պետութեան ճնշումին և կիսավարձերի ու բարբարոս դրացիների հարւածների: Երևաց, որ կրօնական գործօնը և կրօնական ատելութիւնը արգիւնք է մեծ մասամբ տիրող դասերի գիտակցական ու սիստեմատիկ գործունէութեան: Երևաց, որ հայ ժողովրդի բոլոր դասերը հաւասարապէս չէին տուժում Պարսկաստանի տիրապետութեան ներքոյ: Երևաց, որ մեր հոգեւորականութիւնը, մեղիքութիւնը, վաճառականութիւնը յաճախ կարողանում էին խուսափել խանական ու սարգարական ռէժիմի հարւածներից: Երևաց, որ այդ հարւածները—մինչև անգամ յաճախ մեր վերին դասերի աջակցութեամբ—ընկ-

նում էին գիւղացիների և մանր արհեստավորների վրայ: Երևաց, որ պարսկական հարստահարութեան առաջին զոհը հայ գիւղացիութիւնն էր: Երևաց նաև, որ այդ շրջանում գոյութիւն չունէր աշխարհիկ մտաւորականութիւն և որ այս վերջինս ամբողջապէս ձուլւած էր հոգեւորականութեան մէջ:

Այսպէս էր մեր կացութիւնը պարսկական տիրապետութեան ներքոյ:

Ինչ փոփոխութիւն մտցրեց Ռուսաստանի տիրապետութիւնը...

Հայերի հոգեբանութեան մէջ երկար ժամանակ մեխւած էր այն գաղափարը, որ Ռուսաստանը քրիստոնեայ պետութիւն է և որ ուրեմն նրա իշխանութիւնն ու կառավարութիւնը ամեն կերպ ցանկալի է: Եւ այսպէս տաքութիւնից նրանք սպասում էին ամեն բարիք: Իրենց դարաւոր թշուառութեան վախճանը, իրենց հալածանքների ու հարստահարութեան վերջին կէտը:

Նրանց կարծիքով՝ խաբէութեան, խորամանկութեան, շահագործումի բաղաբանականութիւնը կապւած էր միայն մահմեդական տիրապետութեան հետ: Ռուսական կառավարութիւնը—իբրեւ բրիտանական վարդապետութեան հետեւող—նրանց վերաբերմամբ գործ պիտի դնէր անկեղծ, անշահասէր, արդար բաղաբանականութիւն: Այս հաւատով և այս մաքուր, միամիտ գիտակցութեամբ լեցուն՝ հայ ժողովուրդը ոչինչ չխնայեց Ռուսաստանի տիրապետութիւնը յաջողեցնելու համար...

Ժողովրդական այս բուռն, այս անվերապահ, այս ինքնաբուռն անձնազոհութիւնը երբէք չպիտի մոռանար Մի ամբողջ ժողովուրդ իր լաւագոյն ոյժերն էր ներդրեցնում ռուսական տիրապետութեան յաղթանակի համար: Նա դնում էր իր կեանքը Մոսկովեան իշխանութեան տրամադրութեան տակ: Նա իր գոյութեամբ, իր պայքարով, իր անօրինակ անձնազոհութեամբ պատմական խոշոր ծառայութիւն էր մատուցանում Ռուսաստանին և բարոյական իրաւունք ունէր—անբռնաբարելի իրաւունք — իր գործերի փոխարինութիւնը պահանջելու: Ռուսաստանի տւած օգուտների մասին խօսողները ամենից առաջ այս հանգամանքը չպիտի աչքաթող անեն: Ինչ որ մեր երկիրը, մեր ժողովուրդը պահանջում էր հիւսիսային պետութիւնից՝ սոսկ մարդասիրութիւն չէր, այլ պարզապէս փոխարինութիւն: Եւ այսօր, տարիներ յետոյ, հարկադրւած ենք չմեղանջել պատմական ճշմարտութեան դէմ և արձանագրել, որ հայ ժողովուրդը իր սպասուածների, իր ենթակայական ակնկալութիւնների մէջ յուսախաբ եղաւ: Թող սխալ մեկնաբանութեան առիթ չդառնայ մեր ասածը: Մենք առ այժմ չենք խօսում ռուսական տիրապետութեան հետեւանքների մասին: Մենք միայն շեշտում ենք այն, որ իր բարոյական

վերաբերմունքի մէջ ռուսաց կառավարութիւնը դեռ առաջին օրերից անբարեացակամ տարր մտցրեց: Նա չկատարեց իր խոստումները «Հայկական աշխարհի» վերաբերեալ: Նա անվստահութեամբ և չարամտութեամբ նայեց հայ ժողովրդի կենսական, բաղաբազմութեան պահանջների վրայ: Նա արքային ներսէս Աշտարակեցուն, որ այն ժամանակ աչքի էր ընկած իբրև հայկական ներքին ինքնուրոյնութեան ներկայացուցիչ: Նա կոտորեց ներսիսեան բանակը, հալածեց նրա կողմնակիցներին, յարձակեց մինչև անգամ դպրոցական հաստատութիւնների դէմ, աղաւաղեց ներսիսեան վարժարանի ժողովրդական ոգին: Նա սարսափի մատնեց մեր միջի դեմօկրատ, հայրենասէր տարրերը և խրախուսեց մեր անարժան տարրերին: Հայ ժողովրդի հակառակորդ Յովհաննէս Կարաբեցուն ամեն աջակցութիւն չխնայեց և աշխատեց մինչև կաթողիկոսութեան փոռը բարձրացնել այդ տխրահռչակ հոգեւորականին: Այս բոլոր փաստերը ապացուցանում են այն, որ ռուս քաղաքականութիւնը հայերի սպասած «քրիստոնէական», անկեղծ, արդարափառ քաղաքականութիւնը չէր: Ապացուցանում են այն, որ ռուսաց պետութիւնը չկամեցաւ յարգել հայերի պատմական ծառայութիւնը, չկամեցաւ գնահատել մեր դերը իր աշխարհակալական առաջնադասութիւնների մէջ, չկամեցաւ փոխարինել և հատուցանել այն, ինչ խոստացել էր և ինչ մեր բարոյական իրաւունքն էր...

Ռուս քաղաքականութեան այս բարոյական վրիպումներից անկախ՝ ի՞նչ տեղ մեզ Ռուսաստանի տիրապետութիւնը: Հայ հասարակական միտքը, սկսած Արժանի ժամանակից մինչև մեր օրերը, ընդհանուրապէս չափազանցել է ռուսական ռեժիմի դրական կողմերը, գունաւորել է նրա նպաստաւոր հետեւները: Այս տեսակէտը, եթէ ոչ ամբողջովին, գէթ մեծ մասամբ բղխում էր մահմեդականութեան նկատմամբ ունեցած թերահաւատութիւնից ու ատելութիւնից: Որքան իսլամ ռեժիմը ատելի էր, այնքան ռուսական տիրապետութիւնը թւում էր հրապուրիչ... Այդ պատճառները երկար շարունակեց:

Այստեղ կը կամենայինք լուսաբանել մի իրողութիւն, որ կարեւոր դեր է խաղում վերոյիշեալ պատճառների մէջ: Կովկասահայերի աշխարհային բարեկեցութիւնը համեմատութեան է դրւում թիւրքահայերի աշխարհային կացութեան հետ: Չենք ուզում վիճել այդ համեմատութեան եզրակացութեան դէմ և դիւրութեամբ համաձայնուում ենք, որ այսօր, ընդհանուր առմամբ, կովկասահայերի բարեկեցութիւնը աւելի է, քան թիւրքաց հայերի բարեկեցութիւնը: Բայց կուզէինք մեկնաբանել, բացատրել այդ երևոյթը: Ինչո՞ւ է այդպէս: Ինչո՞ւ թիւրքահայերի հակաբան երջանկութիւնը կաղում է այսօր: Պատաս-

խանը պարզ է: Օսմանեան դարաւոր ռեժիմը և մասնաւորապէս Համիդի երեսուներեքամեայ բռնակալութիւնը աւերել, հարւածել են մեր մտաւոր ու անտեսական բովանդակ շինածքը: Իսկ այդ բռնակալութիւնը խտրաբար է եղել դէպի մեր ժողովրդի ճակատագիրը՝ մասամբ ռուսական «քրիստոնեայ» դիւանագիտութեան աջակցութեամբ ու մեղսակցութեամբ: Պատմական փաստ է, որ ռուս կառավարութիւնն ուզում էր ունենալ «Հայաստանը առանց հայերի»: Ու հասկանալի է, որ այսպիսի չարաշուք պայմաններում, այսպիսի եղբրական թշնամութեան հանդէպ դժւար կարող էր բարձրանալ թիւրքահայերի անտեսական բարեկեցութիւնը:

Պատմութիւնը, դէպքերի անաչառ ու առարկայական լուսաբանութիւնը ոչինչ չեն շահի, եթէ մենք մոռանանք ռուսական քաղաքականութեան այդ մեղսակցութիւնը վերջին 20 տարւայ ընթացքում և թիւրքահայերի թշուառութիւնից եզրակացնենք նոյն այդ քաղաքականութեան օգտակարութիւնը:

Ռուսական ռեժիմը ծանրացել է նաև անտեսական զարգացման պրոցէսի վրայ. կաշկանդել է—որքան այդ հնարաւոր է եղել—հայ արդիւնաբերութիւնն ու առևտուրը: Իսկ 1905 չարաշուք թակահարին, թաթարական արշաւը գիտակցաբար շղթայազերծելով՝ ուզեց ոչնչացնել հայ արդիւնաբերութեան մեծագոյն կենտրոնը—Բագի նաւթաշրջանը—որի գոյութիւնը այնքան զգալի դեր է խաղացել մեր հաւաքական զարգացման նորագոյն պատմութեան մէջ:

Կովկասահայերի անտեսական յարաբերական բարեկեցութիւնը արդիւնք է ռուս քաղաքականութեան մարդասիրական տրամագրութիւնների և ներհակառակը. այս տրամագրութիւնը—սկսած արևելեան Հայաստանի նախնան հետեւալ օրից իսկ—տարիներ իրարաւորելով ընթացքում եղել է հակահակական՝ մերթ զսպած ու խորամանկ շարժումներով, մերթ ուժգին ու բացարձակ ժեստերով: Ռուս քաղաքականութեան հոգեբանական հիմքերը նման են եղել պարսկական քաղաքականութեան հոգեբանական հիմքերին: Այդ քաղաքականութիւնների ենթակայական կողմերը միմեանցից գրեթէ չեն տարբերւի:

Անկախ ռուս քաղաքականութեան հոգեբանութիւնից՝ իրականութեան մէջ տարբերութիւն անշուշտ կարւ հայութեան ճակատագիրը երկու տիրապետութիւնների ներքոյ անշուշտ միևնոյնը չէր: Թէ ի՞նչ ապագայ կունենար արևելեան Հայաստանը, եթէ ապրէր մինչև օրս պարսկական իշխանութեան տակ՝ այդ մասին դժւար է հաստատապէս որևէ բան պնդել: Արժանի կարծիքով հայութիւնը կ'ուժասպառէր, կ'անհետանար աշխարհի երեսից: Բաժնի կարծիքով, ընդհակառակը, վերջինս մեծ հաւատ ունէր Պարսկաստանի վերանորոգութեան

նկատմամբ: Նա համոզւած էր, որ Շահերի երկիրը ներքնապէս պիտի բարեփոխէր և հայերը այնտեղ պիտի ունենային աւելի ուրոյն ճակատագիր, աւելի ուժեղ ազգային կազմակերպութիւն, աւելի հաստատ ու աւելի ապահով բաղաբաղութիւն:

«... Արժանաշատակ ֆաթալի և Մուհամեդ Շահերի տիրապետութեան ժամանակներում՝ եւրոպական լուսաւորութեան ճառագայթները, թէև դժւարութեամբ, բայց կամաց-կամաց ցոլանալ սկսան Պարսկաստանի սեւթոյր վարագոյրի նեղ ծակերից. բաղաբաղութեան թոյլ և գունաթափ լոյսը մի փոքր հալածեց նախնի բռնակալութեան սև խաւարը: Բայց հայերի համար տակաւին շուտ էր մտածել լուսաւորութեան վրայ: Խաների բռնակալութիւնը իսպառ վերջացած չէին: Եւ հայերը մի փոքր հանգստութիւն միայն գտանելով, յառաջագոյն սկսան բարւոյթել իրենց նիւթական գրութիւնը, երկրագործութիւնը և խաշնարածութիւնը շուտով ծաղկեցան նոցա մէջ, և բաղաբաղանքները սկսան ձեռք զարնել վաճառականութեան և զանազան արհեստների: Եւ շուտով հայոց աշխատասիրութեան ոգին երևան հանեց իր վռուվռուն վաստակները: Բայց երկար չտևեց այդ բարեբախտութիւնը: 1827 թւականը թողեց պարսկահայոց համար մի յաւիտենական ափսոսանաց արժանի անցք, երբ պարսկահայոց մեծ մասը գաղթեցին դէպի Արաքսի միւս ափը, անմխիթար սուգի մէջ թողնելով իրենց հայրենակիցքը: Հայոց պատմութեան ատենում չեն կարող պարզ երեսներով երևել երկու հայազգի անձինք.—մինը մի հոյակապ և արժանի յիշատակի եկեղեցական ոմն, որ շատ ուշ հասկացաւ իր սխալը... միւսը մի փառասէր հայ աստիճանաւոր ռուսաց զօրքի մէջ, որ խաբւելով շքանշաններից՝ հազարաւոր գերդաստաններ ձգեց ռուսաց խորամանկ բաղաբաղական շղթաների մէջ և թողեց նրանց մաշել՝ քսւելով մի հզօր պետութեան երկանաբարի տակ»...

Այսպիսի խիստ լեզուով էր խօսում հայերի մեծ վիպասանը, հայ ժողովրդական իդէալների երգիչը 1867 թւականին, «Սալբի» յառաջադրումով, Ռուսաստանի տիրապետութեան դէմ: Ներսէս Աշտարակեցին և նրա քաղաքական գործը այդտեղ անվերապահ կերպով քննադատութեան են ենթարկւում, Այդ տողերի մէջ լսւում է յուսախաբւած ժողովրդի բողոքը, հասարակական թագնւած վիշտը: Մի ժողովուրդ, որ զոհաբերել է իր ամենաթանկագին ստացւածքը Ռուսաստանի փառքի համար, մի ազգ, որ ամենաբոլորն ոգևորութեամբ և ամենաանկեղծ անձնւորութեամբ նահատակել է Ռուսաստանի յաթմանակի համար—արժանի էր լաւագոյն վերաբերմունքի: Ռուս կառավարութիւնը զլացաւ մեզ այս վերաբերմունքը: Ռուս կառավարութիւնը ուրացաւ մինչև իսկ իր խոստումները: Բաֆֆի չափազանցու-

թիւներ չիմքը այստեղ պէտք է որոնել: Այստեղ նրանք դիւրութեամբ բացատրելի են...

Բայց հայ վիպասանից բացի՝ եւրոպական գիտուն ճանապարհորդներն էլ նման բան են ասել: Թող ներդաշնակ լինի ընթերցողը, եթէ մի քիչ ընդարձակ հատուածներ մէջ բերենք այդ ճանապարհորդներից: Հարցի կարեւորութիւնը, պրօբլեմի նրբութիւնը բաղաբաղական հասարակական տեսակետով մեզ վրայ պարտք են դնում խօսեցնելու նաև հեղինակաւոր անձանց:

Մօրից Վագնէր 1840—1844 թւականներին ճանապարհորդեց ռուսական և տաճկական Հայաստանում և իր ուսումնասիրութիւնը ամփոփեց մի գեղեցիկ հատորի մէջ: Հայերի տնտեսական, հասարակական կացութեան մասին շատ հետաքրքրական տեղեկութիւններ է հաղորդում գիտնական ճանապարհորդը: Բազարջուկ գիւղի հայ բնակիչները, որ 1829 թւին Բայազէդի կուսակալութիւնից ռուսական սահմանն էին անցել՝ այսպէս են խօսում Վագնէրին. «... Ռուս հարկահանը մեր աղքատութիւնը չի հասկնար և մեր վրայ այնչափ բեռ է դնել, որչափ Երասխի քով դաշտաբնակ գիւղացոց վրայ: Մենք անխոնջ աշխատելէն և սակաւապետ կեանք անցնելէն ետքը՝ ան բարձր տուրքերը վճարելու կարողութիւն չունինք: Թէպէտ կամօք և ուզելով Ռուսաստանի մեծ կայսեր հպատակ ենք, որովհետև ինք բրիտանոնայ իշխան է, մեր կրօնը, մեր եկեղեցիները կը յարգէ, մեր եկեղեցականները կը պաշտպանէ, և թէպէտ քիւրդերէն այնքան կը վախնանք—այնուամենայնիւ աւելի յօժարութեամբ կուզենք մեր առաջին բնակչութեան տեղանքն ըլլալ՝ ուր անթուութիւն չէինք զգար և հարկահանները կրնայինք գոհացնել, ուր ծեծ ուտելէն վախ չունէինք, ինչպէս հոս ռուսաց մէջ ունինք, և ընդհանրապէս անանկ դառն թշուառութեան մէջ չէինք, ինչպէս հոս»:

Յայտնի է, որ ռուս կառավարութիւնը, գլխաւորապէս իր սահմանները ամրացնելու մտահոգութեամբ, Տաճկաստանից 100,000 հայ գաղթեցրեց և բնակեցրեց մեծ մասամբ Երևանեան նահանգում: Այս գաղթականութիւնը, ինչպէս և Պարսկաստանի մօտ 60,000 հայերի գաղթականութիւնը անհնարին դժւարութիւններով տեղի ունեցաւ: Հիւանդութիւն, անթուութիւն, կոտորած, մահ—կապած էին ժողովրդական այդ զանգւածային տեղափոխութեան հետ: Ռուս կառավարութիւնը խոստացել էր ամեն կերպ թեթեւացնել նրանց վիճակի դաշնութիւնը: Բայց ահա ինչ է գրում Վագնէր. «... Տարաբախտաբար ռուսաց պաշտօնեաները գաղթականների թշուառութիւնը մեղմելու համար ոչինչ չարին: Մանաւանդ նրանցից շատերը այն աստիճան անամօթացան, որ քիչ շարժական կայք ունեցող գաղթականների ձեռքից՝ այդ փոքր մնացորդն էլ կողոպտեցին, առանձն: Այս բարի, անմեղ և գործասէր հայազգի գիւղացիները 14 տարի Արագածի վրայ բնակւելուց յետոյ՝ չկարողացան քիչ

շունչ առնելու Ծանր տուրքերի տակ հեծում են և ողբալի վիճակի մէջ են»...

Երևանեան նահանգին տիրելով՝ ռուս կառավարութիւնը չթողց այլ ևս, որ բնակիչները առեւտրական յարաբերութիւն ունենան Պարսկաստանի հետ: Ելեւստական նախարարութեան դժբախտ կարգադրութեան համաձայն՝ հսկայական մաքսեր դրեցան Թաւրիզից մտնող ապրանքների վրայ: Այս պարագան ուղղակի թշուառացրեց թէ քաղաքի և թէ շրջակայքի ազգաբնակչութիւնը: Պրա համար էլ զարմանք չէ, որ բնակիչները պարսից բռնութիւնները գիտնալով հանդերձ՝ դարձեալ շատ տեղ նրանց իշխանութիւնը բաղձալի են համարում: (Պճանապարհորդութիւն ի Հայաստան. թարգմ. Փ. Ճամճեան, Վիեննա, 1851 թ. էջ 30):

Հայկական նահանգները ռուս կառավարութեան համար շահագործումի և հարստահարութեան առարկայ էին: Այստեղից վանելով պարսիկ իշխողներին՝ նա տարաբախտաբար պահանջեց նոյն հոգեբանութիւնը, նոյն տրամաբանութիւնը հանդէպ տեղական ազգաբնակչութեան: Հիւսիսային պետութեան այդ չարաշուք տեսակետը որոշակի փայլում է Էջմիածնի կուսակալ պարոն Իվանովի խօսքերի մէջ. — «Այստեղ մարդ շատ սքանչելի կապրի: Այնուամենայնիւ մեր, ռուսաց մէջ անմիտ և ապուշ մարդիկ կան, որոնք կովկասեան նահանգները աւազակների բուն են կարծում և այս կողմերը եկող կուսակալի վրայ ցաւում են: Մարդ այստեղ շատ պատւական կեանք է անցկացնում, և ով տրտնջում է՝ յիմար է կամ ստախոս: Տեսնում էք, որ տունս ամեն դիւրութիւն ունի, սեղանս լաւ զարդարւած է, ախոռի մէջ 24 հեծնելու ձի ունիմ, որոնք ամենն էլ գեղեցիկ, պերճ ու արքայական ասպաստանի արժանի կենդանիներ են: Սրանից զատ՝ 20,000 հոգի ինձ սիրում և պատում են»:

Այս հետաքրքրական ու նշանակալի պատմութիւններից յետոյ՝ վազնէր նոյն ոգով խօսում է ծանր ու կործանարար հարկերի մասին, ռուս պաշտօնեաների անազնութեան ու կաշառակերութեան մասին, ժողովրդի նիւթական տաքնապների մասին: Իւ այսպէս խօսում է մի մարդ, որ ճանապարհորդում է ռուս կառավարական շրջանների աջակցութեամբ և որ վայելում է նրանց վստահութիւնը...

Մենք բիւշ աւելի երկար կանգ առանք ռուս քաղականութեան բացասական կողմերի վրայ, որովհետեւ մեր հրապարակագիրները, կովկասում թէ Թիւրքիայում, գիտակցաբար թէ անգիտակցաբար, ծածկում են այդ քաղաքականութեան արատաւոր, յոռի, ցաւագար էջերը: Հասարակական գիտակցութիւնը չպէտք է պատել մառախուղով: Ժողովրդական խիղճը պէտք ունի պատմական ճշմարտութեան և ոչ թէ մեր քաղաքագէտների միտումաւոր ներբողներին:

Ա Ե Ր Ո Ւ Ն Ի

Պ Ա Ր Մ Կ Ա Ս Տ Ա Ն

Ե Փ Ր Ե Մ Ի Հ Ա Ի Ա Տ Ա Մ Ք Ը

Նա ընկաւ իր սկսած, բայց չ'աւարտած գործի փշոտ ճանապարհին, ալեւոր Պարսկաստանի անմխիթար իրականութեան մէջ, թողնելով մեծ մարդու, մեծ հերոսի նւիրական յիշատակը:

Հայ և օտար մամուլը—անշուշտ, պատշաճ՝ բացառութիւններով—արձանագրեց մեր անզուգական ընկերոջ թափառական կեանքի զանազան դրւագները և վստահ ենք, որ ասելիքներ ու պատմելիքներ դեռ շատ կան՝ լրացնելու համար մի պատմական կեանքի բովանդակ պատկերը և այդ պարտքը ծանրանում է բոլոր լաւատեղեակ ընկերների վրայ:

Իսկ մի քանի ազատամիտ օրգաններ — մանաւանդ ռուսական—յանձին իրենց «մտերիմ ու ամենագէտ» թղթակիցների միանգամայն սխալ ու հակասական կարծիքների արտայայտիչն եղան՝ Եփրեմի աշխարհայեցքի ու մտածելակերպի նկատմամբ մի պարագայ, որ մեզ հարկադրում է իրողութիւնը ճշտել:

1910-ի յունւարին էր, երբ Ղարադաղից վերադարձող յաղթական բանակը՝ ժամանեց Թաւրիզ:

«Թաւրիզը չէ տեսել նման ընդունելութիւն» — մրմնջում էին անգամ հակասահմանադրականները:

Ժողովրդական տօն էր, ինքնաբերաբար կազմակերպւած, զերծ պաշտօնական ձեւականութիւններից, դրդումներից ու հսկողութիւններից:

Ալեզարդ Իրանի համար խորթ, նրա հօրիզոններից դարերով հալածւած նոր գաղափարների—ազատութեան ու եղբայրութեան տօն էր, յուզիչ՝ իր պարզութեամբ, յարգելի՝ իր բովանդակութեամբ:

Եւ տարօրինակ երեւոյթ: Մինչ բազմահազար հետաքրքրողների ու յարգողների շարքերը անհամբեր սպասում էին՝ նախօրօք որոշւած փողոցներում ու հրապարակներում, Եփրեմ և Սարգար-Բըհատուր իրենց ընկերներով արդէն իջեանել էին իրենց բնակարանի մէջ, քաղաք մտնելով մի անյայտ փողոցով:

— «Նախ յոգնած եմ և յետոյ ձանձրացել եմ այդ ձեւականութիւններից ու ցոյցերից» — պատասխանում էր Եփրեմ մեր հարցումին:

Ո՞վ էր նա, Պարսկաստանի այդ «խորհրդաւոր», «առեղծւածային» *) դէմքը, որ դարձաւ նրա վերածնունդի կորովի երկրպագուն, ազգերի համերաշխութեան սիրահար պաշտպանը, նոր սերունդների ոգևորութեան ու պաշտամունքի աղբիւրը:

Եփրեմ աշխատաւոր ընտանիքի համեստ զաւակն էր, լուռ ու մուռ, սակաւախօս ու մտածող, վերլուծող: Իր համոզմունքների մէջ անխախտ, բնաւորութեամբ՝ արագաշարժ ու կտրուկ, ծրագիրների յղացման մի անսպառ

*) Այդ ածականով էր որակել Եփրեմին Մօսկւայի «Ռուս-սկոյէ Սլովօ»-ն:

աղբիւր և անձամբ գործադրող Երիտասարդ Հասակին իսկ ենթակայ Ցարական, Համիդեան ու Շահական բռնութիւններին՝ նա չէր կարող հանդուրժել բռնապետութիւնը, ո՞ւր էլ որ լինէր, ինչ անւան տակ էլ արտայայտէր:

Եփրեմ արդիւնքն էր իր ապրած կեանքի ու միջավայրի:

Նա համոզւած սօցիալիստ էր և 1907-ի Արարատականի շրջանային ժողովում — որպէս Ռաշտի պատգամաւոր — եղել է արհեստակցական միութիւնների ու դասակարգային պայքարի անհրաժեշտութեան տեսակէտը ջերմապէս պաշտպանողներից մէկը:

Եւ եթէ Եփրեմ ունեցել է երբեմն սխալներ — որոնք անխուսափելի են այդքան հարուստ ու արդիւնաւէտ մի կեանքի մէջ — այդ պէտք է բացատրել իր համոզումների և Իրանի նախապատմական հասարակարգի ճակատագրական հակասութեամբ:

Եփրեմ միշտ էլ անմոռաց կը մնայ, որպէս մի տիպիկ ինտերնացիոնալիստ — միջազգայնական՝ իր պատկանած կուսակցութեան հետ միասին, որպէս դարաւոր հակառակորդ ազգերը գործնականապէս եղբայրութեան, համերաշխութեան դրօշի տակ համախմբող անձնաւորութիւն:

Եւ դա կը լինի մեր պատմութեան ամենագեղեցիկ էջերից մէկը:

Չմոռանանք, որ Պարսկաստանում ենք, ուր կրօնամոլութեան արդիւնք՝ օտարատեսչութիւնն է ժողովրդի վաղեմի սեփականութիւնը:

Ինչպէս և ի՞նչ էր մտածում Եփրեմը — Պարսկաստանի ապագայի և բուն պարսիկ ժողովրդի մասին:

Ինչպէս էր ըմբռնում նա այդ խնդիրները, որոնցով այնքան ոգևորւած էր և ուրիշներին էլ համոզել կ'աշխատէր:

Ուշագրաւ են Եփրեմի հեռեւեալ մտքերը — արտաշայտւած մի ընկերական խնջոյքում, ներկայութեամբ հայ մարտիկների, Սարգար Բըհատուրի, պարսիկ և բախտիար հրամանատարների ու Թաւրիզի հայ երիտասարդութեան: Վերջինիս խնդրանք էր, որ Եփրեմ մտածւած ու համոզիչ շեշտով դիմեց ներկաներին:

— ՊՆԿԵՐՆԵՐ, դուք պահանջում էք, որ անպայման խօսեմի Ահա ամբողջ 2—3 տարի է, բաժանել եմ ձեզնից և այդ ժամանակամիջոցում քանի՞ քանի հին կուռքեր են ջարդւել, որքան համոզումներ փոխւել: Դուք իմ կարծիքն էք ուզում իմանալ Պարսկաստանի ապագայի ու ժողովրդի մասին:

Չեր հետաքրքրութեան ամենաէական պատճառը ես համարում եմ անորոշութիւնը: Համամիտ եմ ձեզ հետ, որ կուռքի առաջ նախ պիտի ճշտել, թէ ի՞նչի ենք ձգտում: Ինձ ասում են և բազմաթիւ նամակներ ունիմ ստացած, որ մեր յաղթանակները մեռւում են և պիտի մնան

ապարդիւն, քանի որ ինքը — պարսիկ ժողովուրդը և մասնաւորապէս նրա գիտակից տարրերը իդէալազուրկ են և անընդունակ այն հսկայական շինարար աշխատանքին, որպիսին պահանջում է նոր Իրանը: Եւ այդպէս մի շարք կասկածներ, ենթադրութիւններ:

Դժբախտաբար, մենք քիչ ենք ճանաչում մեր դրացիներին, ինչպէս և պարսիկներին: Ձեմ ժխտում, որ արեւելքի մեծ բռնապետներն ու գերիշխող կղերականութիւնը ստեղծել են մարդկային կամազուրկ ու սարուկ մի զանգւած — արդի պարսիկ ժողովուրդը:

Ձեմ էլ զարմանում, որ նոյն այդ ժողովուրդը անընդունակ է ինքնաբերաբար ապստամբւելու, բողոքելու, զէնքով իր իրաւունքները պաշտպանելու:

Նոր գաղափարներ ու նոր միջոցներ են դրանք — անձանթ ստրկութեան մէջ ապրող ժողովրդին:

Երբ նոր էր խմորւում սահմանադրական շարժումը, սակաւաթիւ անհատներ կային միայն, որոնք գիտակցաբար գործելու, պայքարելու տրամադրութիւն էին արտայայտում: Ո՞վ կարող է ժխտել, որ դրանց թիւը այսօր հասնում է հարիւրների, հազարների, որ դրանք կազմում են արդէն նոր Իրանի թարմ ծաղիկները և նոյնիսկ հրապարակ են գալիս, որպէս կուսակցութիւններ՝ իրենց օրգաններով հանդերձ: Եւ իւրաքանչիւր մի նոր յաղթանակ ստեղծում է մեր ցանկացած ուժերի մի համեստ քանակ:

Քսան տարի առաջ ճիշտ նոյն նւաստեցուցիչ կարծիքն էր տիրում մեր — հայերի մասին: Իսկ այսօր մեզ համարում են աւելի քան յեղափոխական, զէնքի ու կուռքի սիրահար:

Ես աւելի քան վստահ եմ, որ պարսիկ ժողովուրդը նոյն ժամանակամիջոցում աւելի մեծ թւով պիտի ունենայ պայքարող խմբակներ ու կուսակցութիւններ, իրենց հայրենիքի ազատութիւնն ու սահմանադրութիւնը զէնքով պաշտպանող լեգէոններ:

Բաւական է յիշել միայն վերջին 4 — 5 տարիների արդիւնքը:

Առարկողներ էլ կան, որ օտար պետութիւնները չեն կարող հանդուրժել Պարսկաստանի անկախութիւնը՝ ներկայ պայմաններում: Գուցէ այդպէս է. մենք դրա դէմ էլ կը կուենք բոլոր հնարաւոր միջոցներով: Սակայն չմոռանանք, որ պետութիւնները կ'արող են ոչնչացնել սահմանները, բայց ոչ երբեք պարսիկ ժողովուրդը: Մենք միշտ պիտի մնանք իրար մօտ, կողք-կողքի, — սա մի ճակատագրական անհրաժեշտութիւն է: Նրանց զարգացումը մասամբ և մերն է:

Ինձ ոգևորողը այդ նոր սերնդի հրապարակ գալն է, մեր և պարսիկների եղբայրութեան ու համերաշխութեան հեռանկարը և բռնապետութեան, աղայական ու կղերական հարստահարիչ լուծի իսպառ ոչնչացումը:

Բոլոր ուժով ու հնարաւոր միջոցներով պէտք է մաս-

նակցել այդ շարժման: Դա մեր իսկ կուսակցութեան նշանաբանն է՝:

Ապա Եփրեմ առաջարկեց նոր Իրանի և նոր սերնդի կենացը՝ յանձին պարսիկ ու բախտար ընկերներին:

Խօսքը այնքան համոզիչ էր, շեշտը այնքան խոր և հաւատք՝ անկեղծ, որ առարկութիւնն իսկ աւելորդ նկատուեց:

Ահա թէ ի՞նչ և ինչպէս էր մասնուժ Եփրեմ, ահա թէ ուժ է կորցնում խեղճ Իրանը:

Այո, պաշտամունքի անխառն զգացումով է, որ պիտի խոնարհւենք մեր պաշտութիւնը զարդարող թարմ շիրմի առաջ—յաջողութիւն մաղթելով հանդերձ պատերազմի դաշտում գտնուող մարտիկներին, որոնց վրայ ծանրանում է այսօր՝ դժւարին գործի պատուաւոր շարունակութիւնը:

Ս. ԱՐՆԱՆ

ՅՈՒՇԵՐ ԵՓՐԵՄԻ ԿԵԱՆՔԻՑ

1908-ի յուլիսին էր: Պարսկական նորաբողոք պարլամենտի ուժաւորումը բռնակալ Մեհմեդ-Ալիի ձեռքով, առաջին անգամը զարթոցեց մօրժեան բնի մէջ խորասուզւած պարսիկ ժողովրդի ոգին: Ազդանշանը արւեց Ատրպատականի նահանգից: Թաւրիզում ըմբոստների մի փոքրիկ խումբ շեփոթել էր ստրկութեան նեխւած մթնոլորտի մէջ ապստամբութեան քաղցրահնչիւն փողը:

Բռնակալութիւնը չէր կարող իր՝ թէկուզ ամենաբոկ կոպտութեամբ ճնշել ըմբոստներին: Ապստամբութեան ազդանշանը արւած էր յանուն ժողովրդի ազատագրութեան և հեշտ չէր խեղդել այն: Փաստը ակնբեր է. Թաւրիզը իր մի բուն ըմբոստներով ամբողջ 6 ամիս զիմադրեց բռնակալական զինւած բանակին, որին գլուխ էր կանգնած Մեհմեդ-Ալիի ամենահաւատարիմ ու հլու սպասաւորը, Էյնե-Գօվլէն:

Երկուների օրեր էին Ատրպատականի համար: Կարճ ժամանակում նրանք փոխւեցին արեան օրերի և առաջին անգամը իսլամի հողը ողողեց իսլամ զաւակի արիւնով: Եւրոպայի սահմանադրութեան Սակայն, այդ արիւնոտ օրերն անգամ չ'ազդեցին երկրի միւս վայրերի վրայ: Դարաւոր շղթաները այնպէս էին կաշկանդել այդ գերի ժողովուրդը, որ նա քար կտրած այդ բոլորի հանդէպ սոսկ ականատեսի դեր էր կատարում: Լուռ էր անգամ Գիլանի նահանգը, որ Ատրպատականին կից է և սերտ կապւած նրա հետ: Չկար նախաձեռնութեան ոգի, չկար կենդանի գործ:

Անտարբեր չէր նոյն շրջանում Հ. Յ. Դաշնակցութիւնը: Հաւատարիմ իր V-րդ Համագումարի որոշման և հետեւելով Ատրպատականի օրինակին (ուր սկզբից իսկ Դաշնակցական ճիւղը ձեռք-ձեռքի տւած պարսիկ ըմբոստների հետ՝ պարզել էր ապստամբութեան

դրօշը): այստեղ ևս առաջին շարժման խթանն եղաւ Եփրեմը խմորումի և կազմակերպման հոգին էր Գիլանի շրջանում: Յեղափոխականի բովից անցած և ամբողջ եութեամբ յեղափոխական՝ նա չէր կարող համբերել, տանել սառնութեամբ Թաւրիզի շարժումները: Արդէն մինչ այդ՝ նա շատ ծանր օրեր էր ապրել, համբերութեան բաժակը լեցւել էր... Այդ ժամանակ նա գտնուում էր Գիլանի Էնզելի բաղաբում, ուր ոռոսական մի ընկերութիւն (կասպից ծովի) Էնզելիի նաւամատոյցն էր կառուցանում ու զբաղւած էր այդ ընկերութեանը փայտ մատակարարելու գործով:

1908-ի հոկտեմբեր 2-ն է, յիշատակելի, անմոռանալի օր: Եփրեմը մօտենում է ինձ և ասում իր սովորական սառնութեամբ. «Յօ, մեռանք անգործութիւնից այս վերան բաղաբում, այսպէս շարունակել չի կարող: մի քանի թուրք շարտաշների (եղբայրների) հետ տեսնել եմ, տրամադրութիւնները պատրաստել: Խոստացել են հաւաքել երեկոյան, գնանք տեսնենք, գուցէ հնարաւոր լինի մի բան անել» (ուզում է խօսել պարսիկներին կազմակերպելու առթիւ): Նոյն երեկոյան ժամի 10-ն է, Էնզելիի եղբայրապատ նեղլիկ ու ծուռ փողոցներով, հեռուից հեռու մթութեան մէջ մի պարսիկ առաջնորդում է մեզ դէպի իր տունը և ամեն բայլափոխում չորս կողմը նայում, մի գուցէ որեւէ մէկի ուշքը գրաւէ: Վերջապէս, մենք առանց նկատուելու, նրա տանն ենք, մի փոքրիկ սենեակում և շրջապատւած 6 պարսիկ ազատականներով, որոնցից մէկը միայն Գիլանից, միւս հինգը թաւրիզցիներ են:

Խօսակցութեան նիւթը օրւայ հրատապ հարցն է: Եփրեմը բացատրում է հաւաքման նպատակը և բացատրում է ոգևորիչ խօսքերով օրւայ մեծ նշանակութիւնը և բոլոր իրանցիների կատարելիք ազգային ու հայրենասիրական պարտականութիւնները արիւնոտ օրերում: Կոչ է անում յանուն հայրենիքի ազատութեան կազմակերպելի թէկուզ ամենահամեստ ուժերով, վայրկեան առաջ արձագանք տալու երկունքի մէջ ապրող և ապստամբ Թաւրիզի եղբայրներին: Եփրեմը այդ օրերից արդէն ցոյց էր տալիս յեղափոխական քարոզչի իր անսովոր ընդունակութիւնները: Նա ծանօթ է իրեն շրջապատող ժողովրդի հոգեբանութեան և գիտէ, ինչպէս մօտենալ նրան. իր համոզիչ տօնով ազդում է ներկայ եղողների վրայ և սրանք վրէժխնդրութեան երդումն են անում՝ գործելու: Եփրեմը, հաւատարիմ իր տակտիկին, յարմար ընդհատելով իր տալիս և առաջին անգամը կազմակերպում է Գիլանում պարսկահայ խառն կօմիտէ, հիմք դնում Գիլանի յեղափոխական շարժումներին, որոնք արձագանք են տալիս Ատրպատականի ապստամբութեան և այնքան նշանակալից դեր են կատարում՝ Իրանի յեղափոխական պատմութեան մէջ:

Եփրեմի տրամաբանութիւնը զուտ յեղափոխական է:

մնայ նորնիսկ հեռուէն հեռու բեզ ծանօթ մարդկանց սրտում, ո՛ւր մնաց բո մտերիմների, որոնք առիթ են ունեցել բեզ հետ լինել, բո գաղափարական գործերի ու ձեռնարկների մէջ, ներշնչել բո երկաթէ կամբից ու կորովից, հետեւել բո գծած ճանապարհին...

Ծուներ չորած շիրմիդ առջև, հանգիստ եմ մաղթում տանջւած ոսկորներիդ, սիրելի ընկեր:

Թ Փ Ի Կ

Ք Ա Ղ Ա Ք Ա Կ Ա Ն

ՀԱՄԱԺԱԿԱՆ ԱԶԳԵՐԻ ԴԱՅՇ

Նա միշտ էլ կայ—այդ չարաբաստիկ, համամարդկային և կնճռալի դատը: Եւրոպայի հանրային կարծիքի մէջ նորէն մի տեսակ շրջումն է կատարուում, մտաւորականութեան աչքի ընկնող ներկայացուցիչներ սկսում են դարձեալ զբաղւել մանր, ճնշւած ազգերի խնդրով: Կազմուում են խմբակցութիւններ, հրապարակ են նետւում շրջաբերականներ ու կոչեր, որոնք հրաւիրում են ձայն բարձրացնել յանուն ազգային ոտնահարւած իրաւունքների:

Մի այդպիսին կազմւած է վերջերս Պարիզի մէջ և կոչւում է «Ազգերի միութիւն» (*Union des nationalités*) և որ մտադիր է կազմակերպել միջազգային մի համագումար: Ցեղի ունեցաւ այդ նպատակով նախնական մի ժողով:

Այդ նոր կազմակերպութեան դիտաւորութիւնները պարզւած են ժողովի նախագահ և ֆրանսիական կառուի անդամ Պաւլ Եփէի ճառի մէջ.

«Բոլոր ազգերի մէջ կայ մի ընտիր տարր, պատրաստ պաշտպանելու միջազգային արդարութեան դատը: Բայց դա միայն ընտիրներն են, մի փոքրամասնութիւն: Նոր կազմակերպութիւնը, պրոպագանդի բոլոր միջոցներով պիտի դիմէ ժողովրդային զանգւածներին: Նա կուզէ ստեղծել բոլոր ճնշւած, հարստահարւած ժողովուրդների մէջ մի տեսակ ընդհանրական գիտակցութիւն (*conscience commune*), եղբայրական մի համերաշխութիւն, որ զգան նրանց ամենանւաստ զաւակներն անգամ: Նա կուզէ ստեղծել ճշմարիտ և հզօր հանրային կ'արծիբ, համաեւրոպական և համաշխարհային:

«Ամեն օր աշխարհի որեւէ անկիւնում տեղի են ունենում եղբունափորձեր ժողովուրդների իրաւունքի դէմ, բայց նրանք տեղի են ունենում նկուղի մէջ: Նրանք անհնարին կը լինէին, եթէ դուրս բերւէին լոյս աշխարհ:

«Նոր կազմակերպութիւնը—շարունակում է նշանաւոր ֆրանսիացին—փափագում է, հարկաւ, տիեզերական խաղաղութիւն: Սակայն այդ խաղաղութիւնը չպիտի նիւթւի յաղթածների լուռութիւնից և ստրկութիւնից. նա պէտք է յենւած լինի իրաւունքի, արդարութեան վրայ: Նա երբեք չպիտի թուլացնէ հարստահարւած ժողովուրդների դիմադրական ուժերը, երբեք չպիտի մղէ նրանց դէպի ստրկական համակերպութիւն...

Պարիզում կազմւած «ազգութիւնների կենտրոնը»

պէտք է, ընդհակառակը, բարձրացնէ, խթանէ այդ ժողովուրդների արիւթիւնը, հաղորդէ նրանց յոյս ու կորով»...

Ահա մի կազմուորիչ երեւոյթ և մի ուշագրաւ յայտարարութիւն: Իսկապէս ընկերութիւն է դա, բայց ոչ այն ծոյլ և ցնորական խաղաղասէրների, որոնք շարունակ կոչ են անում մարդկանց—նաև հզօրների, աշխարհի հրամանատարների—մարդասիրական զգացումներին և որոնք սովորաբար շատ քիչ են ազդում դիւանագիտական կշիռքի վրայ: Պատերազմի համաճարակը շարունակւում է, չնայած նրանց տենդային բարոյներին: Եւ իւրաքանչիւր պատերազմ մի նոր ու դառնագոյն հիասթափութիւն է բերում այդ ազնիւ ուսուպիստներին...

Այսօր տակաւին փչում են Արեւմուտքի և Արեւելքի վրայ չարաշուք հողմեր, «Եղբունափորձերը» շարունակւում են մանր ազգերի իրաւունքների դէմ: Լեհաստանը, Ֆինլանդիան, Էյզաու-Լօտարինգիան — իւրաքանչիւրը հնչեցնում է իր յատուկ ցաւերն ու գանգատները բաղաժողով մարդկութեան ականջին: Վիլհելմ II հրապարակով սպառնաց խել Նաև այն չնչին ինքնավարութիւնը, որ տրւել է Էլզասին:

Իսկ Արեւելքում... Այնտեղ ազգայնութեան դատը շարունակում է կարմիր գետեր հոսեցնել...

Միանգամայն, ուրեմն, այժմէական է, Պաւլ Եփէի և պարիզեան «կենտրոնի» կոչը: Հանրային կարծիքի խլրտումները ապարդիւն չեն կարող անցնել: Նրանք աջողում են երբեմն կանխել ժողովուրդների և առանձին համախմբումների դէմ նիւթւող ոճիրները: Նրանք ազդում են անգամ Պետերբուրգի և Վ. Պլախին կառավարութիւնների վրայ: Երբք տարի առաջ Պարիզի մէջ յարուցւած լրագրական աղմուկը Ձագրեբում տեղի ունեցող դատավարութեան առթիւ՝ ազգեց նախաւստիական կառավարութեան վրայ և փրկեց մահադատավճռից յիսունի չափ խօրվատ-սերբեր: Բռնապետական և կիսաբռնապետական երկրների կառավարութիւնները սովորաբար զգոյշ են վարուում, երբ իրենց գաղտնի դաւերը յայտնագործւում են մեծ մամուլի մէջ

Հանրային կարծիքը Եւրոպայի մէջ սկսում է խլրտալ՝ նաև Թիւրքիոյ կացութեան պատճառով: Եւրոպացոց նախկին խանդավառութիւնը «Երիտասարդ Թիւրքիոյ» ազատարար թուիչքների առթիւ տեղի է աւել մի տխուր հիասթափութեան, որ մերթ ընդ մերթ փոխարկւում է արդարացի զայրոյթի: Լօնդօնի «Բալկանեան կօմիտէն» արդէն իսկ մի քանի անգամ ազդարարութիւններ ու սպառնալիքներ արեց Մակեդօնիայի անմիջեմար վիճակի առթիւ: Իսկ Ալբանիայի կոպիտ ճնշումները և կառավարութեան շարունակական խաբէութիւնները ցասում են յարուցանում ամենուրեք:

Հայաստանը հեռու է... Բայց նրա ցասման ու բողոքի ձայնն ևս չպիտի յապաղի աղմկելու Եւրոպական մամուլն ու հրապարակը: Այդտեղ է մղում ճակատագրապէս թիւրք կառավարութեան և տիրապետող կուսակցութեան բռնած ընթացքը: Հայաստանի մէջ գործւած ոճիրների շարանը քանի գնում սաւարանում է: Անձի,

գոյքի ու պատւի դէմ տեղի ունեցող շարունակական եղբնափորձերը այնքան յիշեցնում են վաղեմի, նախայեղափոխական շրջանը... Ի տեղի խրատելու անցեալի փորձերից և բռնելու շիտակօրէն բարենորոգման ճանապարհը—նոր Թիւրքիան միշտ աւելի և աւելի սահում է դէպի հնի աւազանները, ուր նրան սպասում է թերեւս վերջնական անկում: Արդէն իսկ կարծէք երևում են փոթորիկի նշանները: Ահա խորհրդաւոր շշուկներ ինչ որ համաձայնութիւնների ու դաւերի մասին, ահա և նոյնքան խորհրդաւոր տեսակցութիւններ, նախ Ռահոնիջի, ապա և այսօր՝ Փինլանդական ջրերի մէջ, ուր խօսակցութեան գլխաւոր նիւթն է Արեւելքի յաւիտենական «Հիւանդը»...

**

Մի այլ Ընկերութիւն, աւելի «արմատական» ծրագրով հիմնել է նորերս Իտալիայի Տօրինօ քաղաքի մէջ: Այդ մէկի շարժառիթն արդէն իտալո-թիւրք պատերազմն է: Նա յարուցել է Ապենինեան թերակղզու մէջ մարտական, փոքր ինչ թիւով, հայրենասիրութեան մի մեծ հոսանք: Նոր Ընկերութիւնը դիմում է մի շրջաբերական-կոչով ամբողջ քաղաքակիրթ մարդկութեան, հրաւիրելով այն մի տեսակ խաչակրաց արշաւանքի՝ ընդդէմ Թիւրքիոյ: Թիւրքիան—ասում է նա—չնայած իր յեղափոխութեան, շարունակում է մնալ բարբարոս, ազգահալած և անբուժելի մի պետութիւն: Իտալիոյ հրատարակած պատերազմը—կռիւ է յանուն քաղաքակրթութեան, և բոլոր պետութիւնները պէտք է միանան՝ բաժանելու համար այդ պետութիւնը, ազատելու Կրետէն, Վլղինները, Ալբանիան, Մակեդոնիան, Հայաստանը...

Այդ Ընկերութիւնը ունի ծիւղաւորութիւններ և Իտալիայից դուրս: Նրա նախագահն է Տօրինօի պրօֆէսոր Միքել Անջելօ Բիլլիա—Michelangelo Billia: Նա ուղղում է իր դիմումները—«Դրօշակ» ի խմբագրութեան միջոցով—նաև Հ. Յ. Գալանկցութեան:

Նրա դիմումների և լրագրական յօդւածների ոճը այնքան ծայրայեղ է, այնքան մոլեգնող, որ անպատեհ ենք համարում առաջ բերել մանրամասնօրէն:

Ահա թէ ինչ արդիւնքներ է աւելիս Նոր Թիւրքիոյ կարճատես և կարճամիտ ներքին քաղաքականութիւնը...

Կ Ա Ջ Մ Ա Կ Ե Ր Պ Ա Կ Ա Ն

Հ Ա Յ Ջ Ի Ն Ի Ո Ր Ն Ե Ր Ի Ն

Ահա նորից հնչեց փողը պատերազմի և մենք նորից գնում ենք մարտի դաշտը:

Մի անգամ էլ գնում ենք հարածելու այն մարդկանցից մէկին, որ մի ժամանակ սահմանադրութեան պաշտպան ձևացնելով իրեն, այսօր նոյն այդ սահմանադրութեան դէմ է բարձրացրել իր զենքը:

Ընկերներ, պէտք է խորը գիտակցներ, որ գնում ենք պաշտպանելու նրա դէմ այն կարգերը, որոնք պէտք է համապատասխանեն աշխատաւոր ժողովրդի շահերին, գնում ենք պաշտպանելու այն գիւղացիութիւնը, որ մինչև օրս զանազան խանութի, արքայների ձեռքից տանջւելուց յետոյ, այժմ էլ Սալար-Դօվլէներէից, Ամիր Մուֆախամներէից և նման բորենիներից է հեծում:

Մենք եկած ենք նոյն այդ աշխատաւոր ժողովրդի ծոցից: Թողած մեր մաճը, մեր սեփական համեստ գործերը, այժմ զենքով ու մեր կեանքի գնով դուրս ենք եկել այն երկրի ուժեղների դէմ, միայն և միմիայն աշխատաւորութեան շահերը ի նկատի ունենալով:

Ուր էլ որ լինի, ինչ ազգի, ցեղի, կրօնի էլ որ պատկանի այդ գիւղացիութիւնը, նա մեր այսօրայ յօտիկ կամ հեռու հարեանը, վաղը մեր բարեկամն ու զինակիցն է ընդդէմ բոլոր բռնապետների, հարստահարողների ու շահագործողների:

Կուէ՛ք ուրեմն այսօր մեր այդ հարեանների համար, պաշտպաններ նրանց, որ վաղը, ձեռք ձեռքի տւած, աշխատաւորի դատը պաշտպաններ, նրա իրաւունքների համար կուենք:

Ընկերներ, ահա քանի ամիս է, ինչ մենք կուում ենք այս երկրի սահմանադրական կարգերի համար, բազմաթիւ յաղթութիւններ ենք տարել, մեր թանկագին զինակիցներին ենք զոհել, երբէք չենք նահանջել ու միշտ մենք ենք եղել նախադրական:

Այժմ ևս կոչ ենք անում ձեզ, զինակից ընկերներ, Ազատութեան և Արդարութեան ապստաններ լինել, չարատաւորել ձեր անունը ընչաքաղցութեան և վեհօրոտութեան արատով, եղէք միշտ անվեհեր և անշահանդիս:

Մեզ քաջալեր թող լինի մեր նահատակ ընկերների անմահ յիշատակը:

Կուենք անշահանդիս հերոսների պէս և թող ոչ որ չհրապուրի թալանով:

Մենք թալանչիներ չենք, մենք աշխատաւոր ժողովրդի, գիւղացիութեան պաշտպաններ ենք: Մենք չենք, որ պիտի դայթակղենք հարստանալու տենչով, մենք չենք, որ պիտի խենք գիւղացու արին քրտինքով վաստկած աշխատանքը...

Ընկերներ, չլսե՛ք վատ լիեղադրումները, իմանա՛ք մեր արժէքը և անբիծ պահենք անուն ու պատիւ:

Թող կորչի՛ն մեր անունը արատաւորող մեծ ու փոքր թալանչիները:

Կեցցե՛ն քաղաքարի զինւորները:

Կեցցե՛ Հ. Յ. Գալանկցութիւնը:

ԹԵՀՐԱՆԻ ԲԱՆԱԿԻ

Հ. Յ. ԳԱԼԱՆԿԱՅԱՆ ՋԻՆԿՈՐՆԵՐԻ

ԿԱԶՄԱԿԵՐՊՈՒԹԻՒՆ

Թեհրան
1912, մարտ

Պ Ա Տ Մ Ա Կ Ա Ն

Հ Ա Յ Կ Ա Կ Ա Ն Շ Ա Ր Ժ Մ Ա Ն

Ն Ա Խ Ա Պ Ա Տ Մ Ո Ւ Թ Ի Ի Ն

IV

Հ Ա Յ Ա Ս Տ Ա Ն Ե Ւ Հ Ա Յ Ո Ւ Թ Ի Ի Ն

Պատմափիլիսոփայական ակնարկ.—Հակօրինութիւններ.—Հայաստան եւ Եւրոպա.—Կուլտուրական նմանութիւն.—Բնական միջավայր, իրենցեղի պահպանութեան գրաւական.—Գուրանք եւ կարաւանք, իրենց հզօր խթաններ ճակատական քաղաքակրթութեան.—Բնութիւն եւ աշխատանք.—«Միջնորդ Արեւելի եւ Արեւմտեի միջեւ».—«Յարմարելու» անսովոր ուժը եւ նրա սեւեռն կողմերը.—Հայ առեւտուր միջին դարում.—Հայ վաճառականը՝ որպէս կուլտուրայի նախակարգայէս.—Օսար վկայութիւններ.—Տուրքմէշ, փօքեր, Կարլ Ռիսեթ, Օլիվիէ, Լանգուա, Հաֆսիսաւզէն, Ռեյլիս եւ ուրիշներ.—Հայ ազգը միջին դարում.—Փոքորկուսի նշաններ.—Անհատների քաղաքականութիւնը.—Միսթար, Արքա եւ Բարալէ Օրի.—

Պատմութեան փիլիսոփայութիւնը մէկից աւելի հակօրինութիւններ (antinomie) պիտի գտնէ հայ-

կական ճակատագրի բազմադարեայ էությունի մէջ։
Մի կեանք, որ թաւալել է անդուլ հալածանքի ու բնաջնջման ալիքներում—և սակայն, յարատեւել է... մի անօրինակ, առեղծւածային կենսունակութեամբ։

Մի ժողովուրդ՝ այնքան բաւոր իր թուով, մի միջավայր՝ այնքան յաճախ ենթակայ աշխարհաւեր հեղեղների, մի բնութիւն՝ այնքան դաժան, անհիւրընկալ կլիմայական ու տեղագրական պայմաններով, կտրւած քաղաքակիրթ Արեւմուտքից ահագին անջրպետներով—և սակայն մենք տեսնում ենք այդ ամենի և բթաշունչ բնութեան մէջ, այդ անհամբոյր և դժնդակ միջավայրում դեռ ամենահին ժամանակից պրօգրէսի, յառաջխաղացութեան զօրաւոր ցուքեր, նիւթական և իմացական քաղաքակրթութեան շքեղ բողբոջներ, որոնք տասնեակ դարերի արիւնակուռ ու արտասուցող տարածութեան վրայ աստիճանաբար շեշտւելով ու փոխանցւելով սերունդներին, մղել են այդ ուշագրաւ ցեղը — տանջանքի և անդադրում մաքառումի ճանապարհով—դէպի ազգային ինքնաձանաչութիւն և դէպի ազգային-ազատագրական շարժումներ...

Հակօրինութիւնները շեշտւում են, աւա՛ղ, նաև բացասական, աղէտաւոր կերպարանքով։

Մի ժողովուրդ՝ որ ասիական խաւար ու միապաղաղ անշարժութեան հօրիզոններում, հնուց ի վեր եղել է միակ անկեղծ և խանդավառ բարեկամն ու կողմնակիցը եւրոպական աշխարհահայեացքի, որ եղել է—Վիկտոր Բերարի աջողակ արտայայտութեամբ—«*հեւրոպականացած ասիացիների մի համայնք՝, un peuple d'asiatiques européanisés*», մի ժողովուրդ՝ որ իր յորդ արիւնով իսկ, դեռ խաչակրաց արշաւանքների ժամանակից, փաստել է իր հզօր, բնազդային համակրութիւնը արեւմտեան քաղաքակրթութեան համար,—այդ ժողովուրդը, սակայն, իր անլուր և անվախճան նահատակութեան շրջաններում, մահմեդական բարբարոսութեան մշտաճարակ դժոխքի մէջ, բնաւ երբէք չվայելեց քաղաքակիրթ եւրոպայի առատաբուխ պարգևները, բնաւ երբէք չ'արժանացաւ նրա կենդանի և իրական աջակցութեան, թէպէտ և շատ անգամ դիմեց նրան աղիողորմ գանգատներով ու աղերսանքներով, թէպէտ և շատ անգամ տեղացին արեւմտեան հրամանատարների դահլիճներից վարդազոյն խոստումներ ու ոգևորիչ խրախուսանք... սկսած Իսրայէլ Օրիի առաքելութեան օրերից մինչև 1908 ազատարար թաւականը...

Ինչո՞վ էր նա այնքան մօտ եւրոպային. ինչո՞վ էր հայութիւնը այնքան սերտ շաղկապւած եւրոպական աշխարհայեացքի հետ։

Քրիստոնէութիւնը, անտարակոյս, իր տեղն ունի այդ մասին և հոգեկան նմանութեան մէջ, բայց այդ տեղը չպէտք է շատ չափազանցներ։

Հայ ժողովրդի բրիստոնեայ լինելու հանգամանքը մեծապէս, այո՛, նպաստել է նրա դարաւոր շփումներին եւրոպական ազգերի հետ. և միանգամայն ուշագրաւ ու հասկանալի է միջնդարեան կրօնասէր ու ջերմեռանդ եւրոպայի հետաքրքրութիւնը այդ ժողովրդի ճակատագրով, միսիօնարների և այլ բարեպաշտ, հետազօտող ծավառների տենդային վազքը դէպի Արարատ և Էջմիածին, դէպի Ճորոխի և Արաքսի հովիտները, ուսկից նրանց հրապուրում էին բիբլիական յուշերը, հերկաւոր դրախտի՝ Թովիչ առասպելները և «առաջին քրիստոնեայ ժողովրդի» կենցաղն ու պատմութիւնը։

Սակայն, այդ ժողովուրդը ուրիշ տեսակ յատկանիշներ, ձիրքեր ունէր, որոնք նրան կապում էին—աւելի սերտ ու յարատեւ կապերով—քաղաքակիրթ Արեւմուտքի հետ... Ճիշտ այն յատկանիշները՝ որոնք, տարաբախտաբար, բացակայել են իրեն նւաճող և տիրապետող ցեղերի մէջ։ Այդ նւաստ և հեռաւոր ասիացին «հեւրոպականացած էր» այն պատճառով՝ որ իր պատմական գոյութեան առաջին դարերից ի վեր գրկել էր ճշմարիտ քաղաքակրթութեան, արդիւնարար, ստեղծագործող աշխատանքի դրօշը, զարգացրել էր համեստ չափով իր սառցապատ միջավայրում, իր խուժադուժ և բարբարոս դրացիների միջնուորում, քաղաքակրթութեան ամենաէական ճիւղերը—երկրագործութիւն, առևտուր, արհեստ և արւեստ, գիր ու դպրութիւն—և այդ թանկագին ստացւածքներով օժտւած, այդ նիւթական և իմացական բազաժը շալկած, նա քայլել է դարերի խոր գիշերի մէջ, անցել է թոյլ, վեհերոս շարժումներով թշնամիների լարած բիւրաւոր թակարդներից, մերթ մերթ ծածկւել է իր մրկոտ ծովի ալիքների տակ, մերթ մերթ անէացել բարբարոսութեան գահավիժող յորձանքներում, անդամալուծել իր թափը, սպառել իր կորովը, ապա վերստին դուրս նետւել դէպի մեծ ճանապարհը, սահել է խառնափելով միշտ դէպի վեր, դէպի առաջ իր կարող և անվրէպ բնազդի թելադրութեամբ, մինչև որ հասել է, XIX դարու մէջ, այն փրկարար և մարտական ինքնագիտակցութեան, առանց որի չկայ ազգ այս աշխարհում։

Երկրագործութիւն և առևտուր—նախ և առաջ, երկուսն էլ քաղաքակրթութեան էությունի մեծ հանգրւաններն են։ Մենք վեր հանեցինք նախորդ գլխի մէջ այն համատարած անտագոնիզմը, այն անհաշտ հակամարտութիւնը, որ եղել է հնագոյն ժամանակներից ի վեր սօցիալական երկու խոշոր տիպերի միջև—թափառական խաշնարածներ և նստակեաց երկրագործներ—մինը էապէս ռազմիկ ու յափշտակող, միւսը՝ խաղաղ, աշխատասէր և աշխարհաշէն։ Մինը կործանում է, միւսը շտկում։ մինը թարգման է վայրենութեան, միւսը թարգման է քաղաքակրթութեան։

Եւ մենք տեսնում ենք բազում դարերից ի վեր այդ երկու հակամարտ բնազդների չարաշուք ու յաւիտեանական խաղը, տեսնում ենք երկու թշնամի հոսանքների անդուլ բազխումները մեր դժբախտ հօրիզոններում... Մի կողմից՝ նօմադ և պատերազմիկ ցեղերի արշաւն է, որ գնում է ամենուրեք թափով ու շառաչով, աւերելով քաղաքներ, փճացնելով արդիւնագործութիւնն ու առեւտուր և ջնջելով մարդկային անհամար կեանքեր. միւս կողմից՝ դրա հետ զուգակցաբար—մի զարմանալի և հրաշագործ համբերողութեամբ ու տոկունութեամբ—ընթանում էր խաղաղ նստակեաց համայնքի մըջունային աշխատանքը, նրա համեստ, քրթնաջան և շինարար ճիգը, որ շտկում էր յաւերժօրէն առաջինների աւերածը, վերակենդանացնում էր հողը իր անխոնջ գութանով ու արօրով, վերաշինում էր քաղաքները իր հմուտ ծարտարարեւստով և իր խաղաղ ու լռիկ առեւտրական կարաւաններով...

Գ ու թ ա ն և կ ա ռ աւ ա ն—երկու հզօր խթաններն են հայկական քաղաքակրթութեան, երկու ցայտուն ու պերճախօս յայտարարները ցեղի յամառ, ստեղծագործող և անպարտելի բնազդի:

Նրանք են, որ մացրել են աշխատանքի լայն բաժանում հայկեան համայնքի մէջ—որպիսին մենք չգտանք օսմանեան ու այլ թաթարական զանգաւածներում—նրանք են, որ հնուց շերտաւորել են համայնքը դասակարգային բեղմնաւոր անջրպետներով և նետել են հայ ցեղը բարդ, այլատարր, քաղաքակիրթ հասարակութիւնների շարքը, զատելով այն՝ իրեն չըջապատող պարզ, համատարր և հօրդային զանգաւածներից:

Երկրագործութիւնը, հողի մշակոյթը (culture), այնքան նուրբ թելերով է հիւսւած քաղաքակրթութեան էութեան հետ, որ առաջագէտ ազգերի լեզուների մէջ երկու բառերը գրեթէ հոմանիշ են, սինօնիս: Երկրագործութիւնը, մարդկային օգտակար գործունէութեան ամենահին և ամենագլխաւոր ճիւղերից մինը, այն աստիճան կարեւոր, ծանրակշիռ է, այն աստիճան սուրբ ու նւիրական, որ հնագոյն աւանդութիւնները տալիս են նրան աստուածային ծագում... Որովհետեւ հողի մէջ է, որ մարդկութիւնը գտնում է աղբիւրն իսկ իր գոյութեան. որովհետեւ հողն է, որ մատակարարում է ազգերի սնունդի ու կենցաղի համար առաջնագոյն անհրաժեշտութեան պէտքերը. հողն է, որ դարձնում, կերպարանափոխում է անօրգան զանգաւածները ստեղծելով նրանցից—մարդկութեան ու անասնութեան համար—օրգանաւոր կենդանի նիւթեր, կրկնապատկելով ու բազմապատկելով անդադար. որովհետեւ, վերջուպէս, հողի մշակութեամբ է, որ մի ցեղ դառնում է նստակեաց, ըստեղծում է աստիճանաբար Հայրենիք:

Ահա թէ ինչու երկրի մշակոյթը դասւում է սովոր-

աբար այնքան բարձր ու պատաւաւոր աստիճանի վրայ, աւելի բարձր, քան շատ ուրիշ արեւստներ, աւելի բարձր, քան մարդկային աշխատանքի զարգացման մի բանի այլ հանգրւանները—խաշնարածութիւն, որսորդութիւն և այլն:

Մի նւիրական արեւստ, որ ձեռք է բերել հսկայական ճիգերով, անդուլ, յարաճուն աշխատասիրութեամբ, շարունակական դիտողութիւններով ու գիւտերով, որոնք փոխանցել են ցեղի մէջ սերնդէ-սերունդ, կազմելով նրա մեծագոյն արժէքներից, ստացւածքներից մինը:

Մինչդեռ տիրապետող իսլամական ցեղերը—թիւրքը, քիւրդը—դեռ այսօր ևս տակաւին զանգաւածօրէն չեն վարժւած, ընտելացած այդ թանկագին, անհրաժեշտագոյն արեւստին, հայութիւնը մղել է այն՝ անյիշատակ դարերից ի վեր: Հայկական երկրագործութիւնը, ինչպէս և հայկական առեւտուրը, կորչում են հնութեան գիշերի մէջ...

Տարաբախտաբար, մեր պատմագիրները շատ ժլատ են տեղեկութիւններով Հայաստանի երկրագործութեան վիճակի մասին, սակայն, կցկտուր վկայութիւններն էլ բաւական են հաւաստելու, որ աշխատանքի այդ ճիւղը աւանդօրէն յարգւած է եղել մեր ցեղի մէջ, որ հայութիւնը եղել է էապէս երկրագործ մի ժողովուրդ: Դեռ իսրեւն արեւելքին վկայում է—փոքր ինչ թերեւս չափազանցնելով—որ հայոց Արտաշէս թագաւորի օրով չէր կարելի գտնել անմշակ հողեր, ոչ դաշտային և ոչ լեռնային մասերում:

... Ի ժամանակս Արտաշէսի՝ ոչ գտանել երկիր անգործ յաշխարհիս Հայոց, ոչ լեռնային և ոչ դաշտային *)...

Պարսի նահանգում—ասում է Սիմ. Զաւարեան իր գիտական աշխատութեան մէջ—Բէշ-Քիլիսէի վանքի մօտիկ ժայռի վրայ եւ գիտեցի 1894-ին հացահատիկներ ծծծելու մի գործիք, 12—14 սաժէն տրամագծով, շինւած կոկ, տաշւած բարի լաստերից, որ պահպանւում է XIII—XIV դարից ի վեր և որ պարզ վկայում է, թէ որքան խորունկ ուշադրութիւն է ընծայել երբեմն հայ ազգաբնակչութիւնը՝ երկրագործութեան: Տարակոյս չկայ, որ այժմեան հայերի նախնիքների երկրագործական արեւստը չէր կարող ժառանգաբար չփոխանցել նրանց՝ մի բանի յատուկ գծեր, յատուկ բնազդ, ընդունակութիւն այդ տեսակի արդիւնագործութեան համար **)

Նոյն խորենացին հաւաստում է, որ «մերոնք յաճախ պտոյտներ էին գործում յունական (Միջերկրական) և կասպից ծովերի շուրջը»... անտարակոյս առեւտրական նպատակներով: Նոյնը վկայում է Ստրաբօն, վկայում են և շատ ուրիշ յոյն ու հռոմայեցի գրողներու Հայաստանը եղել է առեւտրական յարաբերութիւնների մի

*) Հրատ. Ամստերդամ 1695 թ.

**) Ս. Զաւարեան. Գիւղատնտեսութեան հետազոտութեան փորձ Երևանի և Ղարսի շրջանում (Երևան) 1899 թ. էջ 241.

տեսակ կենտրոն Արևելքի և Արևմուտքի միջև: Հերո-
գոտի ասելով, հայերը շինում էին նաև երևալով յոդում
Եփրատի վրայից:

Հայերը օգտուում էին այդ երկու գետերից (Եփրատ և
և Տիգրիս), պարսիկների հետ առևտուր մղելու համար:
Եփրատով նրանք գնում էին Բաբելոն պղնձէ կոլոր և թեթև
նաւերի մէջ... Կասպից ծովը և Պոնտոսը մատակարարում էին
հայերին ապրանքներ, որ նրանք վաճառում էին պարսիկ-
ներին: Այդ ծանապարհով ոչ միայն Հիւսիսի առևտուրն էր
մղում Պարսկաստանի մէջ, այլ և Հնդկաստանին ու Չին-
աստանին, որոնց ապրանքները Օքսուս գետով իջնում էին
դէպի Կասպից ծով, այնտեղից Բոսի վրայով տարւում էին
դէպի Սև ծով, ուսկից նրանք տարածւում էին ամբողջ
Եւրոպայում *):

Երկրագործութեան հետ—առևտուր: Մի այլ կարևոր
ճիւղ մարդկային գործունէութեան, որի հետ կապւած է
ժողովրդական տնտեսութեան մի յատուկ ձև, մի յա-
տուկ կազմակերպութիւն, միանգամայն տարբեր խաշնա-
րած և զինւորական համայնքների տնտեսութիւնից:

Առևտուրը, վաճառականութիւնը, թէև ինքնին չի
արտադրում, արդիւնաբերում, բայց խթանում է ար-
դիւնաբերութիւնը, փոխադրում ու բաշխում է ար-
դիւնքները ժողովուրդների միջև, կատարում է նոյն
դերը, ինչ որ արիւնատար անօթները մարդկային, կեն-
դանական օրգանիզմի մէջ:

Ահագին է, մանաւանդ, նրա ա ն ու զ զ ա կ է զ Ե ր Ը
բաղաբարկութեան տարածման ու առաջխաղացու-
թեան տեսակէտից: Առևտրականն է, որ զարկ է տալիս
ժողովուրդների շփման, նա է, որ միշտ արտահանու-
թեան վայրեր փնտրելով, ծանաչում է իւրաքանչիւրի
պահանջները, կենդանացնում է ազգերի հաղորդակ-
ցութիւնն ու փոխադարձ ծանօթութիւնը և ապրանք-
ների փոխանակութեան հետ առաջ է մղում գաղա-
փարների փոխանակութիւն, մարդկանց և զանգաւածների
շարունակական փոխադրումներ, ներգաղթ ու արա-
գաղթ... Առևտրի հետ կապւած է, վերջապէս, բա-
ղաբն եր ի ծագումը, — և հայոց «բաղաբարկութե-
թիւն» բառը միանգամայն թարգմանում է առևտրի,
վաճառականութեան այդ առաջնակարգ պատմական
կարևորութիւնը, իբրև էապէս կուլտուրաստեղծ, բաղա-
բարկութիւն ազգակի:

Եւ այդ ազգակը մշտնջենապէս շեշտւեց հայ ճակա-
տագրի դարաւոր յեղյոյեղումների մէջ: Նա ունեցաւ
ահագին ներգործութիւն հայոց պատմութեան, հայկա-
կան պրօֆօրէսի և հայ-ազգային ինքնաճանաչու-
թեան վրայ: Առևտրական հակումը, միացած երկրագոր-
ծական, մշակողական բնազդի հետ, վաղուց ի վեր ամ-
րապէս պատաստւեցին հայ արիւնի մէջ, դարձան նրա
նւիրական և անբաժան օտփականութիւն:

Ինչպէս «դարձան»... Ո՞վ է պատասխանողը: Ինչո՞ւ

*) Huet, Histoire du Commerce et de la Navi-
gation des anciens, հրատ. 1716 թ. էջ 52—53:

այդ երկու մեծագործ բնազդները չպատաստւեցին միւս,
դրացի ցեղերի մէջ. և ինչո՞ւ նրանք այնքան զօրեղ
սլացք առան հայութեան մէջ...

Բնական միջավայրն է, որ կուում է ցե-
ղային նկարագիրը—փաստեցինք արդէն նախորդ գլխում:
Բնութիւնն է, մասնաւորապէս կլիման է, Մօն-
տեպիօի, Հերդերի և այլոց հնչական կլիման՝ որ միա-
ցած հողի գծագրութեան, ապրուստի, սնունդի միջոց-
ների հետ, որոշում է մի ցեղի առանձնայատուկ պատ-
կերը: Ո՞ր բնութիւնն է, որ կուել է հայութեան «ցե-
ղային դէմքը», նրա կորովի, բաղաբարկութիւնը, մշակողա-
կան եռանդը... Այժմեա՞ն է արդեօք, թէ նախկինը,—
ա՞յն, որի մէջ ապրել է ցեղը երկար դարեր, նախ բան
իր չուն դէպի Հայաստան...

Հասարակական պրօգրէսը (յառաջխաղացութիւն),
ինչպէս ամեն բան բնութեան մէջ, ընթանում է նւա-
զագոյն դիմադրութեան ծանապարհով. և այդ օրէնքի
զօրութեամբ, բաղաբարկութիւնը ծրում ու զարգա-
նում է սովորաբար այն երկրներում, այն բնական միջա-
վայրերում, ուր աշխատելու և արտադրելու պայման-
ները համեմատաբար դիւրին են, ուր գ ո յ ու թ ե ա ն
պ ա յ ք ա ր Ը տանելի է, ուր մարդիկ համեմատաբար
սակաւ են ճիգ թափում՝ յաղթահարելու բնութեան
խոչընդոտները և հայթայթելու իրենց նիւթական գո-
յութեան միջոցները:

Հայոց բնութիւնը, Հայաստանի կլիմայական պայման-
ները դժւար են յարմարւում սօցիօլօգիայի այդ հիմ-
նական պահանջներին: Այդ բնութիւնը, այդ կլիման,
այդ վիթխարի ձիւնային և սառցային զանգաւածները, այդ
բաշունչ լեռներն ու խորանդունդ ձորերը, որ կտրա-
տում, բաժանում են երկիրը անթիւ կանտոնների, ձգե-
լով նրանց միջև անանցանելի խրամատներ—թւում է,
թէ այդ բոլորը չէր կարող այն հեռաւոր ժամա-
նակներում նպաստաւորել, խթանել հայոց լեռնադաշտի
ազգաբնակչութեան կուլտուրական ճիգը, բաղաբարկութե-
ան ինիցիատիվը, մշակողական և առևտրական եռանդը:

«Հայկական Ալպերի հսկայ լաբիրինթը — ասում է
մեծ աշխարհագէտ Էլիզէ Ռէկլիւ—որ ձգւում է Բոսի
աւազանից մինչև Սև ծովն ու Բարձր Եփրատը, մինչև
Վանայ լիճն ու պարսկական սահմանները... իր բարձ-
րաբերձ կատարներով, լեռի, չորացած զառիվայրերով,
կիրճերով ու խորխորատներով... մի վայրենի, գրեթէ
սարսափելի տեսք է ընդունում իր մեծութեան մէջ» *):

Ա՛հ, անշուշտ, այդ վիթխարի լեռնադաշտը, ուր թա-
ւալել է հայոց տխուր, մրկածուփ պատմութիւնը ան-
յիշատակ օրերից ի վեր, ուր խաղացել է և մեր ան-
նման, ողբերգական դիւցազնամարտը վերջին բառորդ
դարու ընթացքում—այդ հոյակապ լեռնադաշտը ունի
և իր դիւթիւ հրապոյրները, իր վայրենի և խօլական

* E. Reclus, Asie Antérieure.

գեղեցկութիւնը, իր վեհափառ, հսկայաբերձ գագաթները, իր յստակ, եղբմական ջրերը, իր պայծառ և լայնարձակ հօրիզոնները, որոնք զմայլումի և պաշտամունքի խօսքեր են պոկել օտար ճամբորդների շրթներից, որոնք ստիպում են մի անգլիացի Լինչի՝ հետեւել գովքն արտասանել, Հայաստանի մեծագոյն զաւակներից մէկի—Խրիմեանի դիմագծերը բնորոշելիս.

«Իր դէմքով, կազմաւորով և բնաւորութեամբ, նա անձնաւորումն էր իր երկրի բարձրագագաթ լեռնային զանգւածների, լայնածաւալ հեռապատկերների և վճիռ ու յստակ ջրերի, որոնց ոգին յաւիտենօրէն պիտի թրթռայ բնորոշ և վեհափառ մեղեդիների պէս այն բոլոր ճամբորդների յիշողութեան մէջ, որ պտտել են Հայաստանում»...

Կան ուրիշ հրապօրներ ևս. կայ բերրի, արգասաւոր հողը, որ Վիտալ Կինէի ասելով, բացում է աշխարհի լաւագոյն ցորենը, որ չնայեաժ անտառների բացակայութեան, տալիս է առատօրէն նաև անթիւ ուրիշ բերքեր, 1500—2000 մետր բարձրութեան վրայ,—այդ հողը, որ Քսենոֆոնի և այլոց հիացմունքն է շարժել իր անսովոր բեղունութեամբ... Կան գետերը, ջրառատ, յորդահոս, որ աղբրում են Բարձր Հայքի լեռնադաշտից, ողողելով պատկառելի տարածութիւններ. կայ հարաւային Հայաստանը, նրա մեծագոյն մասը, որ չնայեաժ Պոնտոսեան Ալպերի հսկայական պատնէշին, ենթակայ է անձրևային հոսանքների՝ հոսանքների, որ գալիս են ծովից, ուղղւելով դէպի Սեբաստիոյ լեռնավայրը և հասնելով մինչև Էրզրումի դաշտը՝ կայ այն բարեբախտ հանգամանքը, որ անգամ Վանի շրջակայքում 1400 մետր բարձրութեան վրայ, կարող են բսնել Փրանսիական *Côte d'Asure*-ի սբանջելի պտղները՝ կիտօնը և նարինջը *)... Կան բազմաթիւ այլ բարիքներ ու առաւելութիւններ, — և այնուամենայնիւ, Հայաստանի բնութիւնը ընդհանուր առմամբ չի կարելի դասել քաղաքակրթութեան տեսակետից, «միշտվարային» նպաստաւոր, բարեյաջող կատէգորիայի մէջ:

Ութ ամիս ձմեռ՝ Զիւնը թափւում է հսկայական առատութեամբ և իր թանձր շերտերի տակ ծածկում ամբողջ երկիրը՝ ճամբաները փակւում էին այն վաղեմի ժամանակներում, հաղորդակցութիւնը կտրւում էր: «Կարաւանները յաճախ կորչում էին ձիւնի զանգւածների տակ» — այսպէս են վկայում 17-րդ դարում Հայաստան պտտող տուրիստները: Զիւնը թափւում էր այնպիսի քանակութեամբ—ասում է Վիտալ Կինէ—որ Էրզրումի մէջ տունէ-տուն անգամ կտրւում էր հաղորդակցութիւնը: Ջերմաչափը իջնում է մինչև 30 աստիճան զերօից ցած: Զիւնը և բուքը — երբեմն նոյնիսկ յունիս ամսի մէջ: Զիւնը անսել են Էրզրումի մէջ—անգամ յուլիսին—յարում է Էլիզէ Ռեկլիւ...

*) E. Reclus, *Asie Antérieure*.

«Գարուն չկայ այնտեղ, աւելացնում է աշխարհահռչակ գիտնականը. կան կլիմայի ծայր-բևեռներ, մերթ կատաղի սառնամանիք, մերթ կիզիչ, տրօպիկական շոգ... և Թիւրքաց Հայաստանի ազգաբնակչութիւնը մասնաւորապէս շատ է տառապել այդ սոսկալի կլիմայական ծայրայեղութիւններից...

Այդ բոլորը կայ, եղել է միշտ Եւ սակայն... Ճիգը չի մարել այդ բնութեան զարմանալի բնակիչների մէջ, ընդհակառակը. յամառ ու տոկուն աշխատասիրութեամբ՝ ցեղը մշտապէս հակադրել է իր զարհուրելի միջավայրի տարկանոնութիւնների դէմ: Նա ցոյց է տւել յարմարումի (*adaptation*) մի արտակարգ կարողութիւն: Մերկ, սառնաշունչ բնութիւնը մէկէն ի մէկ, ճակատագրապէս չի դժբախտացնում մարդկային ցեղերը, ինչպէս որ ձոխ, փարթամ բնութիւնն էլ միանգամայն չի երջանկացնում նրանց: Օրինակը տեսանք արդէն նախորդ գլխում: Շարունակական և բեղմնաւոր ճիգերով հայութիւնը աղողել է գէթ մասամբ յաղթահարել բնութեան այդ խոչըն ու սարսափները, աղողել է իր անառիկ, անանցանելի լեռներում իսկ՝ մի յայտնի մղումն տալ քաղաքակրթութեան գործին: Նրա դաշտերը չորացել են երաշտից—նա առուներ է փոխադրել հեռաւոր վայրերից հազար ու մի դժւարութիւններով և ջրել է, արգասաւորել: Նրա կարաւանները թաղւել են ձիւնի ու բուրանների մէջ — նա վերստին և անվհատ նորերն է կազմակերպել ու նետել ձիւնապատ անգունների վրայից դէպի Պարսկաստան ու Միջերկրական: Եւ այդ բոլորը ի՞նչ ահաւոր ռիսկերով, ի՞նչ սոսկալի քաղաքական ռէժիմների տակ, ի՞նչ դաժան անապահովութեան պայմաններում... Բնութիւնը և բռնութիւնը սեղմել են, կաշկանդել նրա թափը, բայց նրա յամառ, բրտնաջան աշխատանքը ի վերջոյ յաղթող է հանդիսացել:

Բնութիւնը և աշխատանք... Թերևս սխալ էր լինի ասել, որ մէկի շնորհիւ (գլխաւորապէս) հայ ցեղը ապրել է, յարատւել, միւսի շնորհիւ քաղաքակրթւել է ու առաջագիմել: Ո՞վ գիտէ... Զինէր հայկական բքաշունչ լեռնաստանը, չլինէր այդ վիթխարի ու անառիկ «Լեռ-Վղդին» — ինչպէս անւանում է մի այլ մեծանուն աշխարհագետ, Կարլ Ռիտտեր—գուցէ Հայաստանն էլ վաղուց արդէն փոշիանար, իբրև ազգ ու հայրենիք, ինչպէս որ փոշիացել են ուրիշ, հասակակից աւելի ևս քաղաքակիրթ ժողովուրդներ, որոնք մի մի հսկաների պէս անյիշատակ հնութեան մէջ հաստատւել էին ոչ հեռու նրա սահմաններից և իրենց շքեղ քաղաքակրթութեամբ շլացրել էին աշխարհը... Բարեւոյն, Ասորեստան, Ֆիլիսիկա և այլն:

Կարլ Ռիտտեր առանձնապէս շեշտում է, որ ամենահին ժամանակից ի վեր հայ ցեղը, դուած լինելով անդուր արշաւանքների թատերաժայրում, կարողացել է

այնուամենայնիւ պահպանել իր ազգութիւնը... Եւ բացարձակ է այդ հանգամանքը երկրի գիրքով: Պէտք է կանապէս պաշտպանած հայ երկիրը—ասում է նա— իր հարկւրաւոր բարձրագոյն հովիտներով... ապաստան է եղել շատ հալածեալների*...)

Այո, այդ ահաւոր բնութիւնը, որ իր անբաւ հարբստութիւններով և աշխարհագրական իր դիրքով Արեւելքի և Արեւմուտքի միջև, հրապուրել է միշտ թշնամիների բնաջնջող հորդանքերը, որ իր դաժան կլիմայով, իր անհամբուր պատկերով, աշխատանքի ու վաստակի իր զբաւարին պայմաններով, միացած քաղաքական անտանքի հանգամանքներին, դարեր շարունակ խորթ մօր պէս քշել է իր սահմաններից իր հարազատ զաւակներին, որոնք գնացել, բռն են դրել աշխարհի չորս կողմերում, ստանալով հրէութեան պէս թափառական ցեղի հրդեհակ—այդ աղետաւոր բնութիւնը, միւս կողմից, պայման է եղել ցեղի անսահման ֆիզիկական յարատեւութեան, նա պահպանել է ազգութեան կորիզը, սուբստանցը, Երբ նա փորձել է դիմագրել թշնամու յորձանքներին, մրցման մանել նրանց հետ, նրան կորուստով յետ են քշել, բայց չեն կարողացել բնաջնջ անել կամ յետ մղել, որովհետեւ նա միշտ ամուր ապաստան է գտել իր անառիկ լեռնավայրում... Հայոց ձմեռը, ասում են պատմագիրները, յաճախ է սարսափեցրել և նահանջի հարկադրել աշխարհակալող թշնամիներին:

Այլ դրական հանգամանք: Գտնելով հաղորդակցութեան մեծ ճամբու վրայ, Արեւելքի և Արեւմուտքի միջև, հայ երկիրը եղել է միշտ շարժման, փոխադրութեան թատերավայր ոչ միայն զրահապատ ու գիշատիչ լէգէօնների համար, այլ և ապրանքների՝ որոնք շարժւել են Ասորեստանից, Պարսկաստանից, արդիւնաբերութեան այլ վայրերից գէպի Սև ծով և այնտեղից գէպի Արեւմուտք... Շարժւել են Հայաստանի վրայով ապրանքների հետ՝ և մաքերը, գաղափարները, շարժւել է, կարող ենք ասենք, ամբողջ հնադարեան կուլտուրան, քաղաքակրթութիւնը... Եթէ Հայաստանը փաւած չը լինէր հին աշխարհի միջազգային հաղորդակցութեան այդ մեծ ճամբու վրայ, դժւար թէ նա ունենար արդէն երրորդ, չորրորդ դարում՝ պատկառելի քաղաքակրթութիւն. հայ տարրը դժւար թէ կարողանար ստանձնել որեւէ կուլտուրական նախաձեռնութիւն և Մեսրոբների ու Սահակների, Եղիշէների ու Եզնիկների հայրենիքը դժւար թէ կազմակերպէր...

Քանի՜ դարեր Միջերկրական ծովի առևտրի ամենախոշոր զարկերակն էր, հաղորդակցութեան մեծ ուղին արևմտեան, արևելեան և հարաւային ազգերի համար: Արեւմուտքից, մշակած ապրանքները հասնում էին ասիական եզերքներին, ապա այնտեղից շարունակւում էին կարաւանային գծերով Կովկասի, Հայաստանի վրայով գէպի Պարսից ծոց, Հնդկաստան ու Չինաստան: Միջին դարերում, ասում է Ռեկլիւ, ջնսովացի վաճառականները անցնում էին Սև ծովի եզերքներէ, մանում էին Անդրկովկասի խորքերը, հասնում էին մինչև Կասպից ծով: Եւ միաժամանակ եւրոպացի ճամբորդները, մասնաւորապէս իտալացիք, երթեկուծւում էին Փոքր Ասիոյ գծերով:

Այդպիսով բնութեան արհաւիրակ և ընդհանրապէս աննպաստ պայմանների հանդէպ—պրօգրէսի ու քաղաքակրթութեան տեսակետից—մի անգնահատելի հատուցումն էր երկրի աշխարհագրական դիրքը... Հայ ժողովուրդը, Հայաստանը, դեռ հին դարերում գտնւելով կարաւանային զարկերակ-ճանապարհի վրայ, ծառայելով իբրեւ մի տեսակ միջերանց, ուսկից անցել են հին աշխարհի ապրանքային հարստութիւնները, ինքն ևս նետւել է, իբրեւ գործօն, հրահրող, արգասաւոր մի ազդակ, այդ նւթական և միանգամայն իդէական շարժման յորձանքի մէջ: Եւ յանձին իր զանգաւածային ընդհանրութեան՝ նա անձնատուել է երկրագործական աշխատանքներին, փարել է մի սրբազան աւիւնով ու գործով իր մաճին ու արօրին, իր նւիրական, թէկուզ և յաճախ ողբալի, տնտեսութեան շուրջը, իսկ ի դէմս իր խիզախ ու ձեռնարկու փորրամասնութեան՝ գրկել է առևտրի և արկածալի թափառումների ցուպը, դարձել է ժամանակի ընթացքում այն կարևոր և ազդեցիկ ուժը, որին աշխարհը տւել է մի նախաձեռնի, պատաւոր տիտղոս—«միջնորդ Ասիոյ և Եւրոպայի միջև»...

Ծանր էր այդ ցուպը, սարսափելի արհաւիրքների միջից էր նա հարթում ճանապարհը, բայց քաղաքակրթութեան դրօշակակիր կարաւանը ընթանում էր անխռով և անվհատ, հայ վաճառականի առաջնորդութեամբ, չէզոքացնելով—կրաւորական, համբերատար դիմադրութեամբ—թէ բնութեան և թէ մարդկանց անհաշիւ խոչընդոտները... Քայլում էր «ռայեան», հաւածական և տրորած ամենուրեք, հանդիպելով շարունակ հարածներ ու անարգանքներ, բայց «կլլելով» ու ու մարտնչելով անմուռն, ստրկային համակերպութեամբ:

Չափազանց բնորոշ են ծօրերի այս խօսքերը, որ Վերաբերում են միջնադարեան հայ վաճառականների մասնութեան ու բարոյականին:

Նրանք տանում են ամենուրեք կարգի ու հնազանդութեան մի ոգի, որը սովորաբար տալիս է նրանց վարկ ու հարստութիւն: Առաջին համարելով հոգսերը, յոգնութիւնը և անգամ ստրկացումն ու նախատինքը (*humiliation et outrage*), նրանք հաւաքում են պատկառելի հարստութիւններ, ուռանց մտածելու ամեն տեսակ վտանգների մասին, որոնք նրանց պաշարում են այդ երկիրներում*...)

Այո՛—գերազանցապէս «յարմարուող» մի ցեղ... Գոյութեան կուրի մէջ յարմարւողներն ու յարատեղները անպատճառ միայն ճիրանաւոր գիշատիչները չեն: Բնութիւնը ամենուրեք չի դատապարտել

*) Carl Ritter, *Erdkunde*, X հատ. էջ 584:

*) Jaubert, *Voyage en Arménie*, էջ 110:

ոչ ու ազմասէր ժողովուրդներին՝ նայեած միջավայրին՝ նա զարգացրել է որոշ, խաղաղ համայնքների մէջ, բռնակալական ազդեցութիւններով շրջապատւած ժողովուրդների — հայերի, հրէաների մէջ — ուրիշ կարգի բնահասկումներ, սրել է նրանց միտքն ու հոռառութիւնը, զարգացրել է նրանց մէջ հնարագիտութիւն, խորամանկութիւն, յամուռ ու կուռ դիմացկունութիւն, զարգացրել է, մի խօսքով «յարմարելու» այլազան բնազդներն ու ընդունակութիւնները... Բնազդներ և ընդունակութիւններ՝ որոնք, աւա՛ղ, միշտ չեն ուղղւել դէպի ազնիւը, դէպի բարձրն ու առաքինին, այլ յաճախ ստորացրել են ցեղը, կաշկանդելով, անգամալուծելով դրական, ազնիւ մղումները, արծարծելով տիրապաշտութեան, ստրկամտութեան, մարդկային անարգ սերմիւնի յատկութիւնները, որոնց մասին ակնարկեցինք Բայրընի բերնով մեր առաջին յօդւածի մէջ և որոնք այնքան դանդաղութեամբ ու դժուարութեամբ են արմատախլոււմ, տարաբախտաբար, այդ ցեղերի գիտակցութիւնից...

Որքա՛ն դժուար է դատապարտողի և խարանդի դեր ստանձնել հանդէպ այդ բացասական յատկանիշների, այդ արատաւոր բնազդների, որ հայութիւնը վաստակել է իր պատմութեան երկարատե ու դժոխային պրօցէսի մէջ... Ինչպէս անհատի, այնպէս և ցեղի այս կամ այն յատկութիւնը՝ պէտք է քննադատել և գնահատել, կանգնելով այն ժամանակի տեսակէտի վրայ, ի նկատի առնելով այն դարերի ոգին ու բնոյթը, երբ առաջացել են այդ յատկութիւնները — մի տեսակ երկաթէ, ճակատագրական անհրաժեշտութեամբ...

Այդ մօտայն ու երկարաձիգ դարերի ընթացքում, փոքրիկ ցեղը արել է այն՝ ինչ որ արել են և կ'անեն միշտ բոլոր թոյլ ու իմացական համայնքները բռնակալութեան անագորոյն խարազանի տակ. գիտակցելով իր անել, հոգեվարքային վիճակը, չունենալով ոչ մի տեղից փրկութեան գրաւական, յուսոյ նշոյլ՝ նա խոնարհութեամբ ձկնել է պարանոցը, քայլել է կորագլուխ ու անմուռնչ՝ հալածանքների ու անարգանքներից միջից, քայլել է, առանց իրեն հաշիւ տալու, դէպի աւելի բարձր հանգրւաններ, դէպի աւելի յուսալի ժամանակներ, երբ ըմբոստացումի կայծերը պէտք է ցայտէին ազգային ինքնագիտակցութեան մեծ վառարանից...

Ցեղը «ապրել է»... Բացասական հակումներով բեռնաւորած՝ նա կարողացել է բարձր տալ իր գոյութիւնը ժամանակի խօլ արկածների միջից. նա ապրել է... Եւ ապրելու այդ տիրական և անողոք հրամայականի, պոստուլատի առջև՝ յաճախ նսեմանում է — հաւաքական մարմինների, ազգերի աչքում — ամեն ուրիշ մտահոգութիւն... Եւս առաւել՝ որ բարոյականութիւնը հանդիսանում է առաձգական մի հասկացողութիւն, որ նրա պահանջները տարբեր են եղել հասարակական զար-

գացման տարբեր աստիճանների վրայ, որ այն պատմական հեռաւոր ժամանակներում բարոյական է համարւել ամեն բան, որ նպաստել է ցեղի պահպանման և ամեն բան, որ արգելք է եղել նրա բնաջնջման *)

Ձը մոռանա՞նք և այն՝ որ որոշ յատկութիւններ հանդիսանում են յաճախ մի տեսակ երկսայրի սրեր, որ բացասական ժամանակի ու տարածութեան ուրիշ ծայրերում՝ զարնւում է յաճախ, իր հակոռակայի, դրականի մէջ... Այդպէս, օրինակ, ծայրայեղ համբերատարութիւնը բռնակալական-փաշայական ուժի մի հանդէպ, դարաւոր ու անմուռնչ համակերպումը մտրակի ու կախաղանի հարւածների տակ՝ մի կողմից մեղկացրել և ստրկացրել է հայութեան լայն զանգւածները, որոնք մինչև օրս էլ վերջնականապէս չ'են թօթափել այդ ստրկական մղձաւանջը. բայց միւս կողմից, նոյն չարաբաստիկ յատկութիւնների մէջ կու եւ կ'ոփւել են այդ զանգւածները, վաստակել են պաղ, անխուով, սոսոյիկեան անտարբերութեան այն ջիղը, որով ազգը արհամարհել է ճակատագրի անօրինակ փորձութիւնները և իր ծով տառապանքի միջից՝ միշտ յուսաւառ, նշմարել է բնազդօրէն գալոց փրկութեան արշալոյսները...

Ի՞նչ փոյթ, թէ հայ առեւտրականը հին ու միջին դարերի մէջ արծարծել է ամեն տեսակ արատներ, կեղծիք, վաշխառութիւն, սարրաֆութիւն ու անսանձ շահագործումներ — որոնք այսօր էլ տակաւին ծանրացած են անէծքի պէս ցեղի հոգւոյ վրայ... Առեւտրական այնուամենայնիւ, հանդիսացել է ասիական խորշերի մէջ բաջ ու անխոնջ. նա խաւարապետը եւրոպական բաղադրակրթութեան:

Տեսէ՛ք թէ ինչպիսի ոգեւորութեամբ է խօսում 17-րդ դարու ճամբորդը — հռչակաւոր Պիտոն դը Տուրնը ֆօր — կուլտուրայի այդ անվկանդ ռասիկիւրանների և ամբողջ ցեղի մասին... Նայեա՞ծ որ էջմիածինը սաստիկ վշտացրել էր նրան՝ իր ժլատ և գձուճ հիւրընկալութեամբ.

Հայերը աշխարհի լուսագոյն մարդիկն են, ազնիւ, քաղա-

*) Հայ պահպանողականները չեն կարող կարգաւ այս տողերի մեջ արգարացումը իրենց վաղեմի հակայեղափոխական քարոզչութեան, Նուրեանների և Ալեքեանների բռնած տակտիկի «Ազգային պահպանութեան» գաղափարն էլ առաձգական է... Հայ յեղափոխականի համար ևս ազգի պահպանումը — միջազգային համերաշխութեան դաւանանքով միասին — գերազոյն հրամայականն է. Միայն թէ... նա ձգտել է միշտ պահպանել ազգը, աստիճանաբար բարձրացնելով, ազնւացնելով այն. Հակայեղափոխականների գեղեցիկ քարոզ, ուղիքանահաճոյ քաղաքականութիւնը 19-րդ դարի վերջերում՝ ազգապահպան չէր, այլ ազգակործան. նա տանում էր դէպի վերջնական այլասեռումն, բնաւ չ'ապահովելով հանդերձ ժողովուրդը ֆիզիկական բնաջնջումից — ինչպէս բազմիցս փաստւած է յեղափոխական գրականութեան մէջ:

քաղաքի և չափազանց ողջամիտ Ես նրանց երջանիկ կը համարէի զէնքի անվարժ լինելու համար, եթէ անհրաժեշտ չլինէր երբեմնապէս զէնք գործածել. որովհետեւ զա միակ միջոցն է խուսափելու մարդկանց անգթութիւնից...

Հայերը միմիայն իրենց առևտրով են զբաղւած և նւիրւում են նրան այն բոլոր ուշադրութեամբ՝ որին ընդունակ են։ Ոչ միայն նրանք տէր են Արևելքի առևտրի, այլ և մեծ մասնակցութիւն ունին եւրոպական ամենամեծ քաղաքների առևտրական յարաբերութիւնների մէջ։ Նրանք գալիս են Պորսկաստանից մինչև Լիվորնո։ Շատ ժամանակ չէ, որ նրանք հաստատուել են և Մարսէլի մէջ. իսկ քանի՞ր կան չօլլանդիայում և Անգլիայում։ Նրանք անցնում են և մօտ-գօյների մօտ, դէպի Սիւս, Ջափա, ամբողջ Արևելք, բացի Չինաստանից, Զուլֆան — հայ վաճառականների կենտրոնատեղին...

Պատմենք Տուրնեֆորի խօսքերով իսկ՝ Շահ-Աբբասի և հայերի փոխադարձաբար արած նշանաւոր ծառայութիւնները.

Կամենայով հարստացնել իր պետութիւնը և համադրած, որ այդ կարելի է անել միայն առևտրով, նա ուղղեց իր ուշադրութիւնը մեծ աւարտի վրայ — որպէս ամենաթանկ ապրանքի — քանի որ իր միւս հպատակները շատ քիչ ձեռք ունէին առևտրի մէջ, նա գրաւեց հայերին։ Աւելինների պարզ ու չափաւոր կենսւթը, խնայողութիւնը, շիտակութիւնը, ձեռնարկելու ուժը, մեծ ծամբողջութիւններ տանելու կարողութիւնները, — այդ բոլորը միանգամայն յարմար էր դարձնում հայերին՝ առևտուր մղելու համար... Իսկ նրանց քրիստոնեայ լինելը՝ դիւրացնում էր նրանց յարաբերութիւնը Եւրոպայի բոլոր ազգերի հետ... Մի խօսքով, երկրագործ վիճակից՝ հայերին նա դարձրեց (Շահ-Աբբասը) վաճառականներ — և նրանք դարձան երկրագործ աճեցնող և առևտրականներ (et ces marchands sont devenus les plus celebres commercants de la Terre)... Արևելքի բոլոր ապրանքները յայտնի եղան Արևմուտքում, և արևմտեան արդիւնքները նոր զարդ եղան Արևելքի համար։

Այն տեսակ գործ ա կ ա լ ն եր ուղեկցում էին կարաւաններին դէպի հեռու երկիրներ. նրանք ևս հայեր էին...

Աշխատեն իրենց համար, կամ աշխատեն Զուլֆայի վաճառականների համար — նրանք, այդ գործակալները, անխնայ են ծամբողջութեան մէջ, արհամարհում են եղանակների խստութիւնները։ Մենք տեսել ենք նրանցից շատերին և ամենահարուստներին, թէ ինչպէս ոտքով անցնում էին մեծ գետերը, մինչև վիզը խրւած ջրի մէջ, որպէս զի վեր բարձրացնէին ընկած ձիաներին և ազատէին իրենց մետաքսի հակերը կամ թէ իրենց բարեկամներին։ Որովհետեւ, թիւրք սալապանները շատ էլ չեն հօգուտ իրենց կրած ապրանքների մասին և ոչ մի պատասխանատուութիւն չեն ստանձնում... Գետերն անցնելու միջոցին, հայերը ոտքով ուղեկցում են իրենց ձիերին և չափազանց հրահանգիչ է տեսնել, թէ որպիսի գթութեամբ օգնում են նրանք փոխադարձաբար, կարաւանների մէջ, օգնում են և ուրիշ ազգերի ուղևորներին... *)...

Մի այլ տեղ Տուրնեֆոր, խօսելով Թիֆլիսի մասին.

Երկրի, ինչպէս նաև Շամախի ու Գանջայի մետաքսը չի անցնում Թիֆլիսով... Հայերը գնում են առնելու տեղն ու տեղը և փոխադրում են Զմիւռնիա կամ Միջերկրականի այլ նաւահանգիստներ, Ֆրանկներին (եւրոպացոյ) վաճառելու համար... Այն տարի շրջում են աւելի քան 2000 ուղտի բեռ, Թիֆլիսի շրջակայքից և մնացած Արաստանից — դէպի Երզրում, ուսկից փոխադրւում է դէպի Դիարբէկիր... **, և այլն **).

*) Tournefort, Relation d'un voyage au Levant, 1730 թ. II հատ. էջ 389—393.

**) Նոյն հատորը, էջ 315.

Մի այլ տեղ, վերջապէս, նշանաւոր գիտնական-ճամբորդը, նկարագրում է հիացմունքով Երևանի և դաշտի մշակութիւնը հայերի ձեռքով.

Երևանը, պարսկական Հայաստանի մայրաքաղաքը, լեցուն է խաղողի և այլ այգիներով. մարգագետինները խճողւած են պտղատու ծառերով և խաղողով... չնայեա՞ծ որ ցրտի պատճառով վերջինի մշակութիւնն ու զարգացումը հանդիպում է ահագին դժարութիւնների... Դաշտը սոռգւած է գեղեցիկ աղբիւրներով և գիւղական տները գրեթէ նոյնքան բազմաթիւ են, ինչպէս Մարսէլի շրջակայքում։ Լաւագոյն հողերը ծածկւած են հացահատիկներով, բամբակով, բրինձով. վերջինը փոխադրւում է գլխաւորապէս Երզրում...

Մի ուրիշ շատ հին ճանապարհորդ, միսիոնար Վիլլետ, որ ուղևորւել է դէպի Թիւրքիա և Հայաստան 1668 թւին, հետեւեալն է գրում.

Առևտուրը, գլխաւորապէս մետաքսի առևտուրը մղւում է կարաւաններով դէպի Զմիւռնիա, այնտեղից դէպի Հալէպ, ապա դէպի Levant, ուսկից՝ դէպի Եւրոպա։ Հայ խաչոր վաճառականները դարձրել են մետաքսը իրենց առևտրի մեծագոյն բաժիններից միւսը։ Կան, որ ամբողջ կարաւաններ են բարձում՝ մետաքսի հակերով *).

Այդ միսիոնարի վկայութեամբ՝ կային միլիոնատերեր՝ հայ վաճառականների մէջ։

Միւս հինաւուրց ճանապարհորդը, Ամէդէ Ժօրբեր նոյնպէս հիացմունքով է խօսում վաղեմի հայերի մշակողական և առևտրական ընդունակութիւնների մասին. նա նկարագրում է Վանի շրջակայքը...

Դաշտը պատած է այգիներով, ուր բարձրանում են գեղեցիկ վրաններ։ Չկայ ոչինչ աւելի կախարդիչ, քան այդ մրգատանների տեսարանը, սոռգւած անհաշիւ առուներով և շրջապատւած պարիսպներով.

Առևտուրը մղւում է լճի վրայով, կարաւանները գնում են Բաղդադից, Մոսուլից, Մարդինից և Դիարբէկիրից դէպի Թիֆլիս և հիւսիսային Պարսկաստանը...

Հայերը ցոյց են տալիս մեծ խելք և ազնւութիւն առևտրի մէջ. ինչպէս յոյները եւրոպական թիւրքերի մէջ, նրանք իրենց ձեռքն են առած բոլոր հանրային եկամուտների գանձումները ասիական թիւրքերից... Նրանք տարածւած են Ասիայի գրեթէ ամբողջ մասերէն մինչև վրայ, ուր ժողովուրդ են պատկառելի հարստութիւններ **).

Կարլ Ռիտտեր, խօսելով Հնդկաստանի հինաւուրց գաղութների մասին, յիշատակում է և հայերին.

Հայերը մտել ու հաստատուել են Գեկանի մէջ, իրրև առևտրականներ. նրանք շարունակական յարաբերութեան մէջ են հրէաների և սիրիական քրիստոնեաների հետ։

Տիբետի Սիննինգ քաղաքի մէջ, 18-րդ դարի սկզբում եղել են հայ մուշտակավաճառներ... Լամա գերդաստանի հովանաւորութեան տակ՝ այլ և այլ համայնքներ գտնւում էին խաղաղ հաղորդակցութեան մէջ... Հ. Ռէգիս գտել է Տօպա վաճառանոցում 2ինաստանի և արտասահմանի բոլոր ապրանքները... Առևտրականների մէջ, այդտեղ, նա գտել է նաև հայ կաթօլիկներ, որոնք ունեցել են մի վաճառատուն ամենագեղեցիկ մուշտակներով **).

Հարիւր տարի առաջ — ասում է Ռիտտեր — Արևելքի

*) Villette, Voyage d'un missionnaire en Turquie, en Arménie. Հրատ. 1730 թ. էջ 531.

**) A. Jaubert, Voyage en Arménie et en Perse, 1807 թ. էջ 110, 138.

***) C. Ritter, Die Erdkunde, t. 2, էջ 177.

քաջածանօթ մէկը, ֆրանսիացի *De la Croix* այսպէս էր ներկայացնում իր տեսած՝ Պօլսի և առաջաւոր Ասիոյ հայերին.

Նրանք շատ խելացի ու հասկացող են, ժուժկալ, խաղաղասէր, քաղցրաբարոյ, շատ աշխատասէր, տնտեսող և անխոնջ: Առեւտրի մէջ այնքան խելօք են, որ հրէաներին անգամ կը գերազանցեն: Պօլսից և Զմիւռնիայից մինչև արևմտեան Եւրոպայի ամենահեռաւոր ծայրերը՝ նրանք ամենուրեք տանում են իրենց արժէքաւոր ապրանքները և ծախում են մի այնպիսի փորձամանկութեամբ, որ գրեթէ անհնարին է չխաբւել նրանցից *):

Նոյն ձևով է նկարագրում մի ուրիշ արևելագետ.

Հայերը սովորում են թիւրք լեզուն աւելի կատարելութեամբ, քան որեւէ այլ ժողովուրդ: Նանասիրութիւն, գիմացկանութիւն, չափաւորութիւն — հայկական բնասիրութեան գծերն են: Բայց գրա հետ կայ և կուտութիւն, անձաշակութիւն և այլն:

Նման գնահատութիւն անում է և Շարդէն **): Դրական գծերի հետ նա յիշատակում է մասնաւորապէս հայ հարուստների ստրկամտութիւնը, խաբէութիւնները, չլու սպասաւորութիւնը փաշաների հանդէպ և այլն:

Արգելքները — անհամար: Չնայեած առատ կաշառքներին և ընծաներին, որոնցով հայ առևտրականը ձգտել է միշտ սիրաշահել փաշաների ու վալիների սիրտը—նա, այնուամենայնիւ, եղել է միշտ կաշկանդւած իր շարժումների մէջ: Կաշկանդւած—անգամ Պօլսում, Եւրոպայի գրան մօտ: Թւում է թէ Պերայի մէջ միայն նրանք վայելել են մի յայտնի ապահովութիւն:

Հարուստ հայերը, ասում է Օլիվիէ, եկան հաստատուեցին Պերայի թաղում, որպէս զի աւելի սակաւ ենթարկւին թիւրքերի կեղեքումներին ու անարգանքներին և որպէս զի մի քիչ աւելի ազատութիւն վայելին եւրոպացիների ներկայութեան շնորհիւ:

Եւ ապա շարունակում է Օլիվիէ (խօսելով եւրոպական թիւրքերի և մասնաւորապէս Պօլսի մասին).

Հայերը ամենքն էլ վաճառական են: Նրանք են, որ մղում են ամենալայն առևտուրը և մղում են ամենամեծ իմացականութեամբ: Նրանք համբերատար են, տնտեսող, անխոնջ: Նրանք ծամբորդում են Ասիոյ ներսում և Հնդկաստանում: Ունին վաճառատներ և թղթակիցներ՝ ամենուրեք: Մեծամասնութիւնը կիրառում է մեքանիկ արեւսներ: Բանկիրներ են, մատակարարներ, փաշաների ու այլ մեծերի գործակալներ: Նրանց մեղադրում են այն բանի մէջ, որ անխտիր ամեն միջոց գործ են գնում, հարստանալու համար և որ խաբում ու կեղծում են ապրանքները, երբ կարող են: Այսուհանդերձ, ձգտելով բոլոր կարելոյն շատ վաստակել, նրանք սակաւ են զանցառու լինում իրենց յանձնառութիւնների նկատմամբ և առհասարակ ճշտապահ են իրենց խոստումները կատարելու մէջ: Խստաբարոյ և տգէտ ու նախապաշարւած՝ նրանք պէտք ունին միայն կրթութեան և փոքր ինչ արդար կառավարութեան, որպէս զի դառնան անսահմանօրէն յարգելի մի ժողովուրդ ***): (*un peuple infiniment estimable*)...

Տգէտ և նախապաշարւած—անշուշտ: Բայց և այն-

*) *Erdkunde*, X հատ., էջ 634:

**) *Chardin*, *Voyage en Perse*.

***) *Olivier*, *Voyage dans l'Empire Ottoman*. էջ 15, 28:

պէս, Արևելքի ժողովուրդների մէջ ամենից աւելի աչքաբացը, ամենից աւելի կրթւածը:

Դիմենք դարձեալ օտար վկայութիւնների, որոնք աւելի անաչառ և օբ'եկտիվ լինելու հանգամանք ունին: Ահա թէ ինչ է ասում նոյն, 1730 թւին Հայաստանի մէջ ծամբորդած միսիօնարը.

Արևելքի բոլոր ազգերի մէջ հայերը այն ազգն են, որ ամենից քիչ են հեռու եղել եւրոպացիներից և որ ամենից աւելի են ունեցել եռանդ՝ կրթւելու, առաջադիմելու *):...

Վիկտօր Լանգլուան նկարագրում է միւս կողմից այն լայն առևտրական յարաբերութիւնները, որ ունեցել է Վիլիէի ոյ հայութիւնը Արևմուտքի հետ, Ռուսիաների ժամանակ.

Վիլիէան վենետիկցիների համար մի ժամանակաւոր օթեան էր, ուր նրանք ունէին իրենց շտեմարանները... Իսկ ջենովացիների համար Հայաստանը դաղթականութեան մի երկիր էր, ուր հանրապետութեան վաճառականները ունէին իրենց առևտրական տները...

Վիլիէի հայոց վաճառականութիւնը կայանում էր տեղական արդիւնքների և մի քանի օտար ապրանքների վաճառելու մէջ, որոնք կամ բերում էին Հնդկաստանի ու Պարսկաստանի կարաւաններով, կամ թէ արևմտեան վաճառականների նաւերով... Հայերը փայտի առևտուր էլ էին անում, որ կտրում էին Տաւրոսի անտառներից, և մետաղների առևտուր, որ հանում էին լեռան հանքերից. վերջապէս աղի, հացի, իւղի, բամբակի առևտուր: Ապա և թթենու յալուութիւն, շերամապահութիւն: Բայց նրանց ապրուստի զխաւոր աղբիւրներից մինն էլ՝ արևմտեան ապրանքների տարածումն էր Արևելքի խոքերում: Լինելով գործունեայ, աշխատասէր և խելացի մարդիկ՝ նրանք յանձն էին առնում եւրոպացոց հաշիւն տանելու արևմտեան բերքերը կարաւաններով մինչև Պարսկաստան և Խաթարստանի ու Հնդկաստանի սահմանները **):

XIX-րդ դարու վերջերում, Էլիզէ Ռէկլիւ կրկնում է նոյն հինաւուրց նպաստաւոր կարծիքները հայ տարրի բազմակողմանի կուլտուրական հակումների մասին.

Թէ էրբրում և թէ Պօլս՝ հայերը տարբերում են թիւրքերից աւելի բաց, հաղորդասէր և ազատ մտքով կրթւելու, աւելի մեծ սիրով, աւելի մեծ նախաձեռնութեամբ առևտրի ու արդիւնագործութեան մէջ: Վանի վիլայէթում չկայ մի հատիկ տուն՝ որ չինւած չլինի նրանց ձեռքով, չկայ տեղական մի պատառ, որ նրանց մատների արդիւնք չլինի. հազիւ թէ գտնւի մի պտուղ, որ բաւ չլինի նրանց այգիներում ***):

Վերջապէս, ահա և Հաբստհաուզէն, խաչատուր Աբովեանի հռչակաւոր բարեկամը, որ այնքան ներհուն կերպով հետազօտել է Անդրկովկասը:

Նա խօսում է հայերի կոչման մասին՝ ասիական ժողովուրդների մէջ.

Կարելի է ասել, որ նրանք կազմում են մի տեսակ թթւաւոր (Sauerterig), որ նետւել է Ասիոյ խմորող տարրերների մէջ, որպէս զի վերասին արթնացնել և նորոգել

*) *Villette*, *Voyage d'un missionnaire*, էջ 44:

**) *V. Langlois*, *Le trésor des Chartes d'Arménie ou Cartulaire de la chancellerie royale des Roupénien*. Քաղ. Փորձի 1876 թ. No 1-ի մէջ, Ստեփ. Պալասանեանի մի յօդուածում:

***) *Asie Antérieure*, էջ 341:

մտաւոր կեանքի գրեթէ արդէն մեռած սաղմերը *)... (um die fast erstorbenen Keime des geistigen Lebens wieder zu erwecken).

Մխիթարակա՛ն, կազդուրիչ, ազգային հպարտութիւնը շոյող ու խթանող յայտարարութիւններ...

Որքա՛ն, սակայն, գորշ ու անփառ էր հայ-ազգային իրականութիւնը միջնադարեան այդ ահագին ժամանակաշրջանում...

Դարերը յաջորդում և նմանում էին իրար, կեանքը — մի հսկայ, անօրինակ տարատրոս, հիւսւած արիւնի և աւերածի անվերջ տեսարաններից: Աշխատանքի պայմաններն էլ չէին փոխուում: Երկրագործութիւնն ու առևտուրն էլ ենթակայ էին արևելեան բար անշարժութեան օրէնքին: Կիւրոսից մինչև Ջինգիզ և Թիմուր, մինչև նոր ժամանակները — ասիական ցեղերի արդիւնագործութիւնն ու ներքին հաղորդակցութիւնը՝ գրեթէ նոյնն է: Քաղաքական արիւնագանգ փոթորիկներն ու վերկվայրումները չէին մտցնում էական փոփոխութիւն աշխատանքի և միջցեղային արդիւնաբերութեան ու առևտրի մեթոդների մէջ: Նման էին և այդ քաղաքական փոթորիկները, Հրաբխային ճակատագրականութեամբ պայթում էին նրանք, ցիկլոնի պէս սրարշաւ պտոյանք գործում և ծածկում ընդարձակ տարածութիւններ աւերակների կոյտերի տակ: Ապա նորէն վերածւում էին շէն, բարգաւաճ քաղաքները բարբարոսութեան մոխիրներից...

Ազգային ինքնաճանաչութեան մասին խօսք չէր կարող լինել: Ազգը չկար Նա յօշոտել էր, անդամալուծել: Կային նրա մի շարք հիմնական տարբերքներ: Կար ընդհանուր հողը և ընդհանուր, արիւն ակցական ծագումը: Կար տանջանքի ընդհանուր ութիւնը՝ բռնութեան ու ժողովի տակ: Կար աւանդութիւնների և առասպելների համեստ շտեմարանը: Կար հաւաքական ստեղծագործող աշխատանքը, որ մեղմում էր անհիւրընկալ բնութեան արհաւիրքները և ապրեցնում համայնքը: Կար ցեղի ուրոյն հանճարը, նրա յատուկ և շինարար ոգին, նրա յամառ և անվկանդ առաջխաղացութեան տենչը: Կար, վերջապէս, եկեղեցին, որ իր տգէտ ու ողբալի կղերով հանդերձ, մեծապէս նպաստել է ցեղի պահպանութեան, իր ձեռքն առնելով նրա ճակատագրի ղեկը, քաղաքական անկախութիւնը կորցնելուց յետոյ...

Չկար այդ բոլորը միացնող, ամբողջացնող ստեղծագործութիւնն ու ազգակը: Չկար հաւաքական ժառանգութեան անհրաժեշտ մթերանոցը: Չկար ազգային գրականութիւն, լեզու — նոր լեզու — և պատմութիւն: Արդիւնաբերող աշխատանքը ստեղծում է ազգի նիւթական քաղաքակրթութիւնը, իսկ լեզուն և գրականութիւնը ստեղծում են իմացական ինքնութիւնը: Ել անհրաժեշտ են, ներկայ են:

*) August F. V. Haxthausen, Transkaukasien, հրատ. 1856. Լայպցիգ, հատ. I էջ 292:

Անգամ էջմիածնում — հայութեան մտաւոր ու բարոյական կենտրոնավայրում — Տուրնըֆօր չի լսում հայկական բառբառ: Տիրապետում էր պարսկերէնը: Հայը մեծ մասամբ օտարախօս էր: Նա սիրով ու դիւրութեամբ հոլովում էր տաճկերէնը, պարսկերէնը: Կարաւանների հայ վաճառականները խօսում էին իտալերէն — ասում է Տուրնըֆօր:

Անգամ ի տաւերէն... 17-րդ դարում: Եւ ի՞նչ զարմանք: Մի ճարպիկ, հաղորդական, ընդունակ ցեղ, որ առևտրական կենդանի յարաբերութեան մէջ է եւրոպայի, իտալիայի վաճառաշահ կենտրոնների հետ՝ շտապում է իւրացնել նախ և առաջ հաղորդակցութեան անհրաժեշտ գործիքը...

Եւ դարձեալ — ուշագրաւ իրողութիւն — այդ կոսմոպոլիտ, օտարախօս դասակարգն էր, որ պիտի վառէր օտարութեան մէջ մի բանի աղօտ ճրագներ հայրենիքի վերածնութեան: Այդ վերածնութեան սերմերը պիտի գային դրսից, բանի որ բուն հայրենիքը մի ցուրտ ու մասսայան դժուր էր...

Գոյութեան այդ դարևոր կուռի մէջ հայերը, հարկադրաւ լինելով շարունակ իրենց ուշք ու միտքը և բոլոր բարոյական ու նիւթական զօրութիւնները կենտրոնացնել ինքնապահպանութեան՝ ազգերի այս ամենաթանկ սեփականութեան մէջ, ժամանակ չեն ունեցել, ի հարկէ, մտածելու մտաւոր և հոգեւոր զարգացման վրայ, այսինքն առհասարակ կրթութեան և արւեստների բարգաւաճման վրայ...

Ճիշտ էստում Պալասանեան *): Հայ վաճառականներն, որ հիմնում են համեմատաբար ազատ եւրոպայում՝ տպարաններ, հրատարակում են հայերէն լեզուով մի շարք գրքեր, փորձում են նոյնիսկ խզել կրօնական մարզանքների — աղօթագրքերի, սաղմոսների — աւանդութիւնը և աշխարհական ուղղութիւն ու աշխարհիկ լեզու տալ նորաբողոք գրականութեան:

Տպագրութիւնը — ասում է Լէօ — XVII դարի երկրորդ կիսում՝ անընդհատ զարգանում է թէ տրեստի և թէ տպած գրքերի ներքին արժանաւորութիւնների կողմից: Այդ առաջադիմութիւնը ամբողջովին հայ գաղթականութիւնների գործն է և վաճառական դասակարգի ջանքերով է պահպանւում... Հայ տպարանը դարձեալ թափառական է, ինչպէս նախորդ դարում, դարձեալ հեռու է մայր-հայրենիքից: Նրա հետ թափառում է և հայ գրականութիւնը, որ կամ Ամստերդամ է ըլլա ընկնում, կամ Մարսելում, կամ թէ Լիւզոնոսի ու Վենետիկի մէջ: Այս թափառական դրութիւնը մեր գրականութեան մի մշտական յատկութիւնն է դառնում: Մինչև այդ՝ գրագիտութեան և գպրութեան տեղերը Հայաստանի վանքերն էին. բայց տպարանը հանում է գրականութիւնը մայր-երկրից և տանում է իր հետ զանազան տեղեր, ուր կան հայ գաղթականութիւններ և ուր երկար կամ կարճ միջոցով վառւում է գրական լոյսը **):

Հասարակութիւնները այնտեղ չեն միայն համեմատաբար արագ զարգանում և դառնում կուլտուրատիպ ազգութիւններ, ուր նիւթական և գաղափարային աշխատանքի լայնարձակ ասպարեզի մէջ շեշտւում է առաջինը:

*) „Փրճ“, 1876 No II.

**) Հայկական Տպագրութիւն, հատ I, էջ 356:

